

# WANTOK

Niuspepa bilong Papua Niugini stret

25 yia nau

40 pes

Namba 1112

Wik i stat long Fonde, Oktoba 19, 1995

50 toea



## Samting bilong traim

● Em samting bilong lainim na traim. YanGpela Ahmjad Tekwie bilong Sandaun i putim han bilong plis ben konakta, na traim kondaktim musik long Oktoba 12 long Mosbi Intanesenel Hai Skul. Dispela em long bikpela bung bilong ol skul long amamasim Yunaited Nesens De. *Poto: Ivan Bayagau.*

# Narokobi tok ol memba westim taim

Bikos ol i no ritim gut 58 senis long lo bilong Provinsal na Lokol Level Gavman

MEMBA bilong Wewak, Bernard Narakobi i tokim ol memba bilong Palamen long Fonde las wik olsem ol i westim taim long dispela 58 senis we bai go insait wantaim lo bilong Provinsal na Lokol Level Gavman.

Em i tok ol memba i no bin ritim na skelim gut dispela lo taim i bin stap olsem wanpela bil yet. Na i bin votim em kamap olsem wanpela lo.

Em i tok ol memba i no bin ritim gut dispela lo na kisim gut as tingting bilong dispela lo bipo long ol i vot long em.

Bihainim dispela, em i tok ol i mas bringim dispela lo i kam bek gen na lukluk gut gen pastaim.

Long wanem em i tok long kam bek gen long palamen wantaim

### ELIZABETH LENY i raitim

58 senis i soim olsem dispela lo bai i no inap wok.

Em i go het long tok olsem sapos dispela i bin kamap insait long wanpela kampani, kampani bai rausim pinis olgeta lain husat i bin stap insait long wokim dispela kain lo.

Mista Narakobi i go het long tok olsem dispela gavman i wok long lukluk long kirapim ol bikpela samting hariap tumas.

Em i tok ol i wok long traim long mekim kamap planti samting tumas long sotpela taim tasol.

Em i go het long toktok long seksen 20 long we bilong rausim ol provinsal gavman.

Em i tok dispela seksen i no tok klia long husat bai tok stret sapos gavana i wok long wokim rait samting o nogat.

Em i go het long toktok long ol pawa bilong nesanel palamen long mekim lo aninit long seksen 41. Em i tok nesanel gavman bai mekim olgeta lo bilong provinsal gavman.

Dispela em i tok i no stret.

Memba bilong Wewak i tok moa olsem ol memba i noken sapatim dispela ol senis i kamap olsem wanpela lo.

Nau yet dispela bilong dispela ol 58 senis i stap nau bihain long tupela palamen riting. Namba tri riting bai kamap long narapela sindaun bilong palamen.

## Kot kaiabusim man Buka long prenim pikinini meri

NESENEL kot long Buka long dispela wik i salim wanpela man Buka long kalabus tripela yia. Bikos kot i painimaut olsem em i prenim pikinini meri bilong em.

Nem bilong dispela man em Zaccharia Somol. Em i gat 48 kris-mas. Na i bilong ples Hanahan long Buka ailan, Not Solomon

provins. Kot i painimaut olsem Mista Somol na pikinini meri i rong long mekim prenim pasin na slip wantaim. Kot i harim olsem long mun Mas bilong dispela yia, ol plis i bin holim pasim Mista Somol na putim em long selhaus long Buka. Dispela em bihain long sampela lain long ples i ripot long plis.

Na Long dispela wik Mande, Jastis Jalina i mekim disisen bilong em olsem Mista Somol na pikinini meri i rong long mekim pasin prenim na slip wantaim.

Na em i salim papa long tripela yia kalabus long Kerevat haus kalabus, Is Nu Briten.

Pikinini meri em Jastis Jaline i putim em long probesen.

Sem kot i glasim tu wankain sas long Mista Somol na namba wan pikinini meri bilong em.

Tasol kot i bin painim olsem i nogat inap evidens long soim olsem Mista Somol i mekim dispela rong.

Na tu namba wan pikinini meri i no bin stap long kot.

- ALOYSIUS SAMI i raitim.

### LUKIM INSAIT

RAGBI LIG NIUS  
POSTA BILONG  
MARKUS BAI



HILUX

## YUNO INAP WINIM

### TOYOTA HILUX 4x4 DABOLKABIN

**Sapos yu painim hat long igo, go wantaim Toyota Hilux 4x4 tasol. nau long Ela Motors.**

# TOYOTA

HILUX

Oh! Em Gutpela Tru!

Ela Motors

OLGETAHAP

EM6068

**Plis RIPOT**



**Maunt Hagen:** Plis i bin arestim 11 man husait ol i bilip i bin stap insait long indai bilong dispela man lsten halens long Asoro Veli long lsten hailens provins.

Plis ripot i go het long tok olsem Komanda bilong lsten Hailens Provins, Titus Pamben i tok em i bin go pas long wanpela reid long Fraide na Satade we ol i bin kamap wantaim dispela arest. Ripot i go het long tok olsem polis i wok long painim yet tupela moa bilong dispela ol man. Ripot i tok dispela ol man nau i stap long Bihute Jeil. Na i tok dispela man ol i kilim i bin dai taim ol dispela man nogut i bin wokim wanpela rotblok long Dauilo pas. Ripot i tok polis i bilip olsem ol i bin kilim dispela man olsem peibek.

**Saut Simbu:** Faifpela man i bin dai insait long wanpela traibol fait insait long Sauten Simbu provins.

Plis ripot i tokaut olsem ol man long Eras wantaim Omkakai klen i bin stap isait long dispela pait long graun. Taim tripela man long Eras na tupela man long Omkakai i bin dai bihain long ol sutim ol yet long spia na tamiok. Ripot i go het long tok olsem dispela pait i bin stat las mun na i wok long go het yet.

**Mosbi:** Wanpela man Enga i bin dai bihain long sampela ol yangpela mangi i bin sutim em wantaim hom-meid gan long Fraide. Plis ripot i tok dispela i bin kamap outsait long wanpela dens ples long Hos Kem setelmen long KilaKila. Ripot i go het long tok olsem polis i wok long go het wantaim wok painim aut bilong ol.

**Goroka:** Laitning i kilim wanpela man las wiken na tupela i kisim bagarap long Westen Hailens. Plis ripot i tokaut olsem dispela tripela man i bin sanap aninit long wanpela diwai klostu long voli-bol kot taim laitning i pairap na kilim dispela man na bagarapim tupela arapela man. Ripot i tokaut long nem bilong dispela man i dai olsem Bobby Blu bilong Morobe provins. Bobby Blu i gat 19 krismas.

**Wabeg:** Planti ol manmeri i bin kisim bagarap long ston na ol arapela samting i flai nobaut bihain long wanpela fait. Plis ripot i tokaut olsem polis i bin kirap nogut long dispela na i bin traime olgeta wei long stapim dispela fait. Ripot i go het long tok olsem nau yet olgeta samting i stap pinis. Tasol ripot i go het long tok olsem Provinsal Plis Komanda, Ambros Willie i sutim tok long ol politisen long kirapim pasin belhat bihainim wok polotiks.

**WANTOK**

All departments. Phone 325 2500 - Fax 325 2579  
P.O. Box 1982, Boroko, NCD, Papua New Guinea

Published Weekly, Thursday, for  
**Word Publishing Company Pty. Ltd.**

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

General Manager and Company Secretary: Ian Fry.  
Group Editor in Chief: Anna Solomon.  
Editor of Wantok: Leo Walfwa  
Advertising Manager: James DeLisle

Advertising Deadlines  
Display bookings and Camera ready copy: Tuesday midday  
Classified advertising: Wednesday 2pm.

Regional Office:  
Suite Haus Tisa, Second Street Lae, P.O. Box 1726, Lae, Morobe Province, Phone/Fax 42 0618, Phone: 42 1562

Regional Manager: Alphonse Pu.  
Papers distributed by air throughout PNG.  
Available by airmail subscription within Papua New Guinea and overseas.

Australia & New Zealand Representatives:  
Tonkin Media Pty Ltd, P.O. Box 101, Avoca Beach NSW, 2251 Australia, Sydney, James Tokin, (043) 851746, Melbourne, Glen Smith, (03) 8072311.

Word Publishing Co. Pty Ltd is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at the office of Word Publishing Company Pty. Ltd. and are set out in full on the reverse side of its official Display Advertising Booking Form.

**Hevi bilong lo na oda i bikpela moa**

**BETH SOLLIAU i raitim**

Hevi bilong Lo na Oda insait long kantri i wok long kamap bikpela nau. Ripot i soim siks-pela wik pastaim long yumi amamasim 20 yia indipendens, ol pipel i luksave long singaut bilong traime kamapim pasin bilong wanbel na bel isi long ol ples bilong ol.

Praim Minista Sir Julius Chan i wokim ol dispela toktok taim em i wok long bekim ol

askim bilong memba bilong Yangoru-Sausia, John Jaminan. Mista Jaminan i bin askim tu long wanem as na Praim Minista i autim planti triti long palamen.

Long bekim dispela, Sir Julius Chan i tok wanpela bikpela as long hevi bilong lo na oda em wokabaut bilong ol pipel long wanpela i go long narapela.


Boda mak bilong Papua Niugini i bung wantaim foapela

arapela kantri. Em long Oustrelia, Indonesia, Solomon Ailen na Federated Stet ov Maikronesia.

"Long dispela as mipela i mas kamapim tokorait long lukautim wokabaut bilong ol pipel, was long wok bilong baim na salim ol marasin nogut olsem spak brus na tu long ron bilong ol sip na wok bilong painim pis insait long dispela solwara, Sir Julius i

tok. Em i go het long olsem olgeta triti i gat as.

Praim Minista i tokaut olsem wanwan triti i stap bilong helpim olgeta kantri long banisim wok bilong salim na baim ol strongpela samting bilong pait na ol marasin nogut. Em i tok, ol dispela hevi i bikpela tru long Papua Niugini. Tasol insait long las siks-pela wik, namba bilong ol lo na oda hevi i wok long go daun isi isi.



• Sir Julius long press konferes taim em i tokim ol manmeri olsem Simon Pentanu em Sief ombudsman, long lephan bilong em ektim wan tu bilong Prim Minista depatmen, John Painap.

**Gavman stat pinis long bekim ol dinau**

Praim Minista Sir Julius i tokaut long Palamen olsem Nesenol Gavman i statim pinis wok bilong stretim na bekim dinau (mani) bilong wol beng. Em i go het long tok olsem wok i stat long las mun tasol. Em i tok las yia Kantri i bin bungim bikpela hevi long sait bilong mani. Planti ol wok na bikpela prosek i no bin kirap o stat. Wanpela prosek we nesenol gavman i oraitim long kamap na i no kamap yet em wok bilong disainim na stretim ol rot insait long Lae siti.

Sir Julius i tokaut olsem dispela prosek i kos olsem K33 milion na insait long dispela gavman bilong Ostrelai bai baim 90 pesen na gavman bilong yumi bai lukautim narapela 10 pesen.

Wok bai kamap long tripela hap. Nambawan hap em wok bilong stretim ol liklik na bikpela rot we ol i makim pinis insait long siti. Na ol wok insait long hap tu bai lukim ol wokim niupela Butimbam bris klostu taim. Toktok bilong kompensesen em wanpela bikpela hevi we i wok long mekim namba tu hap bilong prosek i wok long go isisi. Sir Julius Chan i wokim dispela ol toktok taim em i bekim askim bilong memba bilong Lae, Bart Philemon las Fonde.

Mista Philemon i bin askim Praim Minista sapos nesenol gavman i givim pinis mani em i bin promis long stretim ol rot long Lae siti na wanem taim stret bai wok i kirap. Mista Philemon i mekim ol toktok bikos em i tok Praim Minista i tok tupela taim las Disemba olsem kantri i gat bikpela mani nau. Olsem na em laik save sapos i gat mani i stap bilong stretim ol rot bilong Lae siti.

Praim Minista i tok tu olsem papa bilong graun i askim gavman long baim K36 700 long kompensesen. Morobe provins na Lae siti i bin bungim taim nogut taim bikpela ren i bin pundaun long las yia. Wara i tait na bagarapim ol rot na bris insait long Lae siti.

Sir Julius i strongim tok olsem ol rot long Lae siti i no bagarap las yia tasol. Dispela hevi i kamap faifpela yia i go pinis bikos i gat tok pait insait long provinsol gavman polotiks na tu sot bilong moni i mekim na wok bilong stretim ol rot i no kamap kwiktaim.

**PPRC laikim mos senis long provinsal gavman lo**

Wanpela Palamen komiti i laikim olsem moa senis i mas kamap long niupela lo i karamapim wok bilong Gavman insait long ol provins, distrik na ples.

Dispela komiti em Pemenen Palamentri Referel Komiti long wok Justis. Na komiti i bin kisim wok bilong gavman na skelim ol senis nau i kamap long ol lo i karamapim ol wok bilong provinsol na Lokol-level gavman bilong Papua Niugini.

Long taim em i givim ripot long palamen long las wik Fonde, siaman bilong komiti na memba bilong Lufa, Mathias Karani i tok wok bilong kirapim nupela sistem na ol senis i mas kamap pastaim long ol provins em ol olpela sistem bilong provinsol gavman i no bin wok gut.

"Tasol stat long taim ol dispela senis i kamap i kam inap nau, wok i no bin bihainim dispela rot," Mista Karani i tok. Em i go het long tok olsem taim Konstitusenol plening komiti(CPC 1994) i bin autim ol tingting bilong em, CPC i bin singaut

long tilim wok bilong gavman i go liklik. Olsem olgeta toktok na tingting i noken kamap long Mosbi tasol.

CPC (1994) i bin tokaut olsem pawa i mas go bek long ol pipel. Na olgeta rot bilong ol pipel i kisim helpim bilong gavman i mas stap ples klia.

I tru olsem Pemenen Palamentri Referel Komiti bilong Justis i sapotim wok bilong kamapim ol niupela senis, Mista Karani i tok sampela moa senis i mas kamap. Namel long ol senis em komiti i laik i mas kamap em:

\*Ol pipel yet i mas makim provinsol gavana bilong ol na i no lusim tasol long han bilong ol provinsol asembli.

\* Bihain long ol traime wok nau i kamap we ol rijinol memba bilong nesenol palamen i kisim wok olsem provinsol gavana, moa wok bilong skelim na sensim dispela pasin i mas kamap.

\* Narapela man i mas kisim wok olsem provinsol gavana na i no ol rijinol memba bilong

Palamen. Aninit long ol senis nau i kamap, komiti i lukim olsem ol Rijinol memba i gat palnti wok tru na i save kilim skin stret. Olsem na wanpela arapela man ol pipel yet i makim i mas kisim wok olsem provinsol Gavana na

\* Ol open memba bilong Palamen i noken sanap long resis bilong kamap olsem ol interim Deputi Gavana.

Mista Karani i tokaut olsem aninit long seksen 125 bilong ol niupela senis bilong Ogenik Lo, sabseksen 5, ol open memba i kam aninit long dispela lo long wanem ol tu memba bilong provinsol asembli.

Mista Karani i tok ol pipel bilong dispela kantri i lusim pinis bikpela taim na ol samting bilong ol long kamapim dispela senis. Olsen na dispela komiti i laikim olsem wanem senis palamen i oraitim bai luksave tu long ol tingting i stap insait long ripot bilong konstitusenol plening komiti bilong 1994.

OL RIPOOT BILONG PALAMEN KIBUNG LONG LAS WIK

# PM tok moa senis bai kamap long Provinsal na Lokol Level Gavman

ELIZABETH LENY i raitim

LONG 19 Julai 1995, dispela nupela ogenik lo bilong Provinsal na Lokol Level Gavman i bin stat long wok. Bipo long dispela taim nupela ogenik lo i bin stap olsem wanpela bil, planti toktok i bin kamap. Planti ol pipel insait long ol gavman na Non Gavman Ogenaisesen i laikim olsem mas i gat sampela senis i kamap long dispela nupela lo.

Bihainim dispela, Praim Minista Sir Julius Chan i tok gavman bai lukluk long putim dispela ol senis i go insait wantaim dispela nupela lo. Sir Julius Chan i go het long tok tu olsem dispela ol senis insait long Provinsal na Lokol Level Gavman sistem bai go het inap long 1997 Nesenol, Provinsal na Lokol Gavman ileksen.

Em i tok sapos i gat bikpela tingting bilong lukluk gen long dispela

lo, orait gavman bai lukluk gen long dispela lo. Sir Julius i go het long tok olsem long dispela 20 yia i go pinis, ol i wok long lukluk tumas long lo na Nesenol konstitusen o mama lo. Na i no bin lukluk long as ingting bilong dispela ol lo. Na tu ol i bin lukluk tumas long wok polotiks tasol na i no bin givim gutpela sevis i go long ol pipel bilong ol. Dispela olpela sistem, Sir Julius i tok i bin kamapim dispela kain tingting. Na nau em i tok em i taim bilong senisim dispela kain tingting. Em i go het long tok olsem dispela niupela sistem i lukluk long bringim moa politikol koperesen. Dispela em i tok em ol memba bilong palamen yet i mas wokim kamap. Long wok bung wantaim long Nesenol Palamen na ol provinsol gavman na daunim pasin bilong wok resis.

Sir Julius i tok dispela ol senis i bilong gutpela bilong ol pipel inqsait

long kantri. Na em i go het long tok olsem dispela ol senis i no nap senisim as tingting bilong dispela Ogenik Lo bilong Provinsol na Lokol level gavman. Em i tok planti ol senis insait long dispela Ogenik lo em long stretim tasol sampela ol liklik rong insait long lo. Na ol narapela bikpela senis em i ol senis olsem:

- Seksen 11 i toktok long wei bilong rausim Gavana na Dipiti Gavana. Dispela senis i strongim moa dispela ol wei. Na tu bai makim tru olsem dispela kain ol pipel i noken stap long opis bihainim sampela kain as.

- Seksen 26 i toktok long pawa bilong provinsol lejisletya long wokim pawa. Dispela lo nau i stap olsem Nesenol Palamen bai wokim olgeta disison long olgeta lo bilong maining, petrolium, forestri, fising na marin risos we man i go

pàs long stet bai givim tokorait. Na Palamen bai mekim disison. Dispela lo i tok klia long ol pawa bilong ol provinsol lejisletya.

- Seksen 32 i toktok long eksekutiv pawa bilong ol suspended provinsol gavman. We em i tok olsem taim wanpela provinsol edministresen i suspen, Nesenol Eksekutiv Kaunsol bai wokim disison bihainim eksekutiv pawa bilong em. Dispela ol i bai karim aut aninit long Gavana Jenerol, Nesenol Eksekutiv Kaunsol o Minista stap makim eksekutiv kaunsol.

- Seksen 39 na 41 i toktok long provinsol na lokol level grens. Dispela spesol sapot gren i stap insait long agrimen bilong developim ol netrol risos, nau bai kam aninit long wanpela gren ol i kolim long lkonomik gren. Dispela gren bai i no nap abrusim 5% long olge-

ta eksport na bai i no nap karamapim ol royelti prodak na ol developmen prodak we i gat teks.

- Seksen 42 i toktok long ol benefit i kam long Netrol risos developmen. Dispela senis i tokaut olsem olgeta benefit bilong ol royeltis bai go stret long Nesenol Gavman. Na wanpela ekt bilong Palamen bai lukautim dispela ol trus fun we bai i kontrolim ol developmen teks.

- Seksen 50 i toktok long Intarim provinsol gavman. Senis mas kamap na ol open memba bilong Palamen wantaim provinsol memba bai makim sampela ol provinsol gavman memba husait i bin go pas long ol lokol level gavman long stap insait long dispela intarim provinsol gavman. Na tu dispela intarim provinsol gavman mas i gat wanpela husait bai makim uben level gavman we em bai i kam long aben atoriti asosiesen.

## Jaminan tok gutpela long saveman tasol sanap long ileksen

MEMBA bilong Yangoru Sausia, John Jaminan i tok mas i gat wanpela kain mak o stended bilong ol man husat i laik kamap ol lida, na i laik holim ol pablik opis. Em i mekim dispela toktok long Palamen bihainim ol toktok bilong dispela 58 senis insait long nupela Lokol na Provinsol Level Gavman.

Em i go het long tok olsem em i bikpela samting tru olsem ol lida mas gat save long mekim gut wok bilong ol long ol pablik opis. Em i go het long tok olsem mas i gat ol gutpela eksekutiv opisa husat i gat save long mekim wok gut. Na long givim stretpela toktok long ol memba bilong Lokol Gavman Kaunsil, husat i nogat inap save yet long wok politik. Em i tok dispela ol pipel mas i gat save long nekim dispela wok. Sapos nogat bai dispela nupela rifom sistem bai pundaun.

Mista Jaminan i go het long tok olsem level bilong edukesen em wanpela samting we i ken i gat kik long sait bilong developmen insait long kantri. Olsem na em i tok ol kaunsil husat i laik sanap long ileksen mas i gat sampela kain level bilong edukesen bipo long ol i sanap long ileksen. Em i tok nau yet insait long kantri i nogat dispela kain mak o lo bilong dispela kain ol lida. Em i tok nau em i taim gavman i mas lukluk long dispela kain ol samting.

## Gavman oraitim ami long wokim ol rot na haus sik long Isten Hailans

BETH SOLLIAU i raitim

GAVMAN i orait pinis long yusim ol saveman bilong Papua Niugini Difens Fos Enjinerung Yunit long wokim ol rot, haus sik, skul na bikpela rot prosek insait long Isten Hailans provins. Na ol bikpela masin ya bai ol ensinia ya bai yusim long ol wok prosek i kam pinis long kantri Jemani. Gavman bilong hap i givim ol dispela mani aninit long Jemeni Teknikol Asisten agrimen progrem bilong em.

Minista bilong Difens, Mathias Ijape i bin mekim ol dispela toktok taim em i bekim ol askim bilong memba bilong Sinasina-Yonggumugl, Ben Okorro long Palamen las mun. Long ol askim bilong em, Mista Okorro i laik save sapos ol dispela masin em olpela Difens Minista Paul Tohian i bin go long Jemeni na bringim i kam bek i stap long Lae o Mosbi. Na wanem tru as bilong baim ol dispela masin.


Memba i bin laik save tu sapos ami inap kisim na yusim ol dispela masin na long wanem taim na hap em ol yusim ol masin ya. Long ol bekim bilong em, Minista Ijape i tok taim gavman i kisim ol dispela masin, em i bin salim sampela i go long Rabaul bilong go long Bogenvil. Tasol maunten paia i pairap na

karamapim planti bilong ol masin. "Narapela bikpela hevi em mipela i bungim nau em long speapat bilong dispela ol masin. Em i hat tru long kisim ol spea pat i kam long Jemeni, Mista Ijape i tok. Tasol, em i tokaut tu olsem Gavman i kisim pinis wanpela kampani bilong Lae long wokim ol dispela wok insait long Kantri.

Minista Ijape i tok tu olsem long Isten Hailans, olgeta nainpela Nesenol memba i orait pinis long givim wanwan K100,000 bilong helpim ol wok bilong stretim ol wok insait long provins. Tasol long dispela taim, Memba bilong Kainantu, Avusi Tanao i bin sanap na kros long toktok bilong dispela K100,000. Em i tok dispela i no tru. Long wanem Minista i no bin bungim na toktok wantaim ol memba long dispela samting.

"Mi no bin tokaut long givim K100,000, Mista Tanao i tok. Tasol Minista Ijape i strongim yet ol toktok bilong em na tok sapos ol memba inap skelim liklik mani bilong lilektorel Developmen Prosek(EDF) o maina rot trenspot fan bilong ol i go long dispela wok, em bai amamas tasol long givim dispela wok i go long han bilong Enjinerung Yunit bilong PNG Difens Fos.

## DR. WONG'S MARASIN SOP



Sop bilong rausim

- Kaskas
  - Skabis skin sua
  - Hed Laus
- Yusin olgeta de

Askim stoa klostu long yu

Wholesalers: CBChae, Cheong Supermarket, City Pharm, Daru Tdg, Garamut, Hokit, Johnston Pharm, Morobe Pharm, PB Cheung, Price Rite, Rabtrad, SCS Tdg, S & N Tdg, Tangmow, Tropicana, TST.

For Wholesale savings



# WANTOK

NIUSPEPA BILONG OL PAPA NIUGINI STRET

## Lidaman yet i asua

Nau mipela i ken lukim olsem ol lida bilong mipela long kantri i wok long mekim kain kain samting we mipela i ting ol i no inap long mekim.

Long las wik mipela i harim ol opisa bilong Foren Afeas i rausim wanpela loya man bilong Australia husat i kam long makim ol asples long kot bilong Ok Tedi maining. Yumi save olsem taim ol minista o gavra i go long kot, ol i save baim loya long ovasis. Olsem na watpo gavman i laik stapim loya bilong ol trangu ples lain? Em wanem kain lo nau?

Ol memba bilong gavman i no malolo long kamapim rekot nogut bilong paulim mani na bagarapim gutnem bilong pablik opis. Las wik tasol mipela i harim nem bilong Yaip Avini, membabilong Finsafen. I no longtaim i go, mipela i bin harim stori bilong Andrew Posai, John Nilkare, Ben Micah na Paul Pora.

I luk olsem planti i wok long hait yet istap. Redi long moa yet bai kamaut bikos yu no inap hait long sin bilong yu. Sin bilong yu yet bai sanapim yu long ai bilong pipel.

## Ol ailan pipel pret long pipia bilong Lahir Gol main

OL PIPEL bilong ol liklik atol ailan long Bogenvil i laikim nesanel gavman na Lahir Gol main kampani long tokaut klia sapos pipia bilong main bai bagarapim solwara na abus long sait bilong ol o nogat.

Memba bilong Atols distrik long Bogenvil Trensisenel Gavman (BTG), Parara Ahewa i bin makim ol pipel

### VERONICA HATUTASI i raitim

bilong em long ol liklik ailan olsem Katerets, Nuguria, Nissan, Motlok na Tasman na autim dispela askim long BTG asembli bung, em i bin kamap long Buka long dispela wik.

Mista Ahewa i bin tok ol pipel bilong em i wari tru nau. Bikos solwara em wanpela

hap tasol ol i save kisim ol abus kaikai, na tu long waswas long en.

Bikos dispela ol liklik ailan bilong Bogenvil i no stap longwe long Lahir, ol i pret olsem taitbilong solwara bai karim ol pipia bilong main i go olsem long ol liklik ailan bilong ol. Na bai

bagarapim solwara ba pis bilong ol.

Mista Ahewa i tok ol pipel bilong em i save long rot we tait bilong solwara i save bihainim.

Ol i tok tait i save bihainim wankain we i kam olsem long Anir, Nissan, Nuguria (Fead), Katerets, Motlok na Tasman.

Mista Ahewa i laik kisim gutpela ansa

long nesanel gavman na Lahir Gol Maining kampani, sapos kampani i mekim sampela stadi o wok painimaut long gutpela rot bilong tromoi ol pipia bilong main.

Ol pipel bilong em i askim sapos kampani i save olsem ol posin pipia marasin bilong main i no inap bagarapim solwara na ol pis.

## Miriung askim ol sief long wok bung wantaim BTG

### ALOYSIUS SAMI i raitim

GUTPELA sindaun long Bogenvil ailan bai kamap taim olgeta grup i wok bung wantaim.

Primia bilong Bogenvil, Theodore Miriung i bin mekim dispela singaut las wik long Buka. Dispela em long wanpela bung wantaim sampela sief.

Em i tokaut strong long ol sief long wok bung wantaim. Na bringim gutpela sinduan i go bek kwik long Bogenvil.

Mista Miriung i askim tu ol sief long wok bung wantaim ol Bogenvil Trensisenel Gavman (BTG) memba. Na kirapim toktok wantaim ol biknem BRA lida olsem Francis Ona, Sam Kauona na Joseph Kabui.

Em bin askim ol sief long helpim na sapotim strong ol toktok bilong kamapim bek gutpela sindaun long Bogenvil, we ol lida husat i go pas long tupela sait bilong ol hevi long ailan i mekim long dispela taim. Na i no larim tasol wok long han bilong sampela lain tasol long mekim.

Long wankain taim tu, Mista Miriung i askim strong nesanel gavman long noken mekim wanpela samting long ol biknem Bogenvil Revolusinari Ami (BRA) lida, na larim ol i wokabaut fri long Bogenvil i go long Solomon Ailans. Dispela em long stap insait long namba tu bung bilong ol Bogenvil lida. Bung bai kamap gen long Ostrelia.

Mista Miriung i askim tu ol PNG Difens Fos soldia na plisman husat i stap wok long Bogenvil long larim tripela BRA lida i lusim Bogenvil wantaim nogat trabel, na go olsem long Solomon Ailan. Bikos tupela bai bungim ol arapela wanlain bilong tupela na go hetim wokabaut i go long namba tu raun bilong ol toktok long Ostrelia.

Mista Miriung i no klia sapos nesanel gavman bai givim sampela mani i go long helpim baim rot bilong ol Bogenvil lida long bung long Ostrelia. Tasol em i tok BTG bai traim hat long painim sampela mani long helpim ol BRA lida ya.

## Tambu long bikples Bogenvil givim mekimsave long pipel

TAMBU we ol soldia na plisman i putim i stap nau long stapim ol sip na balus i go long olgeta hap bilong bikples Bogenvil i kamapim ol hevi long planti pipel bilong bikples Bogenvil.

Ol soldia na plisman long Bogenvil i bin putim dispela tambu long bikples Bogenvil long las wik yet.

Na long luksave bilong ol sampela pipel long ailan, dispela em long ol trabel we ol BRA i kamapim long saut Bogenvil na sampela lain long tupela sait (BRA na ol soldia na plisman) wantaim i dai na tu kisim bagarap.

Ol toktok i kam long Buka i tok kikbek long dispela tambu i mekim na ol bisnisman bilong Buin na Siwai i kisim taim stret.

Bikos long nau ol i nogat rot long go bek long ol ples bilong ol. Mekim na sampela ol bisnisman bilong Buin na Siwai, husat i bin kisim kago bilong ol i kam long Lae i salim long ol man long Buka long spesel prais.

sim ol pipel long kisim bek ol gan long han bilong ol BRA.

Na tu helpim ol long dispela wok. Olsem na ol i putim kamap dispela tambu.

Tasol long wankain taim tu, planti pipel long Bogenvil i wari nau.

Bikos dispela samting inap bagarapim ol wok bilong kamapim gutpela sindaun bek long Bogenvil ailan.

Na tu dispela i pasim rot bilong kisim ol BRA lida long Panguna i go olsem long Honiara, biktaun bilong kantri Solomon Ailan long stap insait long bung bilong ol Bogenvil lida. Bung bai kamap long Ostrelia.

Dispela sem man i tok pasin bilong putim tambu i egensim tu plen bilong gavman long bringim ol sevis i go long ol pipel long ailan.

Em i tok tu olsem planti pipel i wok nau long askim husat tru i bosim Bogenvil. Em i wok bilong Bogenvil Trensisenel Gavman (BTG) o ol soldia na plisman.

Narapela samting we i kamapim kain askim long ol pipel em sapos sip o balus i laik go long bikples Bogenvil, ol i mas kisim tokorait pastaim i kam long ol soldia na plisman long Loloho.

Man ya i tok tu olsem tupela grup (BTG na sekyuriti fos) long Bogenvil husat i wok long stretim laip na sindaun long ailan i wok long resis long mekim dispela wok.

Em i lukim olsem dispela i no gutpela.

Em i tok BTG i wok long laik pinisim ol hevi long bihainim pasin bilong toktok. Na ol soldia i wokhat yet long kisim ol strongpela BRA lida long ailan.

Em i tok dispela pasin i no inap tru long pinisim ol trabel.

Wantok i no inap kisim ol toktok long bos bilong ol soldia na plisman long Loloho, Bogenvil na Murray Bareks long Mosbi.

# WANTOK

NIUSPEPA BILONG OL PAPA NIUGINI STRET

P.O. Box 1982 BOROKO  
telepon Namba: 25 2500  
Feks Namba: 25 2579

## PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na NuSilan	K92.00
Esia pasifik na Japan	K123.00
Amerika na Yurop	K180.00

**BIABIA SAVE PAITIM MERI BILONG EM OLGETA TAIM... KLOSTU NIUYIA NA EM PROMIS LONG MERI BILONG EM...**

LEWA, NIUYIA RESALOSESI BILONG MI EM, MI NO INAP PAITIM YU GEN. PIMS!

YU TOK TRU. OZ YU BIN TOK OLSEM LONG MI BIPOL!

**OL I GO SPAK NOGUT TRU NA OL I KAM BEK... BIABIA HANGERE NA ASKIM MERI LONG KAIKAI...**

CHIC! HEY, MERI! (CHIC) ENI KAI... MI HANGERS

SORI, I NO TAIM LONG KUK YET.

**NAU LONG NIUYIA DE STRET OL PORO BILONG EM KAM KISIM EM I GO...**

HEY, BIABIA! EM NIUYIA... YUMI GO NA SELEBRET!!!

HONK! HONK!

AIYO! YUPELA WET-IM MI YAI!

**TAIM MERI TOK NOGAT KAIKAI, EM BELHAT NA NEKIM EM...**

YU \*? KUKIM KAIKAI NAH!

AMOOO!! YU PROMIS NATING LONG NIUYIA!! BAI MI KUSIM YU. (S06)

## Moa indai na bagarap i kamap

Long dispela wik, i bin gat ripot olsem ol i painim bodi bilong tripela man i dai klostu long ples Dusei insait long Siwai eria.

Na long las wik, pait namel long ol sekyuriti fos na sampela BRA paitman long Buin i bin kamapim indai bilong wanpela soldia, na wanpela resisten paitman i kisim bikpela bagarap.

Fopela BRA paitman i dai tu long birua ya.

I gat ripot tu olsem sampela BRA paitman i bin stilim tupela gan bilong ol sekyuriti fos long Tinputz na Haisi insait long Siwai eria. Na ranawe i go insait long bus.

Wanpela man long Bogenvil i tok ol sekyuriti fos i laik salen-

# Madang Gavana i opim Jibabu has marasin

## FRIEDA KANA i raitim

OL pipel bilong ples Jimjim, Bawak na Buai insait long Astrolabe Bay Lokal Gavman Kaunsil ria bilong Madang provins i amamas tru long kism wanpela haus marasin (aid post) bilong ol stret insait long ples bilong ol.

Dispela haus marasin i sanap long liklik ples Tire klostu long bikples Bawa. Jibabu haus marasin nau bai lukautim 800 lain pipel bilong dispela tripela ples. Ol pipel bilong dispela ples i bin wokim bilong World Vision.

Mr Peter Barter i bin opim dispela haus marasin. mr Barter i

promis long givim K1,000 long Jibabu hasu marasin na tu em bai i givim wanpela ais bokis bilong putim ol tambu sut marasin. Long yia bihain 1996. Mr Barter i tok em bai i givim tu wei redio long olgeta helt senta na ol eid pos insait long Madang provins. Jibabu haus marasin i bin olsem K12,000 long wokim. Bogadjim Intergral Projek bilong World Vision long Madang i bin putim K9,000 na Astrolabe Bay Lokal Gavman Kaunsil i bin putim K3,000.

Long dispela taim bilong opim haus marasin, President bilong Astrolabe Bay Lokal Gavman Kaunsil Mr Sali Wanis i bin stap.

Mr Wanis i givim strongpela tok i go long ol yangpela man na meri long ol i mas lukautim gut haus marasin bilong ol. Ol i noken larim bagarap i kamap long dispela haus marasin. Em i tok tenkyu tru long World Vision long helpim bilong ol insait long dispela kaunsil eria.

Man i lukatutim ol wok bilong World Vision insait long dispela hap, Mr John Aupae i tok long dispela taim olsem dispela haus marasin i gat bikpela mining. Long yia 1990 Wold Vision i bin mekim wanpela wok painimaut long namba bilong ol manmeri i save dia isnait long wanwan yia. Na ples Buai i bin kism bikpela namba tru.

Tripela yia bihain taim World Vision i statim wok insait long Bugati eria, kaunsila bilong tripela ples Buai, Jimjam na Bawak, Mr Mamato i bin bringim dispela bel kra i bilong em long ol i mas i gat wanpela eid pos long ples Bawak. Dispela tingting em World Vision i wanbel tru long en na long yia i go piñis ol i statim wok bilong dispela haus marasin.

Wokman bilong dispela haus marasin em Luterna helt sevis i givim na bai i lukautim. Tasol bikman bilong helt insiat long Madang provins. Mr Dick Bart i tok strong long ol pipel olsem i gutpela long yumi gat haus marasin na wokman

tasol sapos yumi i no lukautim gut wokman bai wokman i lusim yumi.

Meri i bosim wok bilong World Vision long Papua New Guinea, Mrs Josie Mari tu i bin stap na em i tok amamas long ol pipel ol yet i helpim long wokim dispela haus marasin wankain long ol arapela wok kamap insait long eria bilong ol we World Vision i mekim.

World Vision bilong Taiwan i save givim mani long sapotim ol wok insait long Bogadjim eria bilong Madang. Projek i wokim tu ol arapela wok olsem wokim klasrum, wara saplai, na ronim preskul insait long Bogadjim eria.

## Mulkin bai makim PNG long MIF Kongres

OL Wokman bilong ol Mains long PNG i kism wanpela invetesen long kamap long namba 48 MIF Kongres na MIF/ICEF Mega Kongres long Washington DC long Yunaited Stet neks mun Dispela bikpela Kongres o miting bai stat long 20 Novemba na pinis long 22 Novemba yet.

Insait long grup bilong ol lain long Pasifik wanpela Tred Yunien eksekutiv bilong Pogera John Mulkin i bin kism sans long kamap long dispela miting. Tasol bipo long Mista Mulkin i go, em wantaim ol narapela wokman bilong yunien bai go long Jemeni long wanpela semina bilong

IGBE/FES we ol bai toktok long indastriel releasen. Semina ya bai stat long Novemba 13-17. Rot bilong ol long wokabut em ol i stretim wantaim Freidrich Ebert opis long Mosbi.

Mista Mulkin putim ai bilong em strong tru long dispela raun na i wanpela gutpela samting long makim PNG long dispela kain ol kibung. Long narapela stori, ol PNG Mains Wokas Yunien i wok hat tru long kamapim wanpela bikpela Main Wokas Yunien. Ol i kamapim wanpela liklik mama lo bilong ol yet i redi long kism ol toktok bilong ol NGO.

## Biaru pipel long Wau gat nupela ed pos

### ARI GUH DANDEE i raitim

OL pipel bilong Biaru Senses Divisen long Wau distrik, Morobe provins i no inap go longwe moa long kism sut marasin taim ol i sik. Bikos ol i gat nau wanpela nupela ed pos.

Ed pos i sanap long ples Winisi. Na i bin op long Septemba 15. Deputi Seketeri bilong Morobe, Mista Manazupe wantaim sampela komyuniti lida na wanpela opisa bilong Memba bilong Bulolo Open i bin kamap na opim dispela ed pos.

Memba bilong Bulolo Open na Minista bilong Indastrel Rilesens, Samson Napo i no bin kamap. Tasol ed pos i kamap bikos long gutpela helpim bilong em wantaim K7,000 bilong Iektorel Developmen Fan

(EDF). Wau Helt senta i bin helpim tu long putim sampela mani antap long dispela EDF mani bilong Mista Napo.

Bikos bikpela tingting bilong Wau Helt senta em long sanapim tupela ed pos long hap, wanpela long Winisi na narapela long ples Tori insait long Biaru eria yet.

Nau yet ol i wetim tasol narapela ed pos long ples Tori i mas pinis. Minista Napo i askim ol pipel bilong Biaru long lukautim dispela ed pos long Winisi, na narapela em bai kamap long ples Tori. Bikos ed pos i kamap long lukautim ol.

Ol pipel i amamas long dispela nupela sevis. Olsem na ol i putim kamap tumbuna singsing, na kilim 5-pela pig na holim bikpela kaikai.



*Liklik amamas bilong Miss PNG ... • (Lephan) Mis PNG 1995*

Imanakone Sioa i sindaun wantaim wokmeri bilong NCDC Boio Suria long taim ol Vabukori Viles pipel i wokim wanpela bung kaikai long tok tenkyu long husat ol lain i helpim Imanakone Sioa i winim Miss PNG taitel. *Poto: Ivan Bayagau.*

## Ol papagraun stapim Sialum gavman opisa long wok

OL gavman opisa long Sialum sab distrik bilong Morobe provins i malolo nau stat long las wik, Fraide Oktoba 13. Bikos moa long 200 papagraun bilong Pwambu wanpinis mas i go insait long distrik opis, na askim long stapim olgeta gavman sevis long hap.

Sab distrik kiap, Mathias Awagese i tok ol papagraun i askim Stet long baim ol K10,000. Bikos ol i tok Lens dipatmen i no bihainim lis agrimen o tokorait em ol i bin mekim long mun Oktoba las yia. Mista Awagese i tok ol papagraun i komplem olsem Stet i mas baim ol K10,000 olgeta yia, bihain long olgeta 5-pela yia.

Ol papagraun i no mekim wanpela trabel taim ol i autim komplem bilong ol. Ol wokabout gut i go insait long gavman opis na givim komplem bilong ol insait long wanpela pepa i go long Mista Awagase. Ol plisman i bin putim was tu long dispela taim.

Mista Awagase i tok em bai givim dispela askim bilong ol papagraun i go long Seketeri bilong Morobe long toktok wantaim nesene gavman. Nau yet ol publik sevan long Sialum i stap wok. Bikos ol papagraun i putim was long ol gavman opis. Na ki bilong ol gavman opis i stap wantaim plis long Gagidu, Finsafen.

## 6-pela komuniti skul long Sandaun bai kism Top Ap long 1996

### STAN RANGA i raitim

SANDAUN Provinsel Edukesen Bod (PEB) i mekim rekomendesen na tokatu i no longtaim i go pinis olsem 1996, em yia bod i laik go hetim nupela edukesen rifom. Na ol i tokaut long enm bilong sikispela komuniti skul long kism gret 7 na 8 o topap klas.

Bod i makim pinis Dapu C/skul long Vanimo distrik, Pes Kominiti skul-Aitap distrik, Nuku Admin-Nuku distrik, Fatima komuniti skul long lumi, Green River komuniti skul-amanab distrik an Telefomin komuniti skul insait long Telefomin distrik. Long wankain taim yet ol i tokaut tu olsem Sen Ignatious Hai skul long Aitape bai kism gret 11 na 12 stat long neks yia.

Wantaim nupela rifom bai kamap long yia bihain, dispela i min olsem bai yumi no nap kolim moa komuniti skul, bai yumi kolim Praimeri skul bikos ai i gat elementri wan na elementri Tu.

Elementri wan em ol klas stat long gret 1, 2 na 3, na elementri Tu (2) i gat gret 4, 5, 6, 7, na 8. Bihain long ol pikinini i pinisim gret 6 na 8 ol i go moa na mekim gret 7, 8 long Praimeri skul O nau bai yumi tok "Lower Secondari" na 9, 10. Apa Sekenderi, em husait pikinini i go moa long wokim gret 11 na 12 insait yet long dispela Sekenderi hai skul.

Wanpela bod member bilong Sandaun PEB, Mista Francis Mason i laik lukim olsem Sandaun Provins i mas go insait long dispela nupela edukesen rifom. Tasol mista Mason i no bilip tumas olsem Sandaun i redi tru long welkamim dispela nupela sistem.

Mista Mason i laikim Edukesen divisen long Sandaun i mas mekim sampela wok arere long dispela yia long redim provins long kism nupela rifom long neks yia.

Tasol i kam inap nau, i nogat wanpela wok long redim ol moa klasrum, ol toilet na moa haus tisa long ol dispela sikispela komuniti skul na Sen Ignatious Hai skul. Bikos taim yumi go insait tru, dispela i min olsem bai gat moa tisas na skul studen long ol dispela skul.

Misin edukesen Sekreteri i tok PEB bod i laikim tru dispela tingting tasol i no klia yet long hamas mani nesinol gvaman bai givim bilong statim dispela progrem long yia bihain. Wanpela bikpela samting tu Mista Mason i laik lukim i mas gat trenim long redim husait ol tisas bai tism ol sumatin long ol Top Ap klases long Praimeri skul nas sekendori skuls.

Bihainim toktok i kam long Asisten Sekreteri bilong divisen bilong edukesen long Sandaun Mista Ignas wunum em i wok long go raun long wanwan agensi na daiosis bilong kism tingting bilong ol sapos ol i reid long kamapim dispela

nupela rifom llong provins stat long neks yia.

Long kibung bilong em wantaim Aitape daiosis edukesen bod long las wik sarere, mista Wunum i tok bisop Brain Barnes i no wanbel long dispela nupela sistem. Bikos em i laik lukim mani gavman i mas putim pastaim long em i tokorait long daiosis bilong em i stat long yia bihain. Tasol asisten sekreteri i tok klia pinis wantaim bisop na em i wanbel liklik.

Mista Wunum i tok moa olsem em i no isi long kamapim dispela nupela rifom sapos nesinol gavman i givim gutpela halivim na sapot hariap. Em i tok Sandaun provins i gat plen long kamapim long las yai, taosl ol i surukim i kam long dispela yia bikos ol i laik mekim wok painimaut pastaim.

Taim Nesinol gavman i tokaut long kamapim nupela edukesen Rifom, planti provins insait long PNG i bin go insait long kism dispela nupela sistem. Edukesen Dipatmen long wanwan yia i save karim mak mani inap long samting olsem K11 million long ranim dispela progrem.

Tasol bikpela askim nau i stap wantaim ol papa mama na edukesen dipatem olsem, dispela rifom bai wok gut, gavman bai givim wankain sapot yet long ol yia i kam o nogat? Sampels Provins i kamapim pinis dispela nupela rifom i bin bungim pinis hevi.

## TU MINIT TINGTING

## Ol maski pipel

INSAIT long Papua Niugini namel long planti yangpela pipel husat i bin kisim gutpela skul i gat wanpela sik i bin kamap. Mi laik givim nem "sik maski" long en.

Man o meri i gat "sik maski" em i save yusim planti tok "maski." Maski long wok, maski long taitim bun, maski long skul, maski long go insait long pilai, maski long helpim narapela manmeri, maski long lotu, maski long sindaun gut, maski long God, maski long harim tok.

Sapos ol i stap long skul yet, ol i no kea long ol rum na banis na plua bilong skul; ol i save spetim nabaut buai long laik bilong ol. Ol i no tok save sapos samting i laik bruk.

Tok bilong ol i go olsem: "Em i no samting bilong mi. Maski." Na long ol opis bilong gavman na kampani, ol i mekim wankain pasin. Maski skul i bagarap o opis i bagarap o haus lotu tu i bagarap. Ol i no kea.

Maski long go insait long pilai na karamap long graun na kisim bagarap; ol i laik sindaun long arere na lukluk tasol.

Ol dispela kain "maski" tingting no inap wokim wanpela wina long spot o long laip. Bilong win yumi mas stap insait long pilai, yumi mas stap insait long wok, yumi mas stap insait long sios. Sapos ol yangpela ya i lukluk nabaut na yusim na yusim save na ai bilong ol, bai ol i painiamut olsem: olgeta man na meri husat i gat biknem na biknamba ol i no bilong dispela "Maski" klap.

Nogat tru. Ol yangpela ya i mas lukim tasol ol Saina long dispela kantri; i no gat wanpela i stap long "maski" klap. Na ol manmeri i kam long Esia; ol i manmeri bilong taitim bun. Bai ol i win na go pas long ol yangpela ya.

I gat wanpela poem long tok Inglis i gat nem "The Nothing People" na em i go olsem: -

Tru, ol i no save giaman; tasol ol i haitim tok i tru.



FRANK MIHALIC i raitim

Tru, ol i no save stil; tasol ol i no save givim wanpela samting.

Tru, ol i no save seksekim kanu; tasol ol i no save holim pul tu.

Tru, ol i no save pulim yu i go daun; tasol ol i no litimapim yu tu.

Tru, ol i no save nogutim yu; tasol ol i no laik helpim yu.

Tru, ol i no hetim yu; tasol ol i no inap laikim yu.

I tru, ol dispela 'nating' pipel i no save mekim planti pasin nogut.

Tasol ol i no save mekim planti gutpela pasin tu.

Ol gutpela manmeri ol i save taitim bun long mekim gut,

Na ol manmeri nogut ol tu i save taitim bun long mekim rong.

Kas bilong dispela kain man/meri, maski em i holiman o em i sinman.

Tupela wantaim i save taitim bun .

Tasol mi askim God na Satan tu long rausim ol 'nating' pipel i go longwe long mi.

(Em tasol dispela poem.)

I gat wanpela strongpela tok tru bilong God i stap long Rev. 3:16 na i sut long ol dispela kain 'nating' pipel na 'maski' pipel. Em i go olsem: "Sapos yu hot, em i orait. Sapos yu kol, em tu i orait. Tasol bikos yu hot liklik, mi trautilim yu bek long maus bilong mi."

Dispela samting yumi bin kolim "sik maski" em i bin kam insait long sios tu. Long planti kantri tude, ol pipel i lus tingting long God na ol i no wari long em. Isi isi yumi wok long bihainim ol pasin na ol aidia bilong ol, em yumi save lukim long televisen.

Wataim yu bin lukim wanpela program long televisen we i gat tok long God na ol samting bilong relisen? I luk olsem, long televisen God em i samting nating. Sapos i olsem, isi isi dispela aidia bai pulim yumi tu. Bai yumi tok maski long ol samting bilong God tu.

Sore, em i no rot bilong Kristen. Yumi save pinis, yumi olgeta i hangamap long God. Yumi stap bikos em i stap. Planti kantri tude i bagarap pinis bikos ol i bin tro-moim God. Yumi mas wekap na kisim skul long dispela.

Pasin 'maski' i mekim yumi i drip long biksolwara. Yumi no lukim nambis na yumi no muv liklik; yumi drip tasol i stap. Em i isi, yumi no mas wok. Tasol bai yumi kamap we? Ating.

## Vanimo Katolik daiosis ronim karismetik lidasip semina

### Tasol planti no amamas long baim fi na skul

STAN RANGA i raitim

SIAMAN bilong Nesenel Karismetik Rinuwel bilong Papua Niugini, Dokta Lucas Chang i bin holim wanpela semina bilong karismetik lidasip long Vanimo, biktaun bilong Is Sepik provins. Semina i bin stat long Fraide Oktoba 6 na pinis long namba 10 de.

Moa long 30 karismetik lida, na ol arapela lain husat i save bihainim karismetik muvmen long ol peris insait long Vanimo daiosis i bin sindaun long kisim skul. Ol lida i kam long ol peris bilong Holi Kros long Vanimo taun, Lido na Pewi.

Dispela semina i bin pinis wantaim bikpela karismetik bung i kamap long Vanimo pilai graun long Tunde 10 na Trinde 11 long nait.

Dispela em i namba tu taim Dokta Chang i kam long Vanimo long ronim wankain skul bilong strongim wok bilong ol lida long karimaut progrem bilong karismetik i go het long Vanimo daio-

sis. Dokta Chang i bin ranim wankain skul long las yia.

Semina i lainim ol lida long planti samting long wok, na astingting bilong Katolik karismetik rinuwel, pasin na rot bilong ronim prea miting, wok lida, ol pasin bilong holi spirit, sakramen bilong sios na planti arapela moa skul bilong helpim kristen bilip bilong wanwan.

Vika jenerel bilong daiosis, Pater Joseph Pullenapillil i opim na pasim dispela semina. Em i salensim ol lida husat i kisim skul long semina long go bek na givim dispela kaikai tu long ol arapela manmeri insait long wanwan peris na komyuniti bilong ol.

Pater Joseph i autim belwari bilong em long lukim olsem planti Katolik manmeri na ol yangpela long Holi Kros peris i no bihainim dispela semina. Em i no lukim wanem as tru long planti i no kamap. Pater Joseph em i peris pater bilong Holi Kros peris.

Nau yet sampela kristen manmeri long sampela peris long Vanimo i no amamas long lusim mani long kisim dispela skul. Ol i tok sios i mas givim fridom long olgeta long kisim toktok bilong God. Na i no samting bilong baim. "Tok bilong God i mas fri, we olgeta i gat rait long kisim dispela kaikai bilong holi spirit," sampela bilip manmeri i tok.

Ripot i tok tu olsem planti bilip manmeri long Vanimo, na ol arapela peris i no stap insait long kisim dispela skul. Bikos mun Oktoba em i mun bilong beten korona bihainim kalenda bilong sios.

Pater Joseph i makim maus bilong Bisop Sisa Boniveto, na olgeta Katolik manmeri long Vanimo. Na givim bikpela tok amamaas na tenkyu long Dokta Chang long gutpela skul em i givim, we i helpim planti lida long strongim moa wok bilong karismetik muvmen insait long daiosis. Bisop Sisa Boniveto i no stap long daiosis taim semina i kamap.

## Saveman autim hevi bilong kantri long 200 Engliken sios manmeri

MOA long 200 Engliken manmeri long Sangarai peris, Popondeta i bin kalap nogut long harim ol hevi em Papua Niugini bungim nau. Dispela em long ikononi, lo na oda, wok politik na developmen.

Stanley Iko, wanpela saveman i tokim ol sios memba olsem long taim em i kisim wiken malolo long Popondeta.

Mista Iko i toktok long Wol Beng, Straksarel Ajasmen progrem (SAP) bilong IMF, Rurel Eksen Progrem, Ok Tedi Eit Sapilmentari Agrimen Draf Bil, na ol senis em ol memba i laikim i mas kamap long Seksen 46 na 53 bilong Mama lo, ol senis long 1991 Fores Ek, wok bilong lukautim bus graun wantaim ol wail laip, na Wok Developmen na Rait bilong ol Pipel long Papua Niugini.

Mista Iko i tok ol hevi kantri i bungim tude em ol arapela kantri i givim mipela, wantaim ol biknem koporesen long wol olsem Wol Beng, IMF, ADB, AusAID, bikos "mipela em kantri bilong dinau mani long mekim developmen wok".

Peris pater bilong Sangara, Pater Robin Peuba i tok amamas long Mista Iko long autim sampela hevi em kantri i bungim nau i go long ol pipel, bai ol i ken save. "Dispela em i wanpela gutpela toktok i kam insait long dispela eria, na ol pipel i hangre long save long ol trupela samting em ol i no save harim," Pater Robin i tok.

Pater Robin i tenkim ol Non Gavman Ogenaisesen (NGO) long ol aweanes kempen ol i bin karimaut insait long kantri. Na tenkim Mista Iko long autim kain hevi bilong kantri i go long ol pipel.

Mista Iko i tok moa olsem tude prais bilong ol samting long stua

wantaim ol sevis bilong gavman na praivet bisnis i dia tru. Bikos kantri i kisim planti dinau mani long ol ovasis beng.

Ol dispela ovasis beng i save ivim kankain rul em kantri i mas bihainim, bikos mipela kisim dinau mani long ol. Na ol dispela rul i no save stretim hevi bilong kantri, inap PNG i bekim olgeta dinau bilong en.

Nau yet i gat planti toktok long Ok Tedi Sapilmenteri Bil, we i stap nau long Palamen long ol memba i paitim toktok na vot long en. Mista Iko i tok dispela bil i laik stapim ol pipel long yusim ol haus kot insait long kantri long kisim stretpela kompensesen mani long bagarap em BHP na Ok Tedi Maining Limited i kamapim.

"Dispela bil sapos Palamen i oraitim bai kamap lo. Na i gat bilip olsem em bai karamapim tu ol arapela risoses projek insait long kantri," Mista Iko i tok.

Long ol arapela samting, wanpela pepa we i gat tingting long rausim 1991 Forestri Ek i stap nau long Nesenel Eksekutiv Kaunsil o kabinet long skelim na oraitim. Dispela tingting bai givim Fores ministra pawa long makim ol memba i go long Nesenel Fores Bod.

Mista Iko i tok dispela i no gutpela long rait bilong ol pipel. Na bai bringim moa bagarap.

Em i tok i no gutpela long ol Palamen memba i no kamap na harim askim na wari bilong ol pipel. Na bihain ol i ken mekim tokorait long wanem kain senis bai kamap long kantri.

Long pinis bilong ol toktok, ol sios memba i askim tripela hesenel memba bilong ol long Palamen long go bek long ol pipel na skulim ol long ol samting em Mista Iko i autim long wiken.

## Ol Bogenvil Katolik mama wari long hevi bilong strongpela dring

OL MEMBA bilong Bogenvil Katolik Wimens Asosiesen i sanap strong nau daunim ol hevi bilong ol man i mekim bia o stringpela dring bilong ol yet na dring. Na bihain bai ol i spak na kamapim kankain trabel nabaut insait long ples.

Seketeri bilong asosiesen, Helen Hakena bai go pas long lukim olsem dispela i kamap. Mis Hakena bai kisim gutpela sapot bilong Agnes Titus, mauseri bilong ol Bogenvil meri na meri husat i makim ol mama long Bogenvil Trensisenel Gavman (BTG).

ALOYSIUS SAMI i raitim

Tupela meri lida ya i tokaut olsem grup bilong tupela bai wok bung wantaim Bogenvil Pis Komiti, na ol plisman na soldia long ailan long stapim dispela hevi.

Misis Hakena i tok em bai kisim tingting bilong olgeta meri husat i no laikim hevi bilong ol yangpela man i mekim bia bilong ol yet i go bikpela. Olsem na ol i traim hat nau long painim sampela rot bilong stretim dispela hevi.

Dispela hevi i mekim planti mama i wari nau. Bikos ol

pikinini man bilong ol i wok long kisim ol kain bia o strongpela dring na spak nabaut.

Ol dispela pikinini i no save long wanem kain bagarap na kikkbek bai ol i kisim.

Olsem na ol mama i laikim ol bikman long provins long kamapim sampela kain progrem bilong givim aweanes long kikkbek bilong kain pasin.

Ol mama i pret tru olsem nogut dispela hevi i bagarapim wok bilong painim na kamapim gutpela sindaun gen long ailan.

## Gat gutpela we nau bilong menesim graun

**GODFRIED YASSAFAR**  
i raitim

DIPATMEN Bilong Lens na Fisikel Plening i gat nau wanpela gutpela na smatpela sistem na rot bilong menesim graun bilong ol pipel, bisnis haus na gavman insait long kantri.

Dispela nupela sistem na rot i stap insait long kompiuta masin. Nem bilong dispela nupela sistem em Digital Katastrel Data Bes (DCDB). DCDB i gat rekot bilong olgeta graun hap insait long olgeta taun, provins na senta insait long kantri.

Aninit long dispela nupela sistem (DCDB), Lens na Fisikel Plening dipatmen i ken luksave long husat i papa long olgeta wanwan hap graun insait long ol taun, provins na senta insait long kantri. Arapela samting tu i olsem dipatmen i ken luksave long mak bilong mani ol bisnis haus, gavman na pipel i kisim olsem ren bilong graun bilong ol we ol arapela lain i yusim.

Olgeta infomesen i stap insait long kompiuta masin. Olsem na ol opisa bilong Lens na Fisikel Plening dipatmen i ken kisim olgeta infomesen ol i laikim long kompiuta masin long karim aut olgeta plening wok bilong ol insait long wanwan provins, taun na senta.

Ol arapela gavman dipatmen, local atoriti, ilektrisiti komisin, transpot na komyunikesen kampani na tu ol fainensal institusen

tu i wok long developim wankain sistem olsem DCDB long helpim ol long karim aut wok bilong ol.

Seif saveman bilong droim ol mep long Lens na Fisikel Plening dipatmen, Ken Burrage i tok aninit long dispela nupela sistem, dipatmen bilong em i ken luksave long planti samting. Na dispela i bai helpim dipatmen long menesim gut graun long ol taun na provins insait long Papua Niugini.

Mista Burrage i tok sampela gutpela samting aninit long dispela sistem em ol i ken luksave long hamas graun gavman i gat, graun bilong ol bisnis oganaisesen, kastomeri graun, hamas lain i gat graun long wanpela taun na wanem graun i stap nat-ing.

Em i tok gavman i ken yusim tu dispela sistem long plenim ol wok developmen insait long ol taun.

Insait long wanpela bung long lonsim dispela nupela sistem long Tunde, Oktoba 17, Minista

Bilong Lens na Fisikel Plening dipatmen, Sir Albert Kibalan i tok gavman i mas menesim gut graun long kamapim gutpela developmen long helpim na givim sevis i go long ol pipel.

Minista Kibalan i tok menesmen na administresen wok bilong graun insait long kantri em wok bilong Lens na Fisikel Plening dipatmen.

Em i tok dispela nupela sistem bai mekim isi long ol opisa bilong dipatmen bilong em long karim aut wok bilong ol. Na tu ol manmeri long pablik long kisim infomesen.

Minista Kibalan i tok Lens na Fisikel Plening dipatmen i bin wok long karim aut wok long wanpela bikpela Len Mobalaisesen Progrem long stretim gut wok bilong menesim len (graun) insait long kantri. Dispela i sapatim na strongim astingting bilong dipatmen long helpim long kamapim sosel na ekonomik developmen insait long kantri.

Aitape Is Kos pipel laik lukim nupela pes long '97 ileksen

**FELIX RAMRAM** i raitim

OL pipel bilong tupela ples long Aitape is kos i gat bikpela laik tru long lukim olsem i gat senis long pes bilong ol kendidet i laik sanap long provinsal na nesanel ileksen bilong 1997.

Dispela askim na laik i kam long ol pipel bilong ples Yakumul na Paup. Oi i tokaut long wanpela bung olsem planti pipel husat i mausman long kaunsil, provinsal gavman na nesanel paamen i soim piksa nogut pinis long pipel. Olsem na ol i askim ol dispela mausman long noken westim mani na kempen long 1997 ileksen.

Ol i tok ol i laik lukim ol nupela man long wok politik. Dispela em

## Askim kamap gen long brukim Morobe provins

**FRANCO NEBAS** i raitim

SINGAUT i kamap gen nau long brukim Morobe i go long tupela provins. Bikos provins i bikpela tumas, na tu i gat planti pipel.

Olpela Palamen memba bilong Bulolo, Mathew Bendumb i kamapim gen dispela toktok, bihain long em i lukluk raun long 9-pela distrik bilong provins long planti mun. Na toktok wantaim ol pipel.

"Bihain long lukluk raun bilong mi long 4-pela kona bilong provins, mi bilip olsem mipela mas brukim Morobe nau i go long tupela hap," Mista Bendumb husat i kempen nau long resis long 1997 nesanel ileksen olsem Morobe Rijonal kendidet i tok olsem.

Olpela memba ya i no lukim yet Kabwum eria, we i tilim boda mak wantaim Madang provins. Tasol em i

tokaut long tingting bilong em olsem em bai yusim dispela toktok bilog brukim Morobe long kempen. Na em bilip dispela bai givim em sans long winim ileksen. Bikos planti pipel i sapatim em.

"Mi toktok wantaim bikman bilong planti eria na ol i sapatim mi stret," em i tok.

Toktok bilong brukim Morobe i go long tupela hap i no nupela samting. Dispela toktok i bin kamap long 1980 yet long Morobe Provinsal Asembli. Na Mista Bendumb i laik mekim dispela toktok i karim kaikai.

Em i makim pinis nem em bai givim long tupela provins: Not Morobe na Saut Morobe.

Em i tok Morobe provins i bikpela tumas. Olsem na i hat long gavman sevis i go long ol trangu pipel long rurel eria. Olsem na em bilip sapos provin i kamap tupela, ol rurel pipel bai kisim sampela developmen o helpim.

ol man husat i nogat nem nogut long stilim na paulim pablik mani bilong ol pipel. Bikpela samting em ol lain husat i mas gat kristen pasin, na gutpela sindaun wantaim meri pikinini na famili bilong ol.

Long ples Paup, olpela plisman na Sandaun provinsal gavman spika, Stephan Holan i sapatim dispela tingting.

Em i tok bipo long ol nupela politisian i kisim namba, ol i gat

wanpela meri. Bihain bai ol rausim namba wan meri wantaim ol pikinini, na kisim nupela meri. Na tu ol i gat sampela moa meri long arere.

"Mipela i no laik westim taim bilong mipela wantaim ol dispela kain lida," em i tok.

Em i askim olsem sapos kain bikman i no inap long lukautim famili bilong em yet, bai em ronim gut kantri o gavman olsem wanem.

# WEWAK SPESEL!


## TOYOTA HIACE BUS

Baim wanpela bren nu Toyota Hiace 15 sita bas long Ela Motors Wewak namel long 9 Oktoba na 31 Desemba 1995, long dispela spesel draiv i go praos na yu inap kisim wanpela Fri Yamaha Jenereita...

Em i fri. Hariap, noken misaut!

**YAMAHA**  
Marine

**ET500**  
JENEREITA



**K28,995**

*Spesel Ofa!*

**DRAIN I GO PRAIS!**


*Hariap nogut stok pinis!*

**ELA MOTORS WEWAK**

PH 862072 KEITH REICK - BRENS MENESA

PH 862255 JACK MATHEW - SELS MENESA

FAX 862252 P.O. BOX 778, WEWAK,  
EAST SEPIK PROVINCE.



**TOYOTA**

*Wils Bilong Olgetahap!*

**Ela Motors**  
BPT (PNG) LTD.  
**WEWAK**

# Gavman i egensim ol asples

LAS wik nesenei gavman i soim yumi olsem ol i no laik helpim ol asples pipel bilong Papua Niugini.

Oi i soim yumi olsem, kantri bilong yumi mas bihainim tingting bilong ol politisien na ol bikpela kampani tasol. Maski sapos dispela tingting bilong ol i egensim tingting bilong ol asples pipel.

Las wik Trinde, Oktoba 11, wanpela loya bilong Ostrelia John Gordon i bin kam long Mosbi long helpim ol asples pipel bilong Flai Riva long kotim BHP. Gavman i bin holim pasim John inap 4-pela aua long ples balus na bihain ol i salim em i go bek long Ostrelia. Dispela i kamap bihain long nesenei kot i givim oda olsem John i ken stap long kantri.

Dispela i soim olsem nesenei gavman i nogat bilip moa long ol kot sistem long Papua Niugini. Lo yet i ken stretim dispela.

Tasol mi laik askim seketeri bilong Foren Afeas, Gabriel Dusava long bekim sampela askim. Em i tok olsem gavman i tambuim Mista Gordon long kam long PNG. Mista Dusava, dispela loya i wokim wanem rong na yupela i tambuim em long kam insait long kantri. Em i kilim wanpela man o stilim sampela samting o wanem? Inap yu tokim mipela?

Ating rong bilong Mista Gordon em long helpim ol asples pipel bilong Papua Niugini. Na sapos dispela loya i bin stap na helpim ol asples pipel, em bai soim olsem gavman i no sanap wantaim ol asples pipel. Em bai soim olsem gavman i egensim ol asples.

Inap Mista Dusava i soim mipela ol pas em i bin raitim i go long Mista Gordon na tambuim em long kam long PNG. Na em i mas tokim mipela, bilong wanem as tru na em i tambuim Mista Gordon?

Nesenei gavman yet i save kisim ol loya bilong Ostrelia long helpim ol long stretim sampela hevi long sait bilong lo. Na ol bikpela kampani save baim ol loya bilong Ostrelia long makim ol long ol kot long PNG. Nau mipela harim olsem BH? Tupela loya bilong Ostrelia i stap nau long Mosbi long helpim ol (BHP) long dispela kot wantaim ol asples pipel.

Na olsem wanem long ol asples pipel? Bilong wanem na gavman i painim kainkain rot long pasim ol long kisim helpim long ol loya bilong Ostrelia?

Gavman i save bikmaus olsem



bikpela wok bilong ol em long helpim ol asples pipel. Tasol pasin ol i mekim las wik i soim mipela olsem dispela em i no tru. Tingting bilong gavman em long helpim ol bikpela kampani tasol. Maski sapos ol asples pipel i kisim taim.

Oi asples pipel long Flai Riva i kotim BHP kampani bilong Ostrelia, bikos ol i bilip olsem, pipia em kampani save tromoi long wara o riva i bagarapim bus, graun, wara na sindaun bilong ol. Na ol i laikim kompensesen.

Wankain pasin i bin kamap long Bogenvil ailan. Ol asples pipel i autim beihevi long taim Panguna main i op i kam inap 1989. Gavman i no harim tok bilong ol asples pipel. Gavman i sapotim kampani. Narapela bikpela ovasis kampani. Nau ol hevi i stap het long hap.

Mi tingting tu long ol arapela main i kamap nau long kantri olsem long Misima, Pogerata, Wopulu, Tolukuma na long Lhir. Oi dispela kampani i nogat wanpela plen long putim pipia bilong ol long wanpela bikpela dam. Oi bai tromoi pipia bilong ol long ol riva na long solwara.

Wanem samting bai kamap sapos sampela bagarap i kamap na ol asples i komplei o kotim ol kampani? Gavman bilong mipela bai sapotim ol asples pipel o wanem?

Luktuk long Bogenvil na long Ok Tedi. Long Bogenvil, gavman i no harim krai bilong ol pipel. Hevi i stap yet. Na mipela ol Papua Niugini i kisim taim i stap. Long Ok Tedi nau, gavman i painim kainkain banis long pasim ol asples long stretim ol hevi bilong ol.

Gavman i mas tok kila nau. Oi i laik helpim na sapotim ol asples pipel o oi i laik sapotim ol ovasis kampani. Oi bai harim krai bilong ol asples Ok Tedi pipel o bihainim tingting bilong BHP? Gavman i bilong mipela ol PNG pipel na bai sevim mipela o nogat?

# Askim long Sir Michael tekova gen olsem PM

FELIX RAMRAM i raitim


MAUSMAN bilong ol Ali ailan pipel long Aitape, Sandaun provins i laikim Gavana bilong Is Sepik, Sir Michael Somare long tekova gen olsem praim minista bilong Papua Niugini.

Mausman Thomas La'ai, husat i wanpela olupela plisman i tok senis mas kamap long sia bilong praim minista. Bikos bos bilong kantri nau, Sir Julius Chan i no ronim gut kantri.

Mekim na ol pipel i bungim hevi long prais bilong ol samting long stua i go antap, wantaim bilong ol gavman na praivet kampani sevis. Na nogat senis long pe bilong ol wokman meri.

Mista La'ai i tok gavman i gat bikpela dinau wantaim ol ovasis mani haus olsem Wol Beng na Intanesenei Moniteri Fan (IMF) long bekim. Olsem na dispela i givim hat taim long ol grasrut pipel, taim liklik lain bikman long gavman i amamas long kisim bikpela potnait pe na slip long fri haus, na amamasim gutpela laip na sindaun.

Olpela plisman ya i laikim tu olsem mas i gat senis long mama lo, we ol pipel bai votim praim minista. Na i no 109 memba tasol



Sir Michael Somare.

long Palamen. "Dispela bai mekim ol pipel i kontrolim memba bilong ol," em i tok.

Em i tk moa tu olsem ol pipel

mas i gat pawa long holim bai ileksen long rausim memba. Dispela em sapos memba i no mekim gut wok em ol i laikim.

# Olpela biknem raskol tok gavman lus tingting long ol kalabus

FRANCO NEBAS i raitim

GAVMAN i bin lus tingting long ol kalabusman meri long amamasim tu 20 Independen Anivesari bilong Papua Niugini long Septemba 16, 1995.

Wanpela olupela biknem raskol lida, Biwa Geta i mekim dispela tok-tok.

Em i tok em i painimaut olsem Buimo Haus kalabus komanda, Samson Jaro i bin salim wanpela lista bilong ol kalabusman husat i laik kam aut na amamasim dispela

bipela de bilong kantri wantaim famili bilong ol. Na bihain bai ol i go bek long haus kalabus. Tasol nogat bekim i kam long gavman opis long Mosbi, bihainim dispela askim.

Mista Geta i tok planti kalabusman i bin senisim laip bilong ol insait long haus kalabus. Olsem na gavman i mas tingim dispela na givim namba tu sans long ol.

Geta i kam aut long haus kalabus aninit long parol. Na nau em i painim wanpela ful taim wok pinis. Na i kamap wanpela gutpela sitisen o man bilong dispela kantri.

**Maggi**  
**2-MINUTE NOODLES**  
**K10 000 CASH SURPRISE!**  
**10 LUCKY SHOPPERS EACH WIN K1,000!**

**10 WEEKLY DRAWS**  
**8.30 FRIDAY NIGHTS ON EM TV**  
**COMMENCING FRIDAY, SEPTEMBER 1ST**  
**UNTIL FRIDAY, NOVEMBER 3RD, 1995.**  
**HOW TO ENTER**

NAME: \_\_\_\_\_  
ADDRESS: \_\_\_\_\_  
TELEPHONE: \_\_\_\_\_ AGE: \_\_\_\_\_

SEND COMPLETED ENTRY FORM WITH 3 EMPTY 2-MINUTE NOODLES PACKETS IN A STANDARD SIZE ENVELOPE TO:

**MAGGI 2-MINUTE NOODLES**  
**K10 000 CASH SURPRISE**  
**PRIVATE MAIL BAG BOROKO NCD**

DRAWN UNDER POLICE SUPERVISION

**TERMS AND CONDITIONS:**  
1. Information on how to participate and prizes from part of these terms and conditions. 2. Entry is open to all residents of PNG except employees of Nestle and their families, its associated companies and agencies. 3. No responsibility is accepted for lost, misdirected or delay mail. 4. K1,000 to be won weekly for 10 weeks. All entries must be received not later than 12.00 noon on Friday for the same week's draw under police supervision. 5. Winners will be notified by registered mail and names will be published in the Post Courier every Monday. 6. Prizes must be taken as offered and are not redeemable. 7. Competition commences on 1st September, 1995 and closes on 3rd November, 1995. 8. In the event of any dispute the decision of the promoter (Nestle) is final and no correspondence will be entered into. All entries become the property of the promoter (Nestle).





**PAIT LONG LAIP...** • Ol memba bilong wanpela pis ogenaisesen em ol i kolim ol yet long Wimen in Black long wanpela bikpela taun long Yurop ol i kolim Belgred i mas na protes olsem ol i no laikim pait long kamap long Bosnia.

## OL WANSOLWARA NIUS

### Raitim ol nius gut

**SOLOMON AILENS:** Britis Hai Komisina i go long Solomon Ailens Ray Joes i no laikim tumas dispela kain ol nius em ol niuslain i wok long ripotim.

Em i tokim wanpela miting em ol lain bilong Midia Ogenaisesen i bin holim olsem ol ripot bilong ol mun i kam antap i no gutpela tumas long ol niuspela na redio insait long kantri.

Mista Jones i tokim ol nius man na meri olsem ol i mas sekim gut olgeta ripot bilong ol pastaim bipo long ol i autim long redio na niuspepa.

### Kuka kilim tupela man

**FIJI:** Ol Atoriti long Fiji i wok long mekim wanpela wok painimaut long wanpela samting nogut we i kilim tupela pipel na putim nara-pela 7-pela long haus sik bihain long ol i kaikai wanpela kain kuka bilong nambis.

Dispela samting i bin kamap long wanpela ples ol i kolim Rewa em i stap 40 kilomita autsait long biktaun Suva. Wanpela meri husat i gat 58 krisman na wanpela liklik mangi 11-pela krismas i dai bipo long ol i kamap long haus sik.

Wanpela kain kemikel nogut ol i kolim Ciguaters i luk olsem samting i kilim ol na ol sampela blut bilong ol em ol i salim i go long gavman haus sik we ol bai sekim na painimaut wanem samting tru i kilim ol.


### Kot pasim niuspepa long ripot

**VANUATU:** Wanpela niuspepa tasol bilong Vanuatu ol i kolim Trading Post i bin kisim toksave long kot pinis olsem oi i mas noken kamapim wanpela stori bilong wanpela kot kes em nau i wok long go het yet Dispela kot kes em bilong wanpela meri Itali Lucianna Picchi husat ol i tok i kilim man bilong em yet Franco Picchi long las yia.

Difens loya bilong meri ya Patrick Finniga i mekim wanpela sab-misen i go long kot bihain long niuspepa ya i karim ol toktok bilong witnes na prosekiusen long fran pes bilong em. Finniga i tok olsem dispela ripot i strongpela tru na i ken bagarapim ol sans bilong ol witnes husat i no kam sanap long kot yet.

Kot ya i bin harim olsem Picchi i bin dai taim ol i paitim em long het bilong em wantaim wanpela diwai bilong kilim pik. Tupela man i paitim em taim meri bilong em i taitim em long sia na tok olsem em bai mekim wanpela mejik trik long em.

Dispela kot kes ya i wanpela longpela tru long stori bilong kot long Vanuatu na i wankain liklik olsem bilong OJ Simpson.



**RABIS PASIN...** • Wanpela opisal bilong India i soim poto bilong 4-pela Amerika man em ol rebel paitman bilong ol India i holim ol na kalabusim ol i stap.



**KOT TASOL...** • Wanpela papa bilong wanpela pikinini em ol raskel i bin kilim long Australia i sanap na toktok long ol niusman bihain long kot i no bin sasim wanpela man.

## LIKLIK NIUS

### Tamil Rebel pait yet—AAP

KOLOMBO: Ol Sekyuriti Fos i kamapim wanpela pait wantaim ol Tamil Rebel Paitman long Isten Sri Lanka long Mande. Ol i kilim tripela rebel paitman na ol yet i lusim wanpela opisa bilong ol long dispela pait. Ol ami i bin atekim dispela grup Seperetis Tamil Liberesen Tigers we 14-pela soldia olgeta i bin kisim bagarap long dispela pait. Wanpela toksave i kamaut long opis bilong gavman i tokaut stret olsem i bin gat pait i kamap na ol rebel i dai

### Komanwel singaut long Frans

LONDON: Ol kantri aninit long Komanwel i putim bikpela presa tru nau long Frans long Mande long stopim pasim Niuklia tes bilong ol long Murorua Atol long Tahiti long wanem nogut bai dispela i bagarapim bikpela miting bilong ol long neks mun long Nu Silan. Frans i bungim planti hevi tru bihain long em i kirapim tingting bilong em long kamapim ol Niuklia tes insait long Pasifik. Olgeta hap kantri husat i satp aninit long Komanwel i mekim bikpela singaut tru i go long Frans long stopim ol dispela tes hariap pastaim.

### 23 pipel lus long solwara

MEXICO: Ol balus bilong Amerika bilong painim ol man i lus i wok long raun long ol hap nambis bilong Mexico long painim 23 manmeri husat i lus bihain long bikpela sip bilong karim kago ol i ron long em i kapsait. Tripela man i bin dai long dispela birua. Wanpela opisal bilong USA i tokaut olsem 248 pipel i bin stap antap long dispela bot na na reskiu tim bilong ol i bin sevim 222 na 23 manmeri i lus yet long solwara.

### 15 Dolpin i dai

PHILIPINES: SAMPELA 15 dolpin pis bilong solwara em ol lain long wanpela ples i kilim long las wik Mande na salim mit bilong ol long ol maket. Wanpela man husat i lukim long ai bilong em i tok olsem ol man long ples i lukim ol dolpin ya i wok long kam insait long nambis na olgeta i ron i go autsait na paitim ol wantaim stik inap ol i dai. Dispela samting i bin kamap long wanpela liklik ples em ol man i save painim pis tasol i save stap long em. Long maket ol i salim ol mit bilong dolpin long K3 long wanpela kilogrem.



**YANGPELA PAITMAN...** • Wanpela yangpela rikrut bilong Rasia i mekim tok promis bilong em long pait long kantri. Moa yangpela mangi i wok long join-im ami nau long Rasia.



### WAS GUT...

• (ANTAP) Wanpela soldia bilong Rwanda i sanap na was long ol refiji em planti bilong ol em gavman bilong Zaire i rausim ol. Dispela em long Afrika.

### BIKPELA ONA...

• (LEPHAN) Wanpela soldia bilong Amerika i husat i dai long Bosnia i kisim bikpela rispek tru long ol ami bipo long ol i planim em. Bikpela pait i stap yet long Bosnia we ol Muslim i wok long pait wantaim ol Kroesia.

# Takis bilong ol wokman



Mipela bai toktok yet long wok bilong baim takis na lukluk long sampela rot ol wokman i save baim takis na ol edministresen wok bilong ol. Ol kampani husat i gat ol wokman i mas baim takis. Grup bisnis i save kam aninit long grup takis. Olgeta grup bisnis i mas gat ripot bilong dispela long opis bilong takis.

- Bungim ol potnait pe takis, reit bilong fotnait pe o pe takis.

Dispela i holim rekot bilong takis ol woka i save lusim long potnait pe bilong ol bihainim mak bilong pe ol i save kisim na namba bilong ol famili em i gat. Em i gat rekot bilong ol rot we takis bilong ol woka i save raus long en bihainim wanem kain wok na hap ol i stap long en. Tok piksa long takis benfit, lam sam, ovataim na takis bilong wokman we em bai kisim helpim long en.

- Ol rot bilong grup woka. Dispela i givim ripot long wanem samting i stap we grup takis i mas kisim.

- Salary (potnait pe) declaration fom. Kampani i mas gat dispela pepa bilong o woka bilong em i ken pulapim na save long em i mas takis em i mas givim na mak bilong takis em i save kisim bihainim namba bilong ol pikinini bilong em. Dispela fom i ken tokim em tu long wanem kain helpim em bai kisim long kampani bilong em.

## Ol helpim bilong takis

Ol wok bilong inkam takis long potnait pe i no long dispela tasol. Tasol long arapela wok we i gat alawens. Tok piksa olsem sapos wokman i save kisim arapela helpim olsem ka o haus antap long potnait pe bilong em. Long sait bilong ka em Moto Vehikel i lukautim dispela sait.

Mipela i ken tok olsem woka i baim takis long takis veliu long ol helpim em inap kisim. Sapos woka i kisim wanpela bikpela haus long Eria 1, takis veliu bilong em long potnait bai K145. Long potnait. Sapos wokman i gat ka bilong wok, takis bilong em bai olsem K75 o K55 long potnait. Lo bilong takis opis nau em long kisim takis long ful

long woka. Dispela em long stapim pe i go olgeta long potnait pe na bihain hat wok long rausim.

Long kes alawens bilong Elcom pawa, sekyuriti, pati and haus woka, wokman i no inap kisim takis didaksen long dispela alawens. Sampela taim bai takis opis i gat arapela rot bilong bekim bek dispela mani. Tok piksa olsem nogut wokman i yusim ka bilong em yet long wok. Long dispela wokman ya i mas kisim kes alawens takis fri long kampani.

O wokmani mas toktok wantaim ol opisa bilong takis opis long kisim moa tok save long ol kain samting olsem we em inap paul long en. Dispela lo bilong takis ya i bin senis planti taim bikos opis bilong baim takis i traim long pasim sampela hevi we i wok long kamap long dispela.

## Takis edministresen

Olgeta woka i mas rejista wantaim opis bilong baim takis insait long 7-pela de em i stat wok long grup kampani. Olgeta grup kampani i gat grup namba. Ol i mas yusim dispela namba taim taim ol i laik salim pas o ripot i go long opis bilong baim takis. Olgeta grup kampani i mas baim takis opis long 7-pela de bilong olgeta mun we woka ya i stat long kisim potnait pe.

Wanem kampani i no mekim dispela samting long taim i ken kisim mekimsave we opis bilong takis i ken rausim 20 pesen olgeta yia long takis em. Antap long dispela 20 pesen bai i gat interes tu i go antap.

Wanem kampani i no givim grup takis koleksen i ken kisim taim we em bai baim sas long K500 na K2,000 o karabus long 6-pela mun olgeta. Bikos long dispela, kampani i mas putim grup takis didaksen i go stap sait inap taim bilong em long redim i kamap klostu orait em i ken mekim na kisim igo long opis bilong baim takis. Ol i save kisim bikpela tok luksave long i no ken yusim dispela mani long kes flo wok (brukim bask).

## Stetmen bilong ening

Long pinis bilong olgeta yia, kampani i mas redim ol ripot bilong olgeta wokman long gros pe long wanpela yia, ol alawens na grup takis em bai baim. Dispela ripot i mas go long olgeta woka long 14 Januari bilong dispela nupela yia o 7-pela de long dispela mun yet long wokman husat i pinis long wok. Kampani i mas salim rekot bilong mani na alawens samting we woka bai kisim i go long opis bilong takis long 14 Februari long olgeta yia na tu long ol wokman. Antap long dispela wanpela rikonsail ripot i mas redi na bungim totol mani takis bai i go long en bihainim ripot bilong amas bai i go long opis bilong takis.

Sapos ol dispela rekot i no go stret, i mas gat gupela tok klia o ripot long tokaut long dispela.

# Kainkain papagraun askim Damansara diwai kampani long kompensesen

## FELIX RAMRAM i raitim

OL papa tru bilong ol rip na pasis i stap namel long Tumleo Ailan na Aitape nambis, Sandaun i askim nau ol bosman bilong Damansara Diwai Kampani opis long Aitape long noken luksave long tupela leta i stap nau long opis bilong kampani.

Tupela leta ya i askim kamapani long baim kompensesen mani inap long K120,000. Dispela tupela leta ol i raitim long Ogas 30, 1995. Na i kam long wanpela liklik lain husat i no papa tru bilong ol dispela rip na pasis, em ol lain long Tumleo i tok.

Dispela askim i go long kampani long noken luksave long kompensesen askim ya. Tupela leta ya i gat wankain bokis namba bilong Aitape Pos Opis. Tasol adres i tok wanpela i kam long ol pipel bilong Tumleo Ailan na narapela i kam long ol pipel bilong ples Potlulul ausait long Aitape taun.

Ol wanpisin husat i papa tru bilong ol dispela trip ston na pasis bilong Aitape i tokaut olsem wanem samting ol lain husat i bin salim dispela askim i go long Damansara Diwai Kampani i mekim i soim klia piksa olsem ol i gat laik long kirapim belkros namel long ol yet, na ol papa tru bilong ol dispela rip ston na pasis. Antap long en ol lain ya i no karim aut wok painim long husat tru i papa long ol dispela rip ston na pasis i stap long bikpela solowara namel long Tumleo Ailan na Aitape bikples.

Tupela lida bilong ol wanpisin husat i papa long ol rip ston na pasis long Aitape, Benny Amaul na Nogat Waina i tok i gat ol gupela rot bilong mekim ol samting i stap. Tasol sampela liklik lain man i laik kisim samting i go long han bilong ol yet, we i save kirapim belkros na toktok pait namel long ol lain.

"Olgeta pipel long Tumleo Ailan i no save long wanpela miting o lukim tupela man husat dispela tupela leta i tok i go pas long ol Tumleo pipel. Tupela man ya i singautim wanpela miting na toktok long kompensesen askim bilong K60,000.

Antap long dispela, tupela Tumleo Ailan man ya i no papa long wanpela rip o solowara asuait long Aitape o klostu long Tumleo Ailan, Mista Amaul na Waina i tok.

"Olsem ol papa tru bilong ol dispela rip na pasis namel long Aitape na Tumleo Ailan, mipela i askim Damansara Diwai Kampani long Aitape long noken luksave long dispela tupela pas. Inap taim ol lain husat i stap baksait long dispela mov i kam bungim mipela ol papa tru bilong ol dispela samting na toktok moa.

"Mipela i nogat toktok long mekim wantaim pas bilong ol lain long ples Potlulul husat tu i askim long kisim kompensesen long narapela K60,000. Belpen bilong mipela em tupela man husat i tok long go pas long ol Tumleo pipel. Taim mipela olgeta i nogat save long wanem tingting na mov dispela tupela man i laik mekim. Long dispela taim mipela i no laik long tokaut long nem bilong ol lain husat i raitim dispela ol pas askim Damansara long paim mak mani i nap long K120,000 olsem kompensesen mani", tupela bikman ya i tokim Wantok.

Wantok i save olsem tupela pas ya i askim Damansara Diwai Kampani long Aitape long baim dispela mak mani long yusim solowara na pasis wantaim bris long Aitape long Ogas 12. Dispela em long taim kampani i bringim ol bikpela masin bilong ol i go sua long nambis bilong Aitape.

# Wok bai kamap long mekim bikpela Cloudlands Hotel long Tabubil

## FLORIAN DATI i raitim

HOTEL CLOUDLANDS long Tabubil nau i lukluk long kirapim wanpela bikpela wok kamap bilong en aninit log Ok Tedi Maining Limited Lokol Bisnis Developmen program. Kos bilong dispela wok em K126,000. Dispela i makim namba 3 bikpela wok kamap we Hotel Cloudlands i bin wokim long taim em i bin stat wok long 1988. Dispela ol wok kamap i wok long kamap bihainim ol senis i wok long kamap insait long Ok Tedi. Nau yet ples bilong slip i sot tru long Tabubil. Na ol i lukluk long dispela wok kamap long helpim daunim dispela hevi.

Nau yet dispela hotel i gat 21 rum. Dispela wok kamap bai lukluk long kirapim 6-pela moa rum. Na bai bringim namba bilong ol rum i go antap long 27 rum. Narapela K30,000 bai go long putim ol samting olsem ea kondisen o kol win, ais-boks, televisen, telepon na bed. Dispela wok kamap bai kamap aininit long wok bung bilong Tabubil Ensinering na Bisop Brothers kampani. Bihainim dispela ol wok kamap, Menesa bilong Hotel, Howard Mason

## Wok painimaut soim pipel nogat bilip long gavman

### JESSIE WAIBURU i raitim

Wanpela wok painimaut i soim olsem 80 pesen bilong 5,000 manmeri i no amamas long wok bilong nesenal gavman na olgeta memba bilong palamen. Ol pipel i tok gavman i mekim samting we i bagarapim lukluk bilong ol na i sotim bilip bilong ol manmeri pinis. Dispela wok painimaut i no wanpela liklik wok long kain ples man olsem Dennis Namboli. Namboli em man Enga na em i mekim dispela sevei long as tingting bilong em yet long painimaut sapos ol manmeri i no save wanbel wantaim gavman. "Planti manmeri i save go agensim gavman olsem na mi olsem wanpela man nating mi laik lukim stret dispela olsem na mi go aut long ol stait na taun na toktok wantaim ol pipel".

Em i kisim 6-pela man long wok wantaim em. Dispela ol man i stap long Lae, Goroka, Hagen na Mosbi. Ol i helpim em long karimaut dispela wok painimaut. Insait long 5000 man ol i bin toktok wantaim 20 pesen bilong ol i sapatim gavman. Namboli i tok, sampela bilong ol dispela lain i sapatim gavman em ol lain wantok bilong ol memba bilong gavman. Namboli tok em i no go agensim gavman tasol dispela sevei o painimaut i soim olsem planti manmeri i wanbel wantaim gavman. "Dispela kain bel hevi i ken kamapim sindaun nogut wankain olsem kantri Ruwanda, Libia na ol arapela kantri husat i wok long pait agensim gavman bilong ol," Namboli tok. Dispela praivet sevei i autim sampela pasin we i bung wantaim long bagarapim lukluk bilong gavman, bilip na sapat bilong ol pipel.

Ol pipel i bilip olsem nesenal gavman na oposisen i no wokim wok bilong ol olsem memba we ol pipel i makim. Ol i sutim finga i go long ol oposisen long kamapim 'moskito

# Nogat mani long Vunadidir Pos Opis

## EDDIE SAUNDERS i raitim

SAMPELA ol kastoma bilong Salim Mani Kwik Sevis bilong Post PNG long Vunadidir Pos Opis insait long Is Nu Briten i tok olsem ol i no kisim mani bilong ol long PTC Rabaul inap long las wik long wanem Pos Opis i sot long mani.

Wanpela kastoma i tok tudei olseme long las wik Fonde em i go long kisim mani bilong em we ol i salim long seim dei sevis tasol i bin nogat manilong peim em.

Wanpela mausman long PTC menesmen i tok olsem Vanadidir Pos

i tok dispela ol wok kamap i soim gupela bilip bilong ol dairekta long gupela wok bilong Hotel Cloudlands.

Mista Mason i go het long tok olsem taim OTML i kisim planti moa kontrakta kampani i kam insait long wok, i save i gat hevi bilong ples bilong slip. Em i tok OTML wantaim Hotel Cloudlands wantaim save bungim dispela ol hevi. Em i go het long tok olsem dispela kain wok kamap bai kirapim gupela wok bilong bihainim taim. Mista Mason i tok 25 pesen winmani bilong ol seholdas long ol yia i go pinis na tu long 1995 we winmani i bin go antap, i kirapim gupela tingting namel long ol seaholda. Long go het wantaim gupela invesen. Bihainim dispela ol darekta i lukluk long givim gupela sapat bilong ol long go het wantaim gupela operesen.

Hotel Cloudlands em i wanpela biknem bisnis insait long Ok Tedi aninit long ol lokol bisnis developmen program bilong Ok Tedi. Ol namba wan seaholda em Cloudlands Invesen, kampani bilong ol lokol manmeri long Tabubil na Kiunga. Na ol Pablik Opisa Superenuesen Fan wantaim 12-pela arapela lokol bisnis grup.

polisi' we i daunim saplai bilong kopi, kakau, kopra na sampela moa, na dispela Look North policy' we olgeta tingting bilong Esia i kam insait long kantri na tu toktok bilong Ok Tedi main. Ol i toktok tu long strong bilong kina i go daun na hevi bilong senisim mani i go long mani bilong narapela kantri.

Bikpela belhevi bilong ol em sindaun bilong ol manmeri. Namboli tok prais bilong samting i go antap tumas. "Mipela ol manmeri i kisim taim nau, bas fi i go antap, dispela i soim strong bilong kina i go daun tru," Namboli tok. Ol pipel tu i laik save long wanem na gavman i no toktok long egensim bikpela kantri bilong Frens long testim bom na marasin bilong ol long Moruruva Atoll long Tahiti. Narapela samting em gavman i lusim bilip bilong ol manmeri bikos planti i go long kot long paulim mani na bagarapim pablik opis. Gavman i kamapim pinis bikpela dinau long ovasis, gavman i rausim provinsal gavman, pait long Bogenvil na ol hevi long bikpela maining long kantri nau.

Ol i belhevi tu long gavman i oraitim ol bikpela ovasis kampani i kam long kantri na sanapim bisnis bilong ol. "Dispela kain em ol i kilim ol yangpela bisnis indastri bilong mipela olsem tinsip, mit, ti, suga, plaiwut na planti moa, " ripot bilong sevei ya i tok aut. Namboli i statim dispela sevei o wok painimaut long ples bilong em long Enga long mun Epril i kam long Hagen, Goroka, Madang, Lae na em i kamap long Mosbi we em i pinisim.

Namboli i tok planti samting tru i kamap long niuspepa we i ken bagarapim nem bilong gavman i go bek long mun Oktober, 1994. "Long lukluk bilong mi sapos PNG i bin go long ileksen nau bai i gat 109 nupela pes i go insait long dua bilong nesenal palamen," em i tok.

Opis i sot long mani na mani ol i no autim yet. Ol lain husat i salim mani long Mosbi i go long Rabaul bai i gat hevi nau.

Tasol ol lain husat i bin salim i mas wet long kisim bek mani bilong ol. Wanpela kastoma i no kisim bek yet K500 bilong em we em i salim i go long Vunadidir Pos Opis. Bihain long wanpela wik, i nogat inap mani yet long Vunadidir Pos Opis.

I luk olsem ol lainlong PTC menesmen i wok long tok sori long ol lain husat i wok long wetim mani bilong ol yet.

# Oi studen amamasim UN De




● Praim Minista Sir Julius Chan, husat i bin wampela spesel ges long dispela de i bin kisim wampela presen long ol studen bilong Mosbi Intanesenel Praimeri skul.

Long Oktoba 10, 1995, Yunaited Nesens long wol i bin amamasim 50 ya aniveseri o krismas bilong em. Long Mosbi, ol studen bilong olgeta skul insait long siti i bin bung long Mosbi Intanesenel Praimeri skul long amamasim dispela de. Hia em sampela poto i soim wanem samting i kamap long dispela de.  
*Ol poto : IVAN BAYAGAU*



● Man i makim Yunaited Nesens opis long PNG, Peter Whitham i soim ol wokman na meri bilong em insait long kantri long Praim Minista Sir Julius Chan.



● (LEPHAN) - Ol studen bilong Wardstrip Komyuniti skul i soim ol fleg bilong olgeta kantri bilong Yunaited Nesens insait long wol.



● Wampela drama bilong plis ben i paitim dram na mas pas long ol studen long bikpela mas. Ol studen i bin mas long makim de bilong Yunaited Nesens.



● (ANTAP NA RAIHAN LONG HAPSAIT)-Ol Kilakila Hai skul studen i soim danis bilong tumbuna. Singsing ya ol i bin ol i bim soim bilong Hiri Tred. Meri long namel i holim wampela liklik kanu bilong ol Motu pipel long Nesenel Kapitel Distrik.



# THE SUNDAY

ELIZABETH LENY i raitim

**T**UDE insait long Papua Niugini, planti Non Gavman Ogenaisesen (NGO) i save karimaut planti gutpela wok long helpim ol pipel husat i stap long hevi o husat i bungim bagarap long laip na sindaun bilong ol.

Sampela bilong dispela ol oge-naisesen i nogat biknem tumas. Na tu planti grasrut pipel i no save long ol, na tu long wanem as bilong ol na wanem samting ol i save mekim long sevim laip na sindaun bilong ol pipel.

Wanpela bilong dispela ol oge-naisesen em Salvesen Ami. Dispela oge-naisesen i gat tupela bikpela as.

Wanpela em olsem Salvesen Ami em i wanpela Sios olsem Engliken, Luteran na ol arapela sios.

Na tu em i wanpela oge-naisesen olsem Red Kros, husat i save helpim ol man i bungim hevi na planti ol narapela samting.

Salvesen Ami i bin mekim planti gutpela wok pinis insait long Papua Niugini long taim em bin stat wok insait long kantri. Na i wok long go het long wokim dispela ol gutpela wok.

## Salvesen Ami wok hat long helpim ol trangu manmeri



● Salvesen Ami save stap tu long givim imejensi sevis long ol trangu pipel olsem poto i soim long taim bilong bagarap o hevi.

### Salvesen Ami stat kamap long London

Salvesen Ami i bin kamap namba wan taim tru long London, biksiti bilong kantri Inglen long Yunaited Kingdom long yia 1865. Wanpela man nem bilong em William Buth i bin statim.

We em i stat em olsem: wanpela taim dispela man i bin go wok-abaut na em i lukim ol pipel i hangre na daj nobaut long sik.

Long dispela taim em i bin kisim dispela tingting olsem em i bai helpim dispela ol pipel.

Bihainim dispela em i bin kamap wantaim dispela tingting bilong wok olsem wanpela ami. Long pait wantaim sin na trangu pasin.

Ol pipel i lukim dispela na ol i laikim dispela tingting long wok olsem wanpela ami.

Em nau wok bilong salvesen ami i go bikpela.

Na long 1956 Salvesen Ami bin kam long Papua Niugini. Em i bin

## Salvesen Ami i stap nau long planti hap bilong Papua Niugini. Na i wok long go het wantaim planti ol sosel wok .

kam olsem wanpela sios na tu em i bringim sosel sevis olsem hap bilong bringim tok bilong God.

Long dispela taim Papua Niugini i bin stap aninit long Ostrelia. Olsem ol i save tok Papua Niugini i bin stap aninint long Komand bilong Ostrelia.

Papua Niugini i bin wok aninit long Ostrelia inap Julai 1994, taim Papua Niugini i bin kamap olsem wanpela komand bilong em yet.

Bihainim dispela, Man husat i go pas long Papua Niugini Komand, Lt. Colonel Keith Banks i tok Papua Niugini i bin kamap olsem

wanpela komand bilong em yet long wanem wok bilong Salvesen Ami i bikpela inap.

Em i go het long tok olsem Wok bilong Salvesen Ami i gro long wanem planti ol gutpela Papua Niugini lida i wok long go pas long wok bilong Salvesen Ami. Na namba bilong ol man long narapela kantri husat i wok long helpim long wok i wok long go daun.

### Salvesen Ami holim pas PNG nau

Salvesen Ami i stap nau long planti hap bilong Papua Niugini. Na i wok long go het wantaim planti ol sosel wok .

Long ol taun na i go insait tru long bus we i nogat planti gavman sevis i save go.

Ol i stap insait long Mosbi yet, Lae, Goroka, Kerema, Kimbe na

Kainantu. Lt. Colonel Banks i tok nau ol i wok long lukluk long go wok long dispela ol hap ol i no bin go yet olsem Wiwek na Madang.

Nau yet ol i gat 58 sios husat i wok long wok insait long kantri ol i gat 10 helt senta, 8 helt posts, tupela skul, tupela hostels na 5-pela sosel senta.

Dispela ol sosel senta, Lt. Colonel Banks i tok i bilong helpim ol mama husat i wok long bungim hevi long sait bilong famili.

Wanpela bilong dispela ol i stap long Ela Bis.

Dispela em hap we ol mama i ken kisim ol pikinini bilong ol i kam stap.

Ol i gat wanpela vokesinel trening senta hia long Mosbi long Boroko we ,ol meri i save lain long taip na wokim ol seketeri wok na ol man i save lain long welding na ensinering.

Na narapela bikpela helt sevis senta bilong ol i stap long Onamuga long Isten Hailens provins.

Ol salvesen ami i bin givim dispela nem taim ol salvesen ami opisa i bin go stat wok long 1960. Ol i bin go stat wok wantaim ol mama na pikinini.

Dispela i bin kamap 25 yia i go pinis. Nau Onamuga i gat wanpela liklik helt senta we i save givim 7-pela de sevis long wanpela wik i go long ol pipel.

Long Onamuga yet i gat wanpela komyuniti helt woka trening skul. Nau yet Lt. Colonel Banks i tok i gat 40 studen husat i wok long kisim trening long kamap ol helt woka.

I gat palnti ol narapela sevis tu Salvesen Ami i wok long go het long em.

### Tripela we bilong kisim mani

Salvesen Ami i gat tripela we ol i save kisim mani long go het wantaim ol sevis bilong ol. Lt. Colonel Banks i tok namba wan we o rot em ol yet, ol memba yet i save traime long helpim.

Narapela we em ol i save kisim ol gren na aid o helpim mani i kam long ol arapela kantri.

Namba tri we em ol i save kisim aninit long Red Sil Apil.

I go moa long pes 15.

**Ticket price K2.00 only**

**First draw date: 31st October 1995**

**Count down: 11 days to draw date**

# 297 CHANCES TO WIN PRIZES WORTH

# K600,000

Tickets are sold at G7 agents -outlets



*We support primary health programme for the benefit of the communities*

## THE TICKETS PRIZES CONSIST OF 7 SECTION

SECTION 1:	1st PRIZE	- K300,000	(1 WINNER)
SECTION 2:	2nd PRIZE	- K75,000	(1 WINNER)
SECTION 3:	3rd PRIZE	- K20,000	(1 WINNER)
SECTION 4:	4th PRIZE	- K5,000	(1 WINNER)
SECTION 5:	5th PRIZE	- K2,000	(25 WINNERS)
SECTION 6:	6th PRIZE	- K1,000	(50 WINNERS)
SECTION 7:	7th PRIZE	- K500	(200 WINNERS)

Golobadana No.7 Pty. Ltd. Locally based & registered company of Papua New Guinea Telephone: 325 8250 Fax: 325 2343

# Konplik resolusen kos go aut nau long eria

VERONICA HATUTASI  
i raitim

OL KONPLIK resolusen (CR) kos we Faundeses bilong Lo, Oda na Jastis (FLOJ) i bin statim long Bogenvil tupela yia i go pinis na i karimaut yet i go nau long ol arapela hap bilong kantri. Bikos planti pipel i klia nau long wanem gutpela samting kos i kamapim long stretim laip na sindaun bilong ol, maski wanem hap na kain sindaun ol i stap long en.

Bruder Pat Howley, wanpela Katolik bruder husat i wok wantaim FLOJ na ol lain bilong em i as tru long dispela kos i go long planti hap bilong Papua Niugini. Tasol pastaim tru, Bruder Pat i bin karim dispela kos i go long Buka long 1993. Dispela em long askim bilong ol Katolik sista long Chabai insait long Buka. Ol sista i bin singautim Bruder Pat long inap em i karim kos i go long Bogenvil. Bikos ol i lukim olsem ol kos inap helpim stretim tingting, laip na sindaun bilong ol yangpela manmeri na ol arapela bikman long ples, bihain long ol hevi ol i bungim long ol trabel long Bogenvil.

Stat long taim kos i kamap long Buka Ailan long 1993, ol gred 9 na 10 hai skul sumatin bilong Hutjena na Tarlena, ol siefs lidaman, komyuniti, sios, yut na ol meri lida i bin sindaun pinis long ol konplik resolusen kos. Planti bilong ol dispela lain husat i bin sindaun long kos i gat ol gutpela toktok long kos ya. Ol i tok kos i helpim ol tru long stretim wanem belhevi ol bin gat namel long famili, ol pren na wantok na komyuniti. Na planti bilong ol yangpela man husat i bin stap insait long Bogenvil Revolusinari Ami (BRA) long taim bilong bikpela hevi long Bogenvil i kism bek gutpela tingting bikos long kos ya.

Long ol sief na ol arapela lida, kos ya i skruim save bilong ol moa yet long ol wok bilong ol insait long ples na komyuniti. Bikos antap long ol arapela samting, wanpela as long kos em long strongim wok bilong lidasip long ol lain husat i sindaun long em. Long wok bilong em long Bogenvil, faundeses i bin trenim sampela trena long hap. Na nau ol dispela trena i helpim Bruder Pat wantaim ol lain bilong em long ranim ol kos long ol arapela hap bilong kantri.

I kam inap nau, FLOJ i karimaut ol kos long sevenpela (7) eria long kantri. Dispela em long Bogenvil, Aroma kos long Sentrel provins, Wafi long Morobe, Bomana kalabus long Nesenel Kapitel Distrik, Pitapaka long Is Nu Briten provins, na klostu ol bai statim kos long Ihu eria insait long Galp provins. Long ripot we Bruder Pat i givim, FLOJ i gat bikpela wok yet bilong mekim long Bogenvil.

## Bogenvil ailan

Buka distrik long Not Solomons provins em eria we FLOJ i bin statim tru long karimaut ol kos. Dispela em ol konplik resolusen, lidasip na kaunseling kos. Long ol konplik resolusen kos, ol lain i sindaun long em i kism skul na skruim save long rot bilong daunim ol hevi long ol yet pastaim, insait long wan wan famili, namel long ol wantok, ol pren na insait tu long wan wan komyuniti bilong ol. Tu ol i kism helpim long rot bilong sekhan na kamapim bel isi namel long famili, ol pren, wantok na komyuniti.

Ol pipel i laikim tru ol kos bikos dispela i helpim ol long stretim sindaun na laip insait long famili, komyuniti na provins bihain long ol hevi long bagarap we hevi long Bogenvil i kamapim insait long las sik yias. Planti pipel i no klia tumas long wanem bikpela na gutpela samting dispela ol kos bilong FLOJ i kamapim insait long ol komyuniti long Bogenvil.

Tasol Bruder Pat wantaim ol lain bilong em i wok long mekim

bikpela na gutpela wok tru long provins olsem hap bilong helpim ol restoresen progrem we gavman na ol arapela grup i go hetim long stretim bek sindaun long olgeta hap bilong Bogenvil. I gat ol arapela grup tu husat i wokim ol kain kos long stretim tingting, laip na sindaun long Bogenvil. Em long Komyuniti bilong Developmen Faundeses we ol i wokbung wantaim ol lain bilong provinsal kaunsil bilong ol meri na ol sios na ol komyuniti grup. na i gat ol wan wan sios grup husat i beis long Is Nu Briten long Haus bilong Sekan bilong wokim ol kos long wan wan eria insait long bikples Bogenvil.


Ol i fomim pinis wanpela komiti bilong lukluk long ol wok bilong FLOJ long Bogenvil. Alina Longa i kamap olsem siameri long dispela komiti, Leonard Tsitao olsem kodineta na Anna Sapur olsem kodineta bilong sauten rijon. Ol lida na komyuniti long olgeta hap bilong provins i laikim ol FLOJ lain long kism kos i go long hap bilong ol, tasol ol hevi olsem sot long ol bokis bilong putim ol samting long kos (ol pepa, maka pen, blu tak, butsa pepa na ol samting olsem bilong givim long samting olsem 30 pipel i sindaun long kos) na tu taim ol BRA i save kamapim ol trabel gen long ol eria i save slekim wok long bringim kos i go long ol hap we ol pipel i laikim ol long karimaut ol kos.

Pastaim long kos i stat long wanpela eria, ol FLOJ lain na ol trena i save karimaut ol aweanes progrem. Tu ol save fomim ol midiesen grup long lukim olsem i kos i go gut tasol. I luk olsem dispela i as long ol kos i go gut tasol long BUka na insait long ol eria long bikples Bogenvil we kos i stat pinis. Bikos stap na sindaun long bikples Bogenvil i no bin orait tumas, ol FLOJ lain ino bin nap long karim ol kos i go long ol eria long hap, maski planti lida bilong hap ibin putim askim bilong ol. Tasol long dispela yia, Bruder Pat wantaim ol trena long provins i bin nap long karim ol kos i go long bikples Bogenvil. Ol bin stat long Arawa insait long sentrel Bogenvil. I kam inap nau, ol i karimaut foapela (4) CR kos pinis long hap.

Long Buin, ol i karimaut eitpela kos. Anna Sapur i supavaisim ol kos na em yet tu i go pas long karimaut ol aweanes progrem long ol longwe ples. Misis Sapur i gat gutpela sapot long dispela wok i kam long ol pis komiti, ol BRA komanda, ol sekyuriti fos na resisten lain.

Antap long ol trabel we i karimpim stil pasin, ol pait na ol arapela asua olsem, ol CR kos i helpim tu long daunim ol hevi long kros pait long graun na kilim dai narapela man long taim bilong bikpela hevi long ailan. Bihain long ol i sindaun long ol FLOJ kos, Michael Lokenau na Peter Naguo (namba tu BRA komanda long Buin) i bin go pas long stretim dispela birua bilong kilim dai man. Ol bin mekim ol lain i stap long dispela asua i peim kompensesen, sekan na kamapim bel isi pasin namel long ol. Bogenvil Primia Theodore Miriung i bin harim ripot long dispela samting na em i givim tok orait bilong em long grup i go hetim ol progrem bilong ol. I gat ripot tu olsem sampela lain bilong Siwai eria i wokabout i go long Buin bilong sindaun long ol kos. Na dispela i soim long ples klia tru olsem ol pipel i wanbel tru long ol kos i kamap long komyuniti bilong ol.

Long ol arapela hap long saut Bogenvil, kos i bin kamap long Nagovis na Torokina eria. Nissan tu long Atols distrik i karimaut pinis wanpela kos long dispela yia. Hevi wantaim trenspot i mekim wokabout i hat long go long saut Bogenvil na ol arapela eria long bikples Bogenvil long karimaut ol kos. Tasol long Buka distrik, ol kos i go het strong na ol i ting ol bai



• Wanpela treina Leonard Tsitao i kism setifiket pepa bihain long em ol arapela lain i pinisim konplik resolusen kos long Buka. Melisa Groome bilong Lo na Oda i givim setifiket pepa long ol.

pinisim 6-pela kos bipo long dispela yia i pinis. Ken Egan i bin go pas long ranim pinis tupela Komyuniti Plening kos long ples Lontis, Buka. Long ol ripot, ol pipel i laikim tru dispela kos. Bruder Pat wantaim ol lain biling em i kism pinis ripot long sampela pipel i komplem egensim ol CR kos.

Sampela i komplem i sut long ol meri husat i gat strong nau long sanap na toktok lukautim ol yet bihain long sindaun long Komyuniti Plening kos. Tu i gat eksampel we ol meri i sanap egensim pasin bilong ol man i paitim nogut ol meri bilong ol. Narapela komplem i kamap tu em kos i wok kamapim hevi long wok bilong ol publik sevan. Bikos sampela bilong ol tu i sindaun long kos na ol ino go long wok tru bilong ol maski ol dispela hevi i kamap, planti pipel i laikim tru kos na ol i laikim long go het yet.

Narapela FLOJ wanwok bilong Bruder Pat, Wendy Clancy i bin stap long Bogenvil bilong toktok wantaim ol meri na painaut sapos em inap karimaut kaunseling kos long hap. Long nau, olgeta wok long redim dispela progrem i redi pinis. Na ino long taim em bai kirapim progrem ya long Buka Ailan.

## Nambis eria bilong Aroma, Sentrel provins

Bihain long Bogenvil, ol trena bilong FLOJ i bin kirapim wok insait long Aroma nambis eria long Sentrel provins. Em long dispela yia tasol bihain long askim bilong sampela lida long eria yet. Mary Rafon, wanpela trena bilong Bogenvil i bin go pas long givim 15 wik blok kos long Aroma.

Hia em ol astinging long ranim ol dispela blok kos:

- 9-pela bilong ol kos em long Pipel Skil na Konplik Resolusen (CR);
- trenim 250 pipel long besik CR kos;
- wanpela trena bilong 30 pipel;
- trenim tenpela ful trena na 20 pat taim trena; na
- kamapim tupela Komyuniti Jastis Plening kos.

Ol CR trening kos long Aroma i pinis nau. Tasol sampela liklik hevi i bin kamap na ol i bin ranim tasol sevenpela kos. Pastaim ol i ting ol bai ranim 10-pela kos.

Wanpela hevi i kamap we ol FLOJ trena i no bin save long em em ol Aroma pipel i save stap long nambis tasol ol i save wokim ol gaden bilong ol long bikples. Na ol i kism tripela awa samting long ol long ol dispela gaden. Narapela

samting tu em sampela lain i bin wokim ol giaman toktok i go long ol pipel olsem ol FLOJ lain i laik kirapim nupela lotu long eria bilong ol.

Sampela ausait lain i bin sindaun tu long ol kos long Aroma. Foapela pipel em ol lain bilong Wafi, tupela em ol voluntia wok bilong Ostrelia husat i wok wantaim FLOJ haus kalabus rihabilitesen. Tupela wantaim ol pikinini bilong ol em Andreas na Olga Kostenbauer husat i wok wantaim CIS long Bomana. Kos i bin go het gut na ol bai go bek long neks yia bilong go hetim wok ol i statim long hap.

## Wafi eria, Morobe provins

Wanpela FLOJ tim i ranim ol kos bilong ol long Wafi eria insait long Morobe provins. Maining kampani CRA i wok long dispela eria. Ripot i tok liesen opisa bilong CRA David Choulai i amamas long wok we FLOJ i mekim long givim aweanes i go long ol papagraun grup bilong eria. Bikman bilong CRA long Australia, Ian Johnson i amamas tru na em i tok i gutpela long karimaut ol dispela kos long ol arapela hap bilong wol we CRA i operet long em. Ken Egan i stap nau long Wafi na ranim Komyuniti Plening kos long tupela lenona grup long Wafi. Dispela em long Hengambu na Yanta.

## Bomana haus kalabus ausait long Mosbi siti

Foapela trena bilong Bogenvil i wok nau wantaim Andre na Olga Kostenbauer long rihabilitesen progrem bilong ol kalabus lain. Ol kalabus lain na ol wokman long hap i soim amamas long wok bilong ol dispela lain. Ol i pinisim wanpela progrem pinis. Na ol i kism wanpela kalabus man na tripela welfea opisa long trenim olsem ol trena long dispela wok. Na yet tu, ol i karimaut tupela kos, wanpela bilong ol man na narapela bilong ol meri.

## Bitapaka, Is Nu Briten

Sampela bikman i bin askim FLOJ long karimaut ol kos bilong em long hap. Tasol pastaim Bruder Pat ibin wokim wanpela sevei o wok painimaut long hap na em i painimaut olsem i gat bikpela nid o wok long karimaut ol CR trening kos long hap bikos long hevi wantaim graun i sot long dispela eria. Dispela em bikos i gat planti ol plantesen long eria we planti bilong ol i stap long han bilong ol ausait lain.

Sampela long ol arapela hevi we Bruder Pat i bin luksave long ol em:

• planti long ol pipel husat i sindaun long ol risev graun i no bilong Is Nu Briten provins;

• Planti ol sekon hen na salim kaikai bisnis i stap long han bilong ol Asia lain;

• ol refuji bilong Rabaul taun husat maunten paia i bagarapim ol i wok long kism graunlong ol plan'esin blok. Na ol i no givim bikpela tingting long ol lain stret bilong Bitapaka husat palnti bilong ol i nogat wok na mak long kandim bilong ol pipel i wok long go antap;

• Ol pipel bilong Bitapaka husat i papagraun long Tokua i pret ol i no inap kism wanpela gutpela samting sapos gavman i developim Tokua ples balus; na

• Ol i wari long ol raskel grup husat i save karimaut ol wok nogut bilong ol long eria bilong wokim stil pasin long ol plantesen, stilim ol kakao na brukim haus bilong ol praiwet na publik lain na stil.

## Ihu, Galp provins

Wanpela Jeman ogenaisesen GTZ i bin askim FLOJ long karimaut ol CR na trening kos long Ihu, bihain tupela ausait loging na welpam kampani i laik kirapim ol wok bisnis long hap. GTZ i laikim ol pipel i mas klia wanem ol benefit na gutpela samting ol pipel bai i kism long ol loging na welpam prosek. Long nau, FLOJ i wok long trenim sampela lain bilong Ihu long ol iken go bek na wok long eria bilong ol. Long Janueri neks yia, 6-pela trena bilong Bogenvil bai i helpim ol long ranim ol kos long Ihu.

Bihain long tupela yia, FLOJ i karimaut pinis 65 PSCR kos. Na moa long 1500 pipel i bin sindaun long ol kos ya. Ol bin helpim klostu 70 pipel long kamap olsem ful taim trena. Faundeses bilong Pipel bilong Saut Pasifik i oferim wanpela posisen i go long wanpela FLOJ lain long stap insait long wanpela woksop long Fiji neks yia.

Planti pipel na ol atoriti long kantri i painimaut olsem ol kos we FLOJ i karimaut i gutpela long stretim sindaun na laip long ol komyuniti, givim konfidrens na lidasip trening long ol manmeri na tu i gutpela long kliarim tingting bilong ol lain bihain long ol bikpela hevi i bungim ol. Dispela luksave i wok long gro na planti putim askim bilong ol long FIOJ bilong karimaut ol kos long provins, eria na wan wan ples bilong ol.



■ Wanpela gutpela Sarere moning, tupela meri wantaim bilong Kanage go long Lae maket. Na bihain i go lukim Kanage wantaim tim bilong em i pilai soka egensim narapela tim.

Kanage putim jesi i gat namba 10 long baksait. Straika bilong narapela tim kisim bal i go na givim stret long umben bilong Kanage ol. Tasol golkipa em hap man tu ya. Em holim dispela bal na gol i no go insait.

Tupela meri wantok bilong Kanage lukim olsem na kirap singaut: "Goli yu wokim ya ..."

Orait Kanage harim nek bilong ol meri wantok na laik so op liklik. Em kisim bal i go antap na givim gutwan stret na hetim bal i go insait long umben bilong birua tim.

Tupela meri wantok bilong Kanage kirap singaut na amamas nogut tru. Bikpela susa kirap na tokim liklik susa bilong em: "Namba 10 wokim na mi kisim filings ya, yu kisim filings tu!"

Wesley Paul  
LAE

□ Wanpela taim Kanage i go danis long Karaweri long Is Elimbari long Juave distrik bilong Simbu provins. Laki tru Kanage lukim pren bilong em, Waine Raifail. Kanage i amamas nogut tru na askim Waine long narapela poro bilong em Steve. Tasol Waine i bekim olsem Steve i stap pinis long Mosbi.

Oi danis i go na Kanage pulim han bilong wanpela meri Oroma na tokim em: Poro! Oh yu sekim gut olsem ol meri save sekim long Munlait (wanpela danis ples long Mosbi).

Meri ya harim dispela tok na bekim kwik tru: "Yu save olsem mi meri O.D.R oh?" Kanage harim na kisim filings stret.

Robert Goro  
MOSBI

■ Kanage i go pas long wanpela kago kal grup long Wewak, Is Sepik provins. Em askim ol manmeri i kam memba long grup long 50t. Em tokim ol memba olsem bikman bai salim mani bilong ol i kam. Mani ol bai kisim em K666 milien.

Oi go insait long PNGBC Wewak na askim bikbos long dispela mani i kam pinis long ovasis o nogat. Bikbos i paul olgeta na tokim ol olsem i nogat kain man olsem i kam long ovasis.

Kanage wantaim ol memba bilong em kros olgeta long bikbos bilong beng na kam ausait. Oi tok bikbos i paulim mani bilong ol. Olsem na Kanage bai go daun long Australia na sekim sapos nogut mani i kam long ovasis na stap long Australia. Na i no kam kwik long PNG.

Sans nau bilong ol lain husat i memba long grup long kisim dispela bikpela mani stret.

Maunten Boi  
MOSBI

□ Kanage wantaim ol wanwok i go long "CC" danis ples long Islander hotel long wanpela Trinde nait. Oi dring bia na sanap lukim ol manmeri i mekimsave long sakim sakim antap long danis ples.

I no longtaim ol wanwok i painim Kanage. Kanage lus nating pinis. Tupela wanwok painim olgeta hap kona na Kanage i no stap. I no longtaim tupela lukluk i go antap long maunten na lukim wanpela meri wantok relax antap long solda bilong Kanage, na tupela wols i stap. Tupela wanwok belkaskas olgeta.

Bihain long danis tupela wanwok hatim Kanage: "Hei maunten boi! Yu mekim ba mipela painim yu long olgeta hap."

Kanage bekim isi tasol long tupela: "Yupela stap daunbilo bai pukpuk i kaikai yupela. Olsem na mi ranawe i go antap long maunten."

Bihainim dispela stori, Kanage i kisim nupela nem nau olsem "Maunten Boi".

Maunten Boi  
MOSBI

## Salvesen Ami wok hat long helpim ol trangu manmeri

I kam long pes 13.

Wanpela samting Lt. Colonel Banks i tok ol pipel i mas save em olsem Salvesen Ami i save lukluk long helpim wok bilong sios.

Na Red Sil Apil i save lukluk long givim sosel sevis long ol pipel.

Red Sil Apil i save wok long kisim done-sen o helpim mani long ol bisnis kampani

long go het wantaim ol sosel sevis insait long Kantri. Lt. Colonel Banks i tok Red Sil Apil i bin kisim K160,000 long apil bilong las yia.

Dispela yia em i tok ol i lukluk long kisim moa. Em i go het long tok olsem ol Red Sil Apil komiti bilong ol i wok long mekim gutpela wok stret. Bihainim dispela SP Holdings kampani i bin

givim K6,000 i go long ol apil long las wik Fraide.

Jenerel Menesa bilong SP Holdings, Tom Blum taim em i bin givim mani i bin tok ol i lukluk long helpim yet ol red sil apil na salvesen ami.

Na em i tok ol nara-pela bisnis kampani i mas lukluk tu long helpim. Long wanem i gat bikpela laik long wok bilong ol salvesen ami na planti ol pipel i

wok long lukluk long help bilong ol.

Lt. Colonel Banks i tok Salvesen Smi em i wanpela Non Gavman Ogenaisesen.

Tasol em i tok ol i save wokim moa long wanem samting ol NGO i save wokim. Long wanem ol i wanpela sios tu.

Oi i save bringim tok bilong God na long wankain taim yet ol i save bringim sosel sevis long helpim ol

pipol. Em i tok wankain olsem Red Kros ol i save helpim ol lain husat i bungim hevi na i nidim help.

Tasol ol i save bringim tu tok bilong God.

Em i tok Salvesen Ami i save go long olgeta hap we i gat ol pipel. Na i save lukluk long helpim ol manmeri husat i nogat inap samting long helpim ol yet.



# TELIKOM

*Now we're really talking!*

## TOKSAVE!

### DINAU BILONG TELIPON

Dispela toksave i go long ol Telikom Kastoma husait i no baim yet ol telipon bil bilong ol. Toksave olsem yupela i mas baim ol telipon bil bipo long:

## 20 OKTOBA 1995

Bihain long dispela de, Telikom bai katim olgeta kain telipon sevis i go long opis o haus bilong ol kastoma i no baim ol bil bilong ol. Telikom bai katim olgeta sevis bilong ol kastoma husait i gat dinau longpela taim tru na i no save baim wanpela bil.

Sapos Telikom i katim olgeta sevis bilong yu, na bihain sapos yu laik askim ken long nupela sevis bai Telikom i askim yu gut tru sapos yu gat inap mani long baim telipon bil.

Hevi nau i stap long han bilong yu long larim ol telipon sevis bilong yu i stap taim yu baim olgeta dinau bilong yu.

**John Kamblijambi**  
**Ekting Menesing Dairekta**

**FONDE OKTOBA 19**

**EMTV**

5.30 PROGRAM HIGHLIGHTS  
 5.57 TRANSMISSION OPEN  
 6.00 ITN NEWS  
 6.30 DAYBREAK NEWS  
 7.00 TODAY SHOW  
 9.00 TRANSMISSION CLOSE  
 9.01 PROGRAM HIGHLIGHTS  
 1.57 TRANSMISSION RESUME  
 2.00 MIDDAY AT TWO PGR  
 3.00 SESAME STREET  
 4.00 THE BOOK PLACE  
 4.30 MY GENERATION  
 5.00 DAVE'S WORLD A child of the 60s tries to cope with the responsibilities of family life in the 90's  
 5.28 EMTV TOK SAVE  
 5.29 EMTV NEWS BREAK  
 5.30 HOME AWAY  
 6.00 NATIONAL EMTV NEWS  
 6.30 A CURRENT AFFAIR  
 7.00 SALE OF THE CENTURY  
 7.28 LOTTO DRAW  
 7.30 NEIGHBOURS  
 8.00 PEPSI FIZZ  
 An hour of local music event and update of musical attraction around town.  
 9.00 AUSTRALIAN FUNNIEST HOME VIDEO PGR  
 9.30 PNG TATTS LOTTO  
 9.33 JUST KIDDING Just Kidding sets up elaborate scenarios and hoaxes that are played out on unsuspecting public with hilarious results.  
 10.03 BURKE'S BACKYARD  
 11.03 NATIONAL EMTV NEWS  
 11.57 MEDITATION  
 00.00 TRANSMISSION CLOSE

**FRAIDE OKTOBA 20**

**EMTV**

5.30 PROGRAM HIGHLIGHTS  
 5.57 TRANSMISSION OPEN  
 6.00 ITN NEWS G  
 6.30 DAYBREAK NEWS G  
 7.00 TODAY SHOW The best in breakfast television presented by ELIZABETH HAYS & STEVE LIEBMAN. G  
 9.00 TRANSMISSION CLOSE  
 9.01 PROGRAM HIGHLIGHTS  
 1.57 TRANSMISSION RESUMES  
 2.00 MIDDAY at Two  
 2.54 EMTV TOKSAVE  
 2.57 CHIN H MEEN SUPERSOUND NEW RELEASE  
 3.00 KIDS KONA/SESAME STREET G  
 4.00 THE BOOK PLACE G  
 4.30 MY GENERATION G  
 5.00 HOT SHOTS NEW SERIES G Hot Shots' is sports and activities series for kids that seeks to entertain as well as to develop natural instincts for games and the outdoors.  
 5.27 EMTV TOKSAVE  
 5.29 EMTV NEWS BREAK  
 5.30 HOME & AWAY G  
 6.00 NATIONAL EMTV NEWS National EMTV News followed by international news. G  
 6.30 A CURRENT AFFAIR  
 7.28 LOTTO DRAW  
 7.30 NEIGHBOURS G  
 8.00 PNG GARDNER  
 8.08 MCKENNA Stories and adventures of the McKenna family dramas in America the kind of natural place most urban Americans dream about. Snowcapped peaks. Clear icy streams. Fields of flowers. And the best part out-door adventures.  
 9.08 MOVE: HOSTAGE FOR A DAY  
 10.45 EMTV TOK SAVE  
 10.47 CHIN H MEEN SUPERSOUND NEW RELEASE  
 10.50 A COUNTRY PRACTISE  
 11.40 NATIONAL EMTV NEWS REPLAY  
 00.07 MEDITATION

**SARERE OKTOBA 21**

**EMTV**

9.00 PROGRAM HIGHLIGHTS G  
 9.57 TRANSMISSION OPEN G  
 10.00 MERCANTILE MUTUAL CRICKET - ADELAIDE South Australia vs Tasmania G  
 1.30 GILLETTE  
 2.00 MERCANTILE MUTUAL CRICKET - ADELAIDE South Australia vs Tasmania  
 5.55 CHIN H MEEN SUPERSOUND NEW RELEASE  
 6.00 NATIONAL EMTV NEWS G  
 6.30 HEY HEY IT'S SATURDAY with Daryl Somers and the gang of merry men. G  
 8.30 KOOL FASHION AWARD  
 8.40 NCDC NEWS: NCDC news from around the city.  
 9.00 WOPA WORLD CHAMPIONSHIP WRESTLING (INCLUDES PNG TATTS LOTTO AT 9.30 PM) Features World championships wrestling including glittering array of talent such as Ric Flair, Sting, the Nasty Boys, Mean Gene, Okerlund and Bobby "The Brian" Heenan, and the return of Hulk Hogan. G  
 10.00 EMTV TOKSAVE  
 10.03 CHIN H MEEN SUPERSOUND  
 10.06 GILLETTE The best sport programming events in over thirty different sports. An exciting sporting series.  
 10.36 JACK HIGH BOWLS Featuring 10 of the world's best player, and presented from the Harbour Diggers Memorial Club, Sydney. Hosted by Max Walker. G  
 11.36 WORLD CUP RUGBY - OLD TRAFFORD 1ST SEMI FINALS  
 2.00 NATIONAL EMTV NEWS REPLAY  
 2.30 MEDITATION  
 2.33 TRANSMISSION CLOSE

Note: Programmes are subject to change without notice

**SANDE OKTOBA 22**

**EMTV**

7.13 PROGRAM HIGHLIGHTS  
 7.47 TRANSMISSION OPEN  
 7.49 CHIT CHAT WITH SIR PAULIAS MATANE G  
 7.54 EMTV TOKSAVE  
 7.57 CHIN H MEEN SUPERSOUND NEW RELEASE  
 8.00 BUSINESS SUNDAY  
 9.00 SUNDAY Public affairs program  
 11.00 AMAZING GAMES  
 12.00 MERCANTILE MUTUAL CRICKET West Australia vs New South Wales  
 3.00 ISLAND OF THE PACIFIC: SAMOA  
 5.00 MERCANTILE MUTUAL CRICKET  
 5.55 CHIN H MEEN SUPERSOUND NEW RELEASE  
 6.00 NATIONAL EMTV NEWS  
 6.30 THE MAGICAL WONDERFUL WORLD OF DISNEY: DOWN AND OUT WITH DONALD DUCK  
 7.30 60 MINUTES:  
 8.30 SING WITH JOY G  
 9.00 SUNDAY NIGHT MOVIE: KARATE KID II  
 10.00 CHIT CHAT WITH PAULIAS MATANE  
 11.00 CHURCHES MAGAZINE  
 11.30 WORLD CUP RUGBY LEAGUE  
 2.00 NATIONAL EMTV NEWS REPLAY  
 2.30 MEDITATION  
 2.33 TRANSMISSION CLOSE

**RADIO**

**NAU FM**  
 06.00am headline News  
 Ricki and Nikki  
 06.30am French Bake Haus Horoscopes  
 06.45am CHM New Local Release  
 07.00am News  
 07.30am Worthless Information  
 07.35am First Investment Finance Ltd. Business Report  
 07.40am Coca Cola Breaker  
 07.00am News  
 08.20am This "Day in History"  
 08.40am Birthday calls  
 09.00am News  
 09.15am Telkom Phone in challenge  
 10.00am News  
 Eli Webb  
 11.00am News  
 11.05am Big Rooster Forty Minute Music Marathon  
 12 Noon News  
 12.15pm CHM New Local Release  
 01.00pm News  
 More Muzac  
 02.00pm News  
 02.05pm 3 from 1 at 2: (3 songs from 1 artist at 2 o'clock).  
 02.30pm Telkom Phone in challenge  
 03.00pm News  
 Kanawi Danomira  
 04.00pm News  
 More Muzac  
 05.00pm News  
 05.05pm Pepsi Top 5 at 5  
 06.00pm News  
 More Muzac  
 07.00pm News  
 H.B. Brew. (The Night Man)  
 07.15pm CHM New Local Release  
 08.00pm News  
 More Muzac  
 12 Midnight News  
 More Muzac until 6 am

**KALANG**  
 0500 OPENING  
 0505 BREAKFAST  
 0530 MORNING DEVOTION  
 0600 NEWS  
 0630 BIRTHDAY CALLS  
 0700 NATIONAL NEWS  
 0715 SECRET SOUND  
 0730 ON THE SPOT  
 0800 NATIONAL NEWS  
 0805 BREAKFAST (Continued)  
 0900 NEWS  
 0903 TALKBACK RADIO  
 1000 NEWS  
 1003 TALKBACK (continued)  
 1100 NEWS  
 1200 NEWS  
 1205 LUNCHEON  
 1300 NEWS  
 1400 NEWS  
 1403 AFTERNOON MUSIC  
 1500 NEWS  
 1600 NEWS  
 1603 DRIVETIME  
 1700 NEWS  
 1800 NEWS  
 1810 Sports Desk  
 1900 NATIONAL NEWS  
 1905 PNG BANK REPORT  
 2000 NATIONAL NEWS  
 2005 FM CLUB REQUESTS  
 2100 NEWS  
 2103 LATE NIGHT RADIO  
 2200 NEWS  
 2230 TODAY WITH DEREK PRINCE  
 2300 NEWS  
 2303 LATE NIGHT RADIO  
 2400 CLOSE

**MANDE OKTOBA 23**

**EMTV**

3.30 PROGRAM HIGHLIGHTS  
 3.57 TRANSMISSION OPEN  
 4.00 WWOS: 1995 ALFRED DUNHILL CUP GOLF ST ANDREWS, SCOTLAND  
 6.00 ITN NEWS Up to the minute round up of the latest world news sport and business information from Britain's respected International Television News service.  
 6.30 DAYBREAK NEWS Up to the minute round up of Australia's as well as international news.  
 7.00 TODAY SHOW The best in breakfast television presented by ELIZABETH HAYES & STEVE LIEBMAN  
 9.00 SESAME STREET  
 10.00 KISIM SAVE: ANIMAL VEGETABLE MINERAL  
 10.30 TRANSMISSION CLOSE  
 1.57 TRANSMISSION RESUME  
 2.00 MIDDAY AT TWO A pacy one-hour show, packed with entertainment and information featuring a combination of taped stories and studio guests. Hosted by TRACY GRIMSHAW and DAVID REYNE.  
 3.00 KIDS KONE/SESAME STREET  
 4.00 THE BOOK PLACE  
 4.30 HOT SCIENCE REPEAT  
 5.00 WONDER WORLD  
 5.28 EMTV TOK SAVE  
 5.29 EMTV NEWS BREAK  
 5.30 HOME AND AWAY  
 6.00 NATIONAL EMTV NEWS  
 6.30 A CURRENT AFFAIR  
 7.00 SALE OF THE CENTURY  
 7.30 LOTTO DRAW  
 7.32 CHIN H MEEN SUPERSOUND NEW RELEASE  
 7.35 NEIGHBOURS  
 8.05 FISH INTERNATIONAL G  
 8.30 REPLAY OF WORLD CUP RUGBY LEAGUE 2ND SEMI FINALS AUSTRALIA VS NEW ZEALAND  
 10 35 YOUNG DOCTORS

**TUNDE OKTOBA 24**

**EMTV**

00.00 STATION CLOSE  
 5.30 PROGRAM HIGHLIGHTS  
 5.57 TRANSMISSION OPEN  
 6.00 ITN NEWS  
 6.30 DAYBREAK NEWS  
 7.00 TODAY SHOW G  
 9.00 TRANSMISSION CLOSE  
 9.01 PROGRAM HIGHLIGHTS  
 1.57 TRANSMISSION RESUME  
 2.00 MIDDAY AT TWO a pacy one hour show, packed with entertainment and information featuring a combination of taped stories and studio guests. hosted by Tracy Grimshaw and David Reyne.  
 3.00 SESAME STREET  
 4.00 THE BOOK PLACE  
 4.30 HOT SCIENCE  
 5.00 WONDERWORLD  
 5.28 EMTV TOK SAVE  
 5.29 EMTV NEWS BREAK  
 5.30 HOME AND AWAY  
 6.00 NATIONAL EMTV NEWS  
 6.30 A CURRENT AFFAIR  
 7.00 SALE OF THE CENTURY  
 7.33 CHIN H MEEN SUPERSOUND NEW RELEASE  
 735 NEIGHBOURS  
 8.04 COLD POWER CASH CALL DRAW  
 8.05 BORAL GAS HOMEAKER'S SHOW Homemaker's show gives you handy hints on sewing, crafts, health and nutrition as well as product demonstrations from electrical goods to beauty products.  
 8.35 BLUE HEELER police drama with a difference set in a small country town.  
 9.33 EMTV TOK SAVE  
 9.35 RESCUE 911  
 10.35 YOUNG DOCTORS  
 11.35 NATIONAL EMTV NEWS REPLAY  
 11.57 MEDITATION  
 00.00 TRANSMISSION

**TRINDE OKTOBA 25**

**EMTV**

5.30 PROGRAM HIGHLIGHTS  
 5.57 TRANSMISSION OPEN  
 6.00 ITN NEWS  
 6.30 DAYBREAK NEWS  
 7.00 TODAY SHOW  
 9.00 TRANSMISSION CLOSE  
 9.01 PROGRAM HIGHLIGHTS  
 11.57 TRANSMISSION RESUME  
 12.00 KISIM SAVE: WORLD APOLLO  
 25 YEARS CHAT SHOW A series of science programmes aimed at students from grade 7-12. Rpt  
 12.30 TRANSMISSION CLOSE  
 1.27 TRANSMISSION RESUME  
 1.30 BORAL GAS HOMEAKER'S SHOW  
 2.00 MIDDAY AT TWO  
 3.00 SESAME STREET  
 4.00 THE BOOK PLACE  
 4.30 MY GENERATION  
 5.00 DAVE'S WORLD  
 5.28 EMTV TOK SAVE  
 5.29 EMTV NEWS BREAK  
 5.30 HOME AWAY  
 6.00 NATIONAL EMTV NEWS  
 6.30 A CURRENT AFFAIR  
 7.00 SALE OF THE CENTURY  
 7.30 NEIGHBOURS G  
 8.00 GOLDEN MEKIM MUSIC  
 9.00 PNG GARDNER  
 9.08 MOVIE: MORE LOVERLY THAN EVER This fascinating hour-long documentary on the making and restoration of "My Fair Lady" profiles a rare behind-the-scenes look at the life and spirit of one of the greatest films ever to emerge from Hollywood ... a movie classic that almost became extinct, due to the ravages of time and the shortsightedness of commerce  
 10.57 EM-TV TOK SAVE  
 11.00 A COUNTRY PRACTISE  
 00.00 NATIONAL EMTV NEWS  
 00.27 MEDITATION  
 00.30 TRANSMISSION CLOSE

**HBO Wednesday**

8.00 GUNSMOKE: ONE MAN'S JUSTICE  
 9.30 ANOTHER YOU Richard Pryor, Gene Wilder. Put two of movies' gifted funnymen together and you get a neverending mad caper! Released from a sanatorium, a pathological liar (Wilder, *Funny About Love*) is taken under the care of a conman-on-parole (Pryor, *Harlem Nights*). Would it be a surprise if the wacky duo don't get into a complicated scam? They just have to make sure they don't lose their lives along the way!  
 11.00 BEYOND OBSESSION Victoria Principal, Emily Warfield. Who is the real victim? That's the question to ask in this chilling movie based on a real-life story. Business woman Eleanor DiCarlo (Principal, *Dallas*) is widely admired by her associates. But to her teenage daughter Traci (Warfield), she is a dominating and fearsome woman. When Eleanor is found dead — strangled to death — Traci is charged with accessory to murder and her boyfriend, John Thompson, charged with the killing. But Traci claims she has been emotionally and physically abused by her mother, or maybe, Eleanor is the misunderstood mother.  
 12.30 LEGACY OF EVIL Stephen Lang, Sheila McCarthy. Watch this movie based on a true story, and you will be in the presence of a spine-chilling terror ... just as Michael (Lang) and Jenny (McCarthy) are. The horror begins when they get married. Strange things soon happen. Their dog is mysteriously killed, the greenhouse catches fire which cannot be put out ... and Michael is plagued by endless nightmares. The truth is finally revealed to Jenny — Michael is possessed by a powerful demon who is out to destroy them all, but hope may actually lie in the power of love.  
 2.00 HITLER'S DEATH: THE FINAL REPORT "A bizarre and fascinating tale of political paranoia and forensic bungling" (Nigel Andrew, *Daily Mail*). This is a gritty account of the massive and secret investigation conducted by the Soviet intelligence into Hitler's death or what was thought to be his 'disappearance'. Operation Myth was carried out for Stalin by his future security chief Laerent Beria, amidst fears that Hitler had escaped from Berlin. Stay tuned for this extraordinary documentary which presents the "definitive television account" of Hitler's death, based on the files of Operation Myth that have stayed under lock and key for fifty years.  
 3.00 THE FUGITIVE  
 5.15 MERRILL'S MARAUDERS Jeff Chandler, Ty Hardin. Jeff Chandler (*Return To Peyton Place*) shines in his last screen role as courageous World War II General Frank Merrill. This 1962 war drama recalls Merrill's thunderous exploits in the enemy-ridden jungles of Burma.



# Oltaim Telikom woka pinis wok bihain long 31 yia sevis

WANPELA longpela taim pablik seven bilong Ovasis Telekoʻmnikesen Koporesen (OTC) na Pos na Telekomyunikesen Koporesen (PTC), bin pinis wok long Fraide Oktoba 13, bihain long em i wok long 31 yia olgeta.


Nem bilong dispela man em Sarea Melare, husat i gat 54 kris-mas.

Mista Sarea i bilong Mei ples insait long Kerema eria bilong Galp provins. Mista Sarea i gat 8-pela pikinini na 27 tumbuna. Na ol i save stap long Kaugere insait long Mosbi siti.

Sarea i bin stat wok wantaim Telikom olsem wanpela mesenja klak aninit long OTC long 1964.

Bihainim dispela, Menejing Dairekta bilong PTC, John Kamblijambi na General Meneja bilong Telekom, Stan Basiou i tok Mista Melare i bin givim gutpela taim bilong laip bilong em taim em i bin stap yangpela long wok wantaim PTC na Telikom. Ol i go het long tok olsem gutpela wok bilong Mista Melare bai stap bilong ol yangpela bai lukim long bihain taim na bihainim.

Long 1975, taim OTC i go stap aninit long dipatmen bilong Pablik Utilitis, Mista Melare i go wok aninit long Intanesenol Fainens seksen olsem wanpela Telegrap Trefik Kompaila. Taim PTC i bin



• Antap: Meri bilong Sarea sindaun long raithan wantaim ol bikpela pikinini na tumbuna bilong em. Ol i kamap long bung long lukim man, papa na tumbun bilong ol, Sarea i kisim presen. Raithan: Sarea Melare (rait han) i kisim presen i kam long ol wanwok bilong em.

kamap long 1982, Mista Melare i Intanesenol Riilesens Dipatmen muv i go long dispela wok em i inap nau. stap long em wantaim Telikom Mista Melare i save lukautim ol

telegrap. Em i save lukautim ol telegrap we i save go aut. Wok bilong em long kauntim ol wod long ol telegrap na makim hamas mani tru dispela i kos.

Long dispela taim Mista Melare i bin stap wok wantaim Telikom, em i bin stap olsem wanpela gutpela wokman we em i bin wok bung wantaim gut wantaim ol wanwok bilong em.


Mista Kamblijambi wantaim Mista Basiou i tok Mista Melare i soim gutpela pasin tru. Long gutpela stretpela pasin long wok bilong em. Dispela pasin i wokim planti ol wanwok bilong em i save gut long em. Na em i wokim planti gutpela wok taim em i stap.

PTC na Telikom i luksave long dispela ol gutpela wok bilong em taim em i develop namel long dispela 31 yia taim em i bin stat wok.



## BIRUA MAN

### MAN LONG GIVIM BIRUA LONG OL RASKAL



# REKKS BEN - FINNSAFEN

## Reks go pinis long pilai long Japan

... sampela singsing bilong ol bai kamap long tokples Japanis



● Ol boi Reks. Sanap long lephan igo long rait em; Tua menesa Theodore Zurenuoc, Caspar Kumbu, Don Avini na Bongas Gango.

**W**ANPELA top lokal rok ben bilong Finsafen eria long Morobe provins, Reks ben i lusim pinis kantri long Trinde, Oktoba 18 long go pilai long kantri Japan.

Ol bai pilai laiv long tupela bikpela siti long hap em long Osaka na Kobe.

Tripela memba bilong Reks ben, Bongas Gango, Caspar Kumbu na Don Avini wantaim menesa bilong ol Theodore Zurenuoc, bai stap tupela wik olgeta long Japan.

Tripela narapela man husat bai i go olsem ol teknikal musikman long helpim Reks ben taim ol i pilai em menesing dairekta bilong Pacific Gold Studios, Greg Seeto na tupela enjinia bilong em Patti Doi na John Wong.

Mista Seeto bai i stap olsem teknikel menesa bilong ben taim ol i pilai long Japan.

Mista Wong na Mista Doi em ol saveman bilong musik na bung wantaim bilong na ol lain boi bilong Reks ben i go long Japan bai mekim musik bilong ol i kamap gutpela tru.

Dispela raun bilong Reks ben i bin kamap bihain long wanpela singaut i kam long wanpela grup long Kobe long Japan ol i kolim Faundesin bilong Pis, Helt na Human Developmen (FPHHD).

Dispela ol lain i save givim planti ol wok helpim i go long ol kantri long ted-wol olsem ol liklik kantri long Asia, Pasifik na Afrika.

Long samting olsem 1993 dispela ol lain FPHHD i bin helpim

### JAMES KILA i raitim

long bringim wanpela ben bilong Fiji i go long Filipins.

Nem bilong Reks ben i bin kamap namba wan taim tru taim wanpela Japanis wokman husat i bin kam wok long Morobe i bin sindaun toktok wantaim wanpela opisa bilong Luteran Sios Sosal Konsen opis. Dispela ol stori bilong opisa bilong Luteran Sosal Konsen, Nea Noreve i winim tru lewa bilong dispela Japanis voluntia olsem na taim em i go bek long kantri bilong em, wantu tru em i stretim ol samting na redim rot bilong Reks ben long go long Japan.

Wanpela man husat i wok hat long stretim ol pepa wok long bringim Reks ben i go long Japan tu em menesing dairekta bilong Pacific Gold Studio, Greg Seeto. Ol Reks ben bai pilai long tripela konsent long Osaka na tripela long Kobe. Long Osaka ol bai pilai long wanpela tumbuna festival na tu pilai long ol sampela lain PNG komiyuniti long hap long lukim.

Long Mande taim Wantok Niuspepa i toktok long ol, olgeta memba bilong ben i amamas na i tok dispela raun bilong ol i go long Japan bai i bringim ap nem bilong Morobe pipel long hap bilong Finschhafen na tu olgeta pipel bilong PNG.

Ol i tok tu olsem dispela raun bilong ol tu helpim long bringim ap nem bilong PNG musik i go aut long ol narapela kantri. Wanpela

memba bilong ben Bongas i tok dispela em i namba wan taim bilong ol long pilai long fran bilong ol pipel bilong narapela kantri na ol i amamas stret.

Ol Reks ben bai i singsing sampela ol gutpela song bilong we i strong yet long. Ol song ol bai i singim em *Swit Finsch, Kantri blong yumi, Sengugeto, Kofolain, Ekabaka na Kobe taun*. Dispela song Kobe taun em i bihainim wankain nek olsem dispela singsing bilong ol lain Barike ben taim ol i singim Rabaul taun.

Ol enjinia bilong Pasifik Gold Studio, John Wong na Patti Doi i stretim ol stail bilong musik long mekim kaset i kamap gutpela tru. Ol bai singim tu wanpela singsing long tokples Japan ol i kolim Sukiaki. Ol foapela tumbuna singsing ol bai singim long Japan em Kondo kondo, Eremponge, Borogia Quecwe na Jamu Sia.

Tupela singsing ya Kondo Kondo na Eremponge em long lain singsing bilong Finschhafen eria ol i kolim Kukuba na narapela tupela Borogia Quecwe na Jamu sia i kam aninit long Bulusia.

Long ol dispela foapela tumbuna singsing ol lain Reks ben bai i paitim kundu na bihainim pairap bilong musik bilong waitman. Stori bilong Reks ben na musik bilong ol i bin stat long 1982 long liklik taun bilong Finshafen ol i kolim Gagidu.

Long dispela taim Bongas, Caspar, Don na ol sampela boi long hap i save pilai raun long ol pati long ol ples klostu long

Gagidu na ol narapela ples insait long Morobe provins.

Dispela ol lain bilong Reks ben i no bin go long bikpela skul bilong musik, nogat.

Olgeta i save stap long ples tasol ol save bilong ol long raitim ol singsing i bikpela tru olsem na ol i strong long go het yet long mekim nem bilong ol i kamap bikpela long kantri.

Bihain taim ol i lukim olsem pawa bilong ol i go strong nau, ol go autsait long provins long pilai long ol ples long hailans na tu long hap bilong Madang.

Long 1989 Reks ben i bin katim namba wan kaset bilong wantaim Pasifik Gold Studio long Rabaul.

Dispela kaset tu i bin gat kik na planti manmeri i laikim.

Bihain long dispela kaset ol Reks ben i go bek long sampela yia bihain long katim narapela kaset bilong ol *Gae Mimingne*.

Bihain long dispela ol i gobek na katim narapela gen *Gae Mimingne II*.

Dispela kaset i gat wanpela top song bilong kantri i stap long en *Sengugeto*.

Ol dispela yangpela bilong Finsch i slek bihain long 1992 ol i go bek na katim gen dispela top kaset bilong ol *Swit Finsch*.

Dispela singsing bilong ol i winim tru lewa bilong planti yangpela na tu long dispela yia yet song ya i bin kamap namba wan long PNG Top 40 program long Redio Kalang.

# Tupela brata dai long mumu



pela gaden kaikai i redi gut stret. Em kisim ol na putim long bilum. Bihain em go bek long ples na stat long rausim skin bilong ol banana na kukim ston i stap.

Liklik brata i stap yet long bikbus na sekim ol trep i stap. I no longtaim em i kamap long wanpela trep na lukim narapela kain samting stret. Nogat kapul i hangamap long trep. Em i lukim wanpela lapun meri i gat longpela tit i kisim ples bilong kapul i stap.

Em lusim olgeta spia wantaim bunara na ranawe i go bek long ples. Em sotwin wantaim na kamap long fran banis dua bilong hauslain bilong tupela. Tasol abrus em pamim het bilong em long pos bilong banis na pundaun indai.

Sem taim bikpela brata i goapim wanpela diwai em ol save yusim lip long wokim mumu. Em kisim lip i stap na harim nais long fran bilong banis raunim hauslain. Em ting liklik brata i kamap pinis na laikim helpim long karim sampela kapul.

Em laik sisti i go daun long diwai ya tasol em



popaia na pundaun i go daun antap long bikpela paia, em kukim ol hot ston long en. Man paia i mekimsave long em na em tanim tanim i go na indai.

Sem taim em smok bilong paia tu i kamap bikpela stret na go antap stret long skai. Kandre bilong tupela i stap long narapela hauslain longwe i lukim

smok bilong paia, na ting tupela brata i mas wokim mumu long pik. Kwiktaim em kisim ol samting na wokabaut i go long lukim tupela brata.

Em kamap na lukim bel bilong bikpela brata tasol i wok long paia i stap insait long mumu ston. Em ting em bel bilong pik. Em singautim tupela brata, tasol em i no harim wanpela bekim.

Bihain em sekim fran dua bilong banis raunim haus lain na lukim bodi bilong liklik brata. Em go insait gen na lukim bel na kisim tingting pinis. Em krai nogut tru long tupela kandre bilong em. Na rausim bel bilong bikpela brata long paia, na planim wantaim bodi bilong liklik brata long sem hap.

Bihain em go bek long hauslain bilong em na wokim bikpela sore pati.

Tude nogat manmeri save stap long hap em tupela brata bin stap na painim indai.

Em tasol stori bilong mi.

Mescy Blue  
Kumin Village  
MENDI



■ Kanage em i wanpela boi bilong so op stret. Em i no save skul o wok. Wanpela de em sindaun long haus i go na pilim hangre nogut tru. Wanpela tingting kisim em na em wokabaut i go long bikpela haus kaikai bilong ol nes meri long 3 mail haus sik, Mosbi.

Em wokabaut i go insait long haus kaikai na lukim ol kukboi wokhat i stap. Ol kukboi save long Kanage. Olsem na Kanage giaman tokpilai wantaim ol i go na stilim sampela sosis. Em putim i go daun long fran bilong trausis na giaman stori nabaut na wokabaut i go ausait.

Em wokabaut long rot i go bek long haus na lukim wanpela yangpela nes meri bilong Papua pinis wok na i kam. Em kisim wanpela tingting nau. Taim nes meri smail long Kanage, kwiktaim Kanage putim han i go insait long trausis na kamautim wanpela sosis. Em katim long naip. Hap sosis pundaun long rot, na hap em putim long maus na kaikai. Nes meri ya i lukim olsem fein o kalap nogut na pundaun hap indai.

Kanage smail isi tasol na wokabaut i go. Long rot em bungim wanwan nes meri wokabaut i kam na em mekim wankain pasin tasol long ol stil sosis ya. Olgeta nes meri em bungim long rot i fein na pundaun slip long rot i stap.

Em mekim i go na kamap klostu long haus bilong em. Dispela taim em wanpela nes meri bilong Tolai i kam. Meri ya tok halo long Kanage na givim gutpela smail stret. Kwiktaim Kanage putim han i go daun long trausis na pulim wanpela sosis i kam aut, em katim long naip na tromoi hap long maus. Hap sosis pundaun i go daun long rot.

Tasol abrus long meri i fein, Kanage yet i fein. Em pundaun slip long rot na krai krai i stap.

Samting tru em Kanage i no save olsem ol sosis em i stilim na haitim insait long trausis i pinis. Na em kamautim na katim stret poroman bilong em. Jada Wilson  
MOSBI

□ Kanage i gat naispela kum katim pikinini meri stret long ples. Planti yangpela man long ples i save bagarap stret long maritim dispela meri. Orait wanpela de, Kanage paitim belo na bungim olgeta manmeri ausait long haus bilong em, "Sapos yu husat man i laik maritim pikinini meri bilong mi, bai yu mas bringim wanpela kau i kam long haus bilong mi. Harim gut. Yu noken bringim kau man. Yu noken bringim kau meri. Yu mas bringim wanpela kau nating!"

Olgeta yangpela man harim dispela toksave bilong Kanage na ol pasim maus. Ol i no save long wanem kain kau stret ol bai bringim. Tasol wanpela liklik grille das mangi sanap long kona na bekim tok bilong Kanage, "Yes, mi gat dispela kau yu tok long en, na harim gut! Sapos yu laik kam na kisim dispela kau, yu noken kam long san, yu noken kam long nait, bai yu mas kam long wanpela de nating!"

Alfred Tomi  
DAL  
Saramandi

■ Long 1994 krismas skul holid, Kanage go spenim skul holid long Langa sait Poinbruk long Sepik Wara, klostu long Angoram taun. Wanpela wik i go pinis na Nu Yia i kam. Orait Kanage yusim wanpela telipon na ring i go long Rabaul long pasim helo na Nu Yia Gittings long gelpren bilong em. Gelpren i tok pat taim long Kulau Lodge Hotel.

Telipon i ring na wanpela meri i ansarim, "Hallow, can I help you?" Na Kanage i bekim, "Yes Thank You. Can I spak tu Judit?" Na meri i bekim long Tok Pisin, "Sore Judit bai wok long 8 to 12 long nait." Kanage harim olsem na tokim meri ya, "Em i orait. Tasol plis susa bilong mi. Pasim switpela gritings wantaim gutpela regards bilong mi, stat long het bilong em i go daun long nek, kamap long brot na wokabaut isi isi namel long tupela maunten paia, na wel nating i go daun kamap long namel na kisim switpela na longpela malolo stret, bihain slek nating go daun long tupela lek na lus kam bek long PS kantri."

Tai  
PS Kantri

## Meri kros tumas na man raun wantaim nupela meri



Dia LAIPLAIN,

Mi save lukautim meri na pikinini bilong mi gut tru. Tasol meri em i no gutpela meri. Em save kros wantaim mi. Na i no save mekim ol samting mi tokim em long mekim.

Olsem na mi stat raun wantaim wanpela meri nau. Meri ya save laikim mi stret. Mi save amamas taim mi raun wantaim dispela meri. Tasol meri tru bilong mi save mekim mi kros na wari.

Bai mi mekim wanem long stretim dispela wari wantaim meri bilong mi?

MIXED UP

Dia PREN,

Sapos yu laik stretim hevi namel long yu yet na meri bilong yu, yu mas mekim dispela. Sapos yu bringim narapela meri i kam insait long

laip bilong yu, dispela i no inap long streyim hevi ya. Dispela ating bai bringim moa hevi long bihain taim.

Yu tok yu save amamas taim yu stap wantaim prenmeri.

Tasol yu mas save olsem em i isi long wanpela prenmeri i luk nais, harim tok na mekim gutpela pasin long yu. Na maritmeri bilong yu, em bai narakain.

Meri yu maritim bai stap wantaim yu oltaim, lukautim yu, lukautim haus bilong yu, bebi bilong yu na gaden bilong yu. Prenmeri bilong yu i nogat ol dispela wok bilong mekim. Sapos em i gat ol kain wok bilong mekim, ating em bai kros wantaim yu tu.

Taim yu tok meri no save mekim ol samting yu laikim em long mekim, mipela i no save long wanem kain wok tru yu laik

em long mekim. Bikos em meri bilong yu, em i no leba bilong yu. Yu noken ting meri bai mekim olgeta samting na i no inap long bekim askim bilong yu.

Bilong wanem na meri i kros wantaim yu? Yutupela save kros long wanem samting? Yu save harim tu ol toktok bilong meri bilong yu?

Inap yu traim luksave long we o pasin meri bilong yu save mekim? Inap long yutupela i tktok wantaim long dispela?

Sapos yu no amamas long em, ating em tu i no amamas long maritim bilong yutupela. Olsem na

meri bai laik toktok wantaim yu tu long dispela.

Planti hevi bilong maritim i ken stret sapos man na meri i sindaun gut na toktok isi. Pasin bilong toktok strong na bikmaus i no inap long stretim wanpela samting.


Na tu pasin bilong ranawe na raun wantaim narapela meri i no inap long stretim hevi.

Ating yu ken toktok tu wantaim ol bikman meri, husat i famili bilong yu o bilong meri. Na askim long helpim ol gutpela skul bilong ol.



LAIPLAIN

### TOKSAVE:

Sapos yu gat hevi, rait i kam long LAIPLAIN, Box 6047, Boroko, o ring long telipon namba 326-0011. Taim yu rait long mipela, plis putim nem na adres bilong yu. Mipela i no inap bekim pas sapos yu no putim trupela nem na adres bilong yu. Ol trupela hevi em mipela bai tokaut long dispela spes long niuspepa. Tasol mipela i no inap tokaut long nem na adres bilong yu.



# Big Bro **REBO**

# Spak **MAIK**



COLO

# Praim Minista i mas risain nau

## Dia Edita,

Long tingting na lukluk bilong mi, mi ting i moabeta long Praim Minista bilong kantri Sir Julius Chan i risain nau. Bikos em i bagarapim gutpela sindaun bilong kantri.

Planti taim gavman i senis, em tasol i save lukautim mani bilong PNG i stap. Bikos em tasol i save kamap Fainens minista na dispela asua i bin stap long dipatmen bilong em long bipo yet.

Nau taim Sir Julius i kamap Praim Minista ol hevi i kamap long ples klia. Na olsem PNG gavman nau i mas bekim mani bilong Wol Beng. Hevi i stap yet na PNG gavman i wok long dinaum samting olsem K50 milien long Wol Beng.

Mi askim tupela bikman long kantri, em long Praim Minista na Deputi bilong em long noken salim kantri. Sapos yutupela ino inap long ranim kantri, orait, lusim dispela wok long

han bilong papa stret bilong kantri Sir Michael Somare.

Bipo long yupela i salim kantri, mekim samting long helpim yumi yet ol pipel. Mi askim yupela ol pipel bilong Namatanai long noken givim namba long Sir Julius long 1997 nesenele ileksen. Bikos olsem mi tok pinis, em i bagarapim kantri PNG.

Sapos mi bagarapim yu husat i sapota bilong Praim Minista Sir Julius mi sori tru. Tasol mi save olsem mi toktok long hevi bilong mipela olgeta we kantri i wok long bungim. Na olgeta hevi i mas go antap long husat i go pas long dispela kantri. Yumi bilip long ol na makim ol, tasol ol i no gat rispek long dispela bilip na sapot yumi i bin givim long ol. Na ol i laik go moa long save bilong ol yet na ting ol i lida wantaim bikpela save.

**Arex Yuwete  
Goroksa  
Isten Hailans.**

# Ol tisa meri paulim maritman

## Dia Edita,

Mi laik autim komplem bilong mi long sampela ol yangpela meri tisa long Wes Nu Briten provins.

Long lukluk bilong mi i luk olsem yu husat yangpela meri tisa i raun wantaim ol maritman i westim taim bilong yupela tasol.

Yupela ol dispela lain i wokim kain pasin ya i mas sem na pinis long wokim dispela pasin. Yupela i gat gutpela sans long maritim ol gutpela singel man olsem yupela yet.

Yu husat yangpela meri tisa i wok long raun wantaim marit

man i mas save olsem yu bringim hevi long marit na famili bilong man. Sapos yu wanpela tisa soim gutpela piksa olsem ol tisa tru tru.

Sapos nogat, mi tokim yu olsem het bilong yu imas pulap long wanem samting nau ya. Na maski long skulim ol pikinini.

Nogat yu skulim ol pikinini long kain paul pasin bilong yu na em i no gutpela.

Mi askim edukesen bot long lukluk gut na rausim ol yangpela meri olsem husat i wokim pamuk

na paul pasin i go insait long skul.

Narapela samting tu em maski long baim bia na detim ol man long kam na stori wantaim yupela. Planti singel man i stap na save i stap long yu long askim ol.

Em tasol komplem bilong mi na husat i laik bekim o sapotim em welkam tasol long rait na mi i ken lukim.

**B. Maino  
Kimbe**

# Stapim laki kas long kantri

## Dia Edita,

Mi laik komplem long ol manmeri husat i save pilai kas insait long komyniti na ples long hailans.

Mi save lukim olsem long taim bilong kofi sisen, ol manmeri bilong ol provins we i planim kofi ino isi long brukim baksait long pilai kas. Bikpela samting em ol ino tingting long

ronim gut bisnis na divelopim ples, komyniti na provins bilong ol.

Wanem samting ol i bringim em trabel bagarap, hangre long famili bikos ol i tromoi bikpela mani bilong ol long pilai laki long kas.

Na ol ino tingim ol pikinini na famili husat planti taim i stap wantaim hangre na nogat gutpela samting long

stretim sindaun bilong ol.

Mi laikim ol nesenele memba long wokim samting na stapim ol fektori we i save wokim ol kas. O sapos nogat, long stapim ol lain long kantri husat i save odarim ol kas i kam long PNG.

Mi bilip kas i kamapim planti hevi pinis long sindaun

bilong ol famili na komyniti olgeta.

Kas i kamapim planti bikhet pasin na pusim bel bilong ol manmeri long go het long mekim ol doti samting.

Em tasol komplem bilong mi na husat i laik sapot em welkam tasol.

**Louis Ameri  
Lufa**

## Musik grup bilong Finsafen mas lusim Mosbi

### Dia Edita,

Mi kisim maus bilong ol manmeri bilong Finsafen distrik long Morobe provins long putim dispela komplem long Wantok Niuspepa.

Mipela long Fins i gat bikpela bel hevi long ol manki bilong Sohang husat mipela i harim olsem ol i bin go katim kaset long Chin H Meen studio long Mosbi.

Nius we mipela i harim ino amamas em ol bin laik pusim ol enjinia bilong studio long katim kaset bilong ol. Wantaim dispela na sampela long ol arapela samting we yupela i wokim olsem ol bus kanaka bilong ples, yupela i semim mipela tru bikos yupela i bagarapim nem Wareo na Finshafen.

Tingim Finshafen em i biknem ples we i save pilaim ol PNG reggae musik na dispela kain we yupela i

wokim i bagarapim tru gutpela nem Fins i gat long sait bilong musik.

No ken ting em studio bilong yupela tasol long mekim wanem samting yupela i laik mekim. Planti musik manmeri bilong Papua Niugini tu i gat nem i stap long lista bilong studio long kam katim kaset bilong ol. Olsem na no ken westim taim bilong ol arapela manmeri long dispela bikhet pasin bilong yupela.

Kisim piksa bilong Reks Ben na arapela Finsafen ben we ol i save go isi tasol na katim kaset bilong ol bihainim wanem taim studio i makim long ol. Ol i no save pusim ol enjinia.

Ating i moabeta long yupela i lusim Mosbi na kam bek long ples.

**Mark Em  
Finsafen  
Morobe provirs.**

## PAINIM WANTOK

### Dia Edita,

Mi wanpela sumatin bilong Vanimo Provinsal Hai skul long Sandaun provins husat i laik painim brata bilong mi na mi rait i kam long Wantok Niuspepa bilong helpim mi.

Nem bilong brata mi painim em Aser Luke Saki. Em i bilong ples Waramuiyu insait long Bewani, Imonda distrik.

Em bin stap long kalabus long Wewak tasol taim em i kamaut mipela i no save em i go we.

Mi liklik brata bilong Aser na olsem mi wok long painim em. Mi bin liklik manki yet na em lusim mi. Husat manmeri i gat save long stap bilong man ya na wanem hap em i stap long em, plis salim pas i kam long mi long dispela edres.

Nethen Andrew, Vanimo High School, P. O. Box 122, Vanimo, Sandaun province.

**Nathen Andrew  
Sandaun.**

## Gavman givim beksait long ol woda

### Dia Edita,

Mi wanpela manki woda bilong Bomana na mi laik autim tingting bilong mi long hevi bilong ol wok manmeri bilong haus kalabus.

Mi laik askim sampela kwesten we i sut long CIS na ol wokman long gavman bilong nau i ken lukluk gut long en.

• Watpo na mipela ol woda i sot long yunifom?

• Watpo na taim ol nupela woda i nogat haus bilong slip long em na wok? Inap gavman i painim haus bilong ol long slip na go long wok.

• Inap gavman i lukluk gut long wantok sistem pasin i stap long CIS.

Dispela em sampela long ol hevi i stap na ol woda i no wok gut na ol kalabus lain i save ranawe.

Ol wokman bilong CIS i no save mekim gut wok bilong ol bikos long dispela hevi ol i gat long wok bilong ol. Gavman i no save tingim ol woda tumas long stretim hevi bilong ol.

Dispela kain pasin tasol na ol woda i slek long mekim wok na ol kalabusman i wok long ranawe. Ol woda i no laik westim taim bilong ol long ronim ol kalabusman bikos ol i no gat inap sapot bilong mekim dispela. Olsem na ol i larim long han bilong ol plisman long ronim ol na kisim ol i kam bek long kalabus.

Em tasol komplem bilong mi na husat arapela i laik bekim em laik tasol

**Joe Bol  
Bomana  
NCD.**

## NBC na FM i mas putim moa program

### Dia Edita

Mi laik autim wari bilong mi i go long pablik bai olgeta i lukim. Wari bilong mi i go olsem: Mi no amamas long ol NBC Niusrum we ol i wok long stapim wok brotkas long ol moning.

Tingting bilong mi i olsem sapos ol i no nap long wokim wok brotkas orait em i gutpela ol i mas kisim tu awa moa na pinis wok long 12 kilok long nait. Ten kilok i no moa gutpela.

Mi wari bikos sampela hap i no save kisim klia FM o Nau FM. Na mi laik putim toktok i go long pablik olsem inap bai ol SW o ol lokol Provinsal NBC i putim trens-mita bilong FM o Nau FM bilong mipela long harim.

Bikos dispela sevis bilong yupela i no save kamap klia gut na yupela i katim daun sampela awa bilong ol program.

Tasol redio em bikpela samting bilong olgeta manmeri long PNG long harim na save long ol senis na nius i wok long kamap. Olsem na no ken larim ol pipel i kisim taim long wanem kain hevi yupela i gat o i laik kamapim. Tingim ol pipel olsem namba wan kastoma bilong yupela long kism sevis bilong yupela long olgeta de.

Em tasol na tenkyu long givim spes long autim wari blong mi.

**Frank Aiyu  
K92 Arona Veli  
Apomaka**

## Stapim ol bikhet pasin long Kimbe

### Dia Edita

Kimbe em i wanpela naispela taun bilong yumi olgeta sitisen bilong Papua Niugini. Tasol mi save bel hevi na kros long tupela lain we ol taim i save traim long bagarapim Kimbe taun na provins wantaim.

Dispela tupela lain grup em Enga na Sinasina pipel. Olgeta dispela lain manmeri ol i nogat wok o bisnis long dispela provins. Kimbe taun i pulap tru long dispela tupela lain grup man na meri. Ol i nogat bisnis olsem wel pam blok o kopra na Kaokao. Na tu ol i no mekim wanpela wok long kampani o gavman, nogat tru.

Olgeta liklik hap kona bilong Kimbe taun em pulap tru long ol Enga na ol Sinesine manmeri. Ol dispela lain manmeri i stap long kamapim kainkain trabol na pasin nogut. mi laik tokaut long sampela pasin nogut we dispela ol manmeri i save wokim bai yumi olgeta manmeri bilong Wes Nu Briten i ken save.

Dispela ol pasin em ol pasin olsem pasin pamuk, pilai bingo, laki kat, salim buai, drink bia, spet buai na tromoi pipia nobaut.

Dispela ol kain pasin noagut i wok long kamap bikpela nau long Kimbe taun. Ol asples manmeri na ol arapela lain pipel em nogat.

Em tupela lain grup hia tasol i save bagarapim Kimbe taun.

Mi laik askim ol arapela gutpela manmeri blong Wes Bu Briten olsem: Yumi noken joinim dispela ol manmeri long dispela ol rabis pasin bilong ol.

Bikpela maket long Kimbe em ol SineSine manmeri manmeri mekim save pilai Bingo inap 24 hawa, kaikai buai na spet nobaut na bagarapim olgeta maket ples. Long taun em Enga man pilai laki kat o tiket.

Na ol meri Enga salim Buai na daka na kaikai na spet nobaut long taun. Maski taun atoriti i tambu long dispela samting, ol i bai sakim, ok na wok yet olsem graun na provins bilong ol.

Na nait nau bai ol man i salim ol meri bilong ol na yangpela meri long kisim mani blong bia na kaikai.

Dispela em trupela samting we i wok long Kimbe taun. Olsem na mi askim olgeta asples manmeri na gavman bilong provins long painim sampela rot bilong stretim dispela rabis pasin na rausim ol i go bek long provins bilong ol yet.

Em tasol komplem bilong mi na husat arapela i laik skruim moa tingting antap em laik tasol.

**Nike Gend  
Kimbe  
Wes Nu Briten Provins.**

## TOKSAVE:

Salim OL PAS bilong yu long dispela adres: EDITA. WANTOK NIUSPEPA. P.O. BOX 1982, BOROKO, NCD. Salim i kam wantaim trupela nem bilong yu na sapos yu no putim trupela nem bilong yu mipela bai i no inap long putim PAS bilong.

# Sekim bilum long stua i ken ronim kastoma

**Dia Edita**  
Mi wanpela meri husat i laik sapatim pas bilong Brata Amos Tariok bin kamap long Wantok niuspepa olsem ol sekyuriti bilong stoa i save sekim bek na bilum bilong ol manmeri taim ol i go insait.  
Mi ken tok stret olsem tok bilong brata i trupela. Long wanem i no gutpela tumas long ol sekyuriti i sekim bilum na bek taim ol bikpela man na meri bilong ples na taun i go insait. Na

mi yet tu mi no save amamas long kain pasin olsem.  
Ol sekyuriti bilong stoa, sapos yupela i laik sekim samting bilong ol man, yupela i mas lukluk gut long husat i gat nem long pasin stil orait yu ken sekim samting bilong em. Na maski long sekim sekim bek na bilum bilong sampela ol gutpela man na meri nating.  
Bikos sapos yu mekim olsem, tu, yu inap long ronim ol kastoma i go long narapela stua na ol i no

inap kam bek moa long dispela stua bilong yu.  
Mipela i save olsem sapos bos bilong yupela i save long dispela pasin na wanem samting inap kamap long bisnis bilong em, bai bel bilong em i kros nogut.  
Olsem na yupela ol sekyuriti i mas tingting gut taim yupela i laik sekim bilum na hanbek bilong ol manmeri i go long stua. Em tasol long liklik tingting bilong mi.  
**Cicilia Besh**  
**Finsafen**

## Pasin bilong spak na bikhet kamap bikpela

**Dia Edita**  
Mi wanpela boi i stap long Warames haus lain long Jimi Distrik. Mi laik autim wari bilong mi i go long husat i stap insait long Papua Niugini: Wari bilong mi i go olsem. Insait long Warames Viles, ol manki i no save harim tok liklik. Ol manki i no save isi long pulim spakbrus o Mariwana na ol i save stil tumas na bagarapim ples.  
Na taim bilong slip long nait, ol i save bikmaus na bagarapim ol samting.  
Olsem na mi gat bikpela wari tru long dispela kain pasin bilong bagarapim ples. Olsem na gavman i mas wokim sampela samting long stapim dispela kain smok insait long PNG. Ating ol man insait long gavman i save smok tu na ol i no save

kalabusim arapela wantok bilong ol. Dispela pasin i kamap bikpela na ol arapela i no pret long pulim olsem smok. Ol i go het olsem i no gat lo i tambuim dispela kain pasin bilong kisim spak brus.  
Mi askim ol manmeri bilong komyuniti tu long wok klostu wantaim gavman long givim ripot i go long ol plisman long kain pasin olsem.  
Sapos yumi ol manmeri long komyuniti i pasim maus na lukluk tasol bai dispela hevi inap kamap bikpela moa na bagarapim laip na sindaun bilong yumi long komyuniti.  
Em tasol na sapos wanpela brata o susa i laik sapatim mi, orait myu welkam tasol long sapatim mi.  
**Alphones Yangule Anda**  
**Tabibuga, Jimi Distrik**

## Arapela Simbu pipel bagarapim gutpela nem

**Dia Edita**  
Mi laik sapatim toktok bilong Brata Wagie Takai long komplem bilong meri Simbu.  
Em i bin raitim kamap long Wantok Nius long Septemba 7. Komplem bilong brata ya i go olsem "Planti meri Simbu i pulap long Lae siti na save sekim poket bilong ol wait gras man tumas. Em i tru tumas olsem tukina pasin i wok long bagarapim nem bilong ol gutpela Simbu manmeri long asples Simbu. Mi save lukim long olgeta klap insait long Lae siti, i no ol meri Simbu tasol nogat olgeta meri bilong hailens i save drink spak na wokim pasin pamuk. Dispela kain pasin i save bagarapim gutnem bilong ol gutpela Simbu manmeri long as ples bilong Simbu.  
Mi wanpela meri Morobe mi stap long Lae siti na mi raitim dispela pas sapatim toktok blong yu, brata Wagie. Em tasol.  
**Joan Kemi Sau**  
**Lae**

# Aitape na Lumi olsem misin stesin

**Dia Edita**  
Mi laik sapatim pas bilong brata Toni Weix. Pas bilong em i bin kamap long Wantok niuspepa long namba 14 dei bilong mun septemba.  
Pas bilong brata ya i toktok long bus i karamapim Lumi Aitape. Yes brata mi wanpela manki Sindaun tasol nau mi stap long Sepik.  
Mi no amamas long memba bilong Aitape Lumi. Em i go

stap we. Em i no opim ai nas lukluk long tupela distrik em Aitape na Lumi i kamap olsem wanpela misin stesin.  
Dispela tupela provins i nogat papa long lukluk na lukautim o developim provins. Na ol narapela provins tasol i save kisim gavman sevis. Dispela ol provins olsem Manus, Kavieng na Lae. Dispela ol provins i gat gavman sevis na i luk klin.

Em bikos memba bilong ol i kraik long sevisim ol na memba bilong Aitape na Lumi i slip na i i no lukluk long provins bilong em.  
Na tu mi no save harim maus bilong memba bilong Aitape Lumi long Redio o Niuspepa.  
Askim bilong mi i go long ol pipel bilong Aitape long opim ai bilong yupela. Na, lukluk gut long 1997 ileksen i kam na,

givim vot long husat yu laikim em.  
Na noken harim gris bilong wanem man givim yu K100, K50 o K20 na yu givim nem na votim em. Yupela lukluk gut long wanem man yu laik vot long em.  
Em tasol mi sapatim pas bilong brata ya long Aitape Lumi.  
**Andrew s. Jaya**  
**Wiwek**

## Mul Baiyer rot bagarap olgeta

**Dia Edita**  
Mi laik komplem olsem nesenal memba bilong Mul/Baiyer, i no bin lukluk long rot insait long ilektrol bilong em. Olgeta rot long narapela provins, liklik na bikpela i gat gutpela kolta. Tasol Baiyer rot tasol i nogat. Ol pipel bilong Mul na Baiyer i gat memba bilong ol i stap o nogat? Insait long Baiyer distrik, i gat Baiyer stesen, i gat Baiyer Zoo, i gat Baiyer Distrik hospital, igat hai skul na i gat ol narapela liklik bisnis olsem tred stoa na kopi plentesen.  
Ol dispela samting i stap long Baiyer tasol i no gat wanpela senis i kamap long rot bilong mipela bip[0] tru i kam inap nau. Olsem na mi putim dispela komplem i go long nesenol memba bilong Mul/Baiyer mas toktok strong long palamen na putim kolta long Baiyer rot.  
Nau rot i bagarap na ol PMV draiva ol i save lusim ol manmeri long rot na ol i save kisim taim long wokabaut i go long haus bilong ol. Olsem na sapos yu tru memba bilong mipela, yu mas toktok strong na putim kolta long Baiyer rot.  
**Jeffrey Pundu**  
**Baiyer riva, WHP**

## Moa tok egensim Kanage tok pilai

**Dia Edita**  
Mi wanpela grasruts manki long ples long hailans tasol nau mi stap long Kimbe. Mi laik sapatim pas bilong susa Diana Mirio i bin kamap long wantok niuspepa long 7/9/95.  
Dispela pas i toktok long ol man husait i save yusim sampela kain deti stori o tok pilai nogut. Dispela em i tru iong wanem mipela i les pinis long ritim stori bilong Kanage. Bikos em i nogut olgeta.  
Fani stori bilong Kanage long bipo i orait tasol nau em nogut tru. So mi laik tok olsem sapos yu husait laik raitim stori bilong Kanage mas tingting skelim gut wanem stori yu ting olsem i gutpela long ol man i lukim na ritim.  
Em nau yu ken raitim na salim i go long Wantok niuspepa. Sapos yu ting olsem em nogut orait plis traim na noken salim nating ol pas o stori bilong Kanage i go long Wantok niuspepa.  
Em tasol liklik toktok long sapatim pas bilong Dianna Mirio.  
**Joe Kondo**  
**Dimbinmuno**  
**Kundiawa.**



• Ol man i save planim ol spak brus long hap bilong planim ol kumu.

# Ol meri Enga kilim man bilong ol

**Dia Edita**  
Mi wanpela mangi bilong Anji ples long Wapenamanda Distrik insait long Enga Provins.  
Mi laik autim wanpela wari bilong mi long pasin mi bin lukim long provins bilong mi yet. Long Enga planti meri i bin kilim man bilong ol long poisen kemikol.  
Dispela ol pasin yupela ol meri Enga i wokim i no gutpela tru.

Yupela mas lusim hariap tru. Nogut yupela ol Enga meri lainim ol narapela meri na ol bai kilim ol man bilong ol tu.  
Olsem na plis traim na stapim dispela pasin bilong kilim man. Wai na yupela go maritim ol man na paitim o kilim ol gen, long kain kemikol olsem.  
Ating yupela ol meri i birua long mipela ol man. Plis mi tok

gen, traim na stapim dispela pasin bilong kilim man noagat as.  
Em tasol wari bilong mi na husait arapela i laik sapatim mi o bekim pas bilong mi em laik tasol.  
**Nenain Christopher Yupela,**  
**Anji vills, Wapenamanda.**  
**Wabag.**

## Song bilong Alopops brukim lewa

**Dia Edita**  
Mi laik tok tenkyu long Alopops na sori olsem mi no apim nem bilong dispela ben Alopops.  
Tasol mi laik tok olsem wanpela singsing ol i save singsing i save brukim lewa bilong mi stret.  
Singsing ya em long tokples bilong mi long Samarai long Alotau stret. Sapos yu husat yu go long Alotau na askim wanpela long mining bilong dispela singsing, em bai tokim yu stret. Singsing ya em (Libelibe).  
Em i min olsem mama indai pinis na papa i lusim yu na ol lain bilong papa o mama i no lukautim yu gut. Na yu wok long stap nobaut, nobaut olsem dok, nogat man long stretim sindaun bilong yu.  
Long tokples bilong Samarai em Libe libe. Na long Inglis em, No back ground Vagabound.  
Sori mi olsem mama bilong mi i dai pinis na papa lusim mi wantaim brata na susa. Na nau mi stap long Wewak Is sepik provins.  
Mi bilong Alotau, liklik asples Gidagida long Gurney ples balus.  
Em tasol na yu husat save welkam tasol.  
**Peter Bobby**  
**Kedz Triab**  
**Wiwek**

## I KAM LONG LAS WIK

WOK misin i bin kirap 100 yia i go pinis long bikples Niugini wantaim hatwok bilong Pater Arnold Janssen na Eberhard Limbrock.

LONG ailan Tumleo, ol meri i save wokim ol sospen graun na ol man i save go na senisim ol kaikai wantaim ol arapela wanpinis long Vanimo insait long Wes Sepik na tu wantaim ol Bogia pipel long is sait long Madang.

Ol man i save tu long tokples bilong ol dispela lain. Ol man i save mekim wok long senis kaikai (barter sistem) i save gut tru long kisim ol toktok bilong ol misinari na kisim i go long ol ples olsem Vanimo na Bogia. Na taim ol lain long bikples i harim ol toktok na skul, ol i laik lukim ol misinari, haus lotu na skul we ol misinari i bin kirapim pinis long Tumleo Ailan.

Gutpela pasin bilong ol lain bilong senis kaikai i bin helpim long kirapim wok long autim Gutnius insait long bikples Niugini. Na tu i bin helpim long pulim ol pikinini long bikples i kam skul long Katolik Misin long Tumleo Ailan.

Bihain long tenpela (10) mun ol misinari i sindaun long Tumleo Ailan, namba wan misin skul i bin op long mun Julai 1897.

Pater Joseph Edweg i opim dispela skul. Na isi isi dispela skul i kamap olsem sentrel skul. Taim ol Holi Spirit Misinari Sister (SSPS) i lusim Steyl long Mas 26 1899 na kam long Tumleo Ailan, i bin gat senis i kamap long skul.

Ol bin helpim wok long skulim ol pikinini i kamap gut tru. Nem bilong ol namba wan lain SSPS Sister husat i bin kamap pastaim long Tumleo Ailan em ol hia: Sisters Fridolina, Martha, Valeria na Ursula.


Sisters Fridolina na Valeria i bin givim bikpela laik long wok olsem tisa na skulim ol pikinini long bikples Niugini. Long ol yia bihain, planti sister i bin kam na bihainim tupela sister long gutpela wok ol statim.

Pater Vormann i bin raitim wanpela hap wok ol mekim long skulim ol pikinini bilong bikples Niugini olsem "Taim ol pikinini i kam pastaim long kasrum ol bin laikim skul. Tasol long kisim ol i kam em i hat trum Mi bin go pulim ol pikinini.... Sapos yu no inap putim han long ol. em bai yu no inap holim pas ol."

Sister Valeria SSPS i bin rait na tok long ol wok ol bin save smekim long skulim ol pikinini olsem "Mi save ratim katekismo buk bilong rit na buk bilong rait na ol namba buk bilong ol meri. Mi gat wok long tanim ol buk we ol misinari i raitim pinis long skulim ol man tasol mi bai taunim na bai ol skul pikinini long Niugini mas save gut".

Ol Holi Spirit sister i bin helpim gut tru wok bilong skulim pikinini. Long wanpela ripot we man i go pas long wok misin long Niugini we ol i kolim long "Apostolik Prifek, "Pater Limbrock i bin rit na tok olsem "ol wok bilong skul i kamap gutpela tru. Nau i gat luksave olsem sampela skul pikinini i ken kam na helpim mipela long kamap ol tisa. Ol i soim olsem long pasin bilong helpim ol yangpela sumatin na tu i gat sampela i ken skulim ol bikpela manmeri. Sampela pipel i ting olsem em i hat long skulim ol pipel long Niugini. Tasol long tiam skul i op i kam inap nau, mipela i lukim olsem dispela kain tingting i no tru. Ol skul pikinini i soim olsem ol i ken lainim planti samting olsem

# Stori bilong Katolik sios long bikples Niugini



Ol pater na bruda bilong Divain Wod long taim bilong visit bilong Pater Kost long 1929.

## PATER STEFFEN PAUL i raitim

rilijen, singsing, rit and rait na tu lainim tokpels Jerman.

Ol skul pikinini long bikples Niugini i klostu wankain tasol olsem ol wanlain bilong ol long Yurop. Wanpela samting tasol ol i painim hevi long namba (aritmetik).

Ol skul pikinini i save lainim ol samting long 20 aua insait long wanpela wik. ol sabjek em long rilijen, rit and rait, namba na singsing.

Tasol ol meri i save lainim owk bilong somap.

Pater Limbrock i bin gat strongpela luksave long wok we misin skul i mekim na em i rit olsem, "mipela i mas putim olgeta strong bilong mpela long wokim ol gutpela klasrum na givim gutpela skul we bai i helpim ol yangepla i kam long skul."

Dispela strongpela tingting na luksave bilong Pater Limbrock i no driman nating. Bipo long Wol Wo 1 yia 1914, i bin gat sampela luksave.


Skul sistem bilong holi Ghost misin i kamap bikpela.

Dispela liklik skul bilong givim rilijes instrakesn i go kamapim edukesen sistem i gat tripela (3), level.

Em long viles skul, stesin skul o praimer i na sentrel skul we i stap long Tumleo Ailan. Dispela sentrel skul em i olsem sekenderi (hai) skul. Long 1909 ol bin transferim skul ya i go long Alexishafen.

Tripela yia bihain long 1911, Pater Franz Wiesenthal i bin kirapim katekis trening skul long Alexishafen.

Dispela i bin kamap olsem tet level skul. Na narapela teknikal trening skul i stat tu we ol burder na sister i lukautim. long Tumleo



Bruda Eugene Franks i bin kam long Niugini long 1929. Em i bin dai taim ol lain Yongamugl i sutim em wantaim bunaro.

ailan na Alexishafen i bin gat ol priskul o kindegaten bilong lukautim ol liklik pikinini. Ol Holi Spirit sister i bin lukautim ol dispela priskul.

Long 1975 Pop Paul 6 i bin givim nem Bleset long Pater Arnold Janessen, samting olsem nainpela yia bipo long em i dai, Pater Janssen i bin givim taim bilong em long wok misin long Niugini.

Dispela hatwok i bin kamap long ples klia long ol pas we em i save raitim i kam long ol misinari long Niugini.

Olgeta taim em i save askim ol misinari long wok ol i mekim na long stap na sindaun bilong ol. Nau tu em i save salim ol samting

bilong sapatim ol misinari long wok na strongim ol long spiritual sait.

Taim i gat nid em i save painim na salim ol nupela lain misinari i kam long Niugini.

Bipo long em i dai long 1904, Pater Janssen i bin salim 37 pater, 27 bruder na 31 sister i kam long misin insait long bikples Niugini.

Pater Limbrock, man husat i go pas long Holi Ghost misin long Niugini i save kisim sapat long spiritual papa bilong em, Pater Janssen.

Long 1915 Pater Limbrock i bin risain long opis olsem man i go pas long Apostolik Prifek bilong misin long bikples Niugini. Tasol em i

no pinis olgeta long wok. Nogat. Em bin pinisim ol strong bilong em long narapela 15 yias olsem peris pris. Em bin brukim bus na bringim Gutnius i go insait tru long bus bilong Boikin.

Wanpela samting em bin mekim long kirapim wok misin em bilong raitim katekismo long tokpels Boikin/ Na planti taim em i save raun lukim ol narapela komyuniti na vilis insait long bus. Limbrock i bin mekim planti arapela wok tasol hevi i painim em. Sik kensa i bin daunim ol strong bilong em na em i laik go bek long aspels bilong em long Jemeni long kisim marasin na malolo. Tasol bikpela pen i bin kisim Emmna em no bin inap long go olgeta long Jemeni. Long me 31, 1931 em bin dai long Sidni, Australia. Ol SVD i planim bodi bilong em long hap.

Wantaim strongpela sapat bilong Pater Janssen em bin helpim Pater Limbrock long planim as bilong wok misin bilong Katolik Sios long Momase rijon.

Ol bin sanapim 17 pela misin stesen namel long Vanimo na Madang. Long 1905 Pater Limbrock i bin kirapim Alexishafen olsem narapela aspels bilong misin bikos Idong ol hevi we ol misinari i painim long transferim ol kago.

Alexishafen i gat gutpela bris bilong ol sip i kam long en. Long anu misin stesen long Alexishafen i stap 90 yias pinis. Taim Pater Limbrock i kirapim Alexishafen em bin kamap olsem nupela hetkwata bilong Katolik misin long bikples Niugini.

Long 1913, ol bin opim namba wan stesen isnait long Lowa, Is Sepik. Pater Franz Kiechbaum i bin namba wan pater long dispela stesen.

Sapos yumi lukluk i go bek long yia 1895 long wanpela pas we Pater Limbrock i bin raitim i go long Pater Janssen bilong givim tokorait long em i go pas Idong wok misin long Niugini, em ol dispela tingting i owk long kamap tru.

Wok we Pater Limbrock i bin statim long bikples Niugini i kamap gut tru. Em bin putim olgeta bilip bilong em Idong blesing bilong God. Na tu em bin kisim gutpela sapat na edvais i kam long Pater Janssen.

Dispela wok misin bilong Pater limbrock i ken mekim yumi luksave long pasin bilong kamap witness long pen na hevi.

Ol dispela samting i no pasim Pater Limbrock long mekim wok misin. Em bin mekim salrifais bilong autim Gutnius hai long PNG.

Olsem em bin tok "sapos yumi ken mekim wok misin long Niugini em i bilong liptimapim nem bilong God."

Tupela Pater Janssen na Limbrock i bin planim as bilong wok misin long Katolik Sios insait long bikples Niugini.

Tupela yet i bin larim God i go pas long ol. Nau planti moa pipel i wok long go het wantaim dispela wok long givim glori long Bikpela God antap.

Ol piksa i kam long buk ol i kolim "A Pictorial History of New Guinea", by Noel Gash and June Whittaker.

# 1995 BUSINESS AWARDS MAJOR SPONSORS



<b>BUSINESSMAN</b>	-	<b>Sponsored by :-</b> Ela Motors	
<b>BUSINESSWOMAN</b>	-	<b>Sponsored by:-</b> Steamships Trading Company	
<b>SMALL BUSINESS</b>	-	<b>Sponsored by:-</b> Australia - Papua New Guinea Business Council	
<b>EXPORT AWARD</b>	-	<b>Sponsored by:-</b> Shell Papua New Guinea	
<b>MANUFACTURING</b>	-	<b>Sponsored by:-</b> Westpac (PNG) LTD.	

The **BUSINESSMAN OF THE YEAR** will receive return tickets to Brisbane with four nights accommodation Courtesy of Qantas and Travelodge and a trophy plus K1,000 worth Ela Motors products donated by Ela Motors.

The **BUSINESSWOMAN OF THE YEAR** will receive return tickets to Brisbane with four nights accommodation Courtesy of Qantas and Travelodge and a trophy plus K1,500 worth Steamships Hardware products and access to Steamships Training Programme.

The **SMALL BUSINESS OF THE YEAR** will receive return tickets to Cairns with four nights accommodation Courtesy of Qantas and Travelodge and a trophy plus an appropriate training course sponsored by Australian Papua New Guinea Business Council.

The **EXPORTER OF THE YEAR** will receive return tickets to Brisbane with four nights accommodation Courtesy of Qantas and Travelodge and a trophy plus K500.00 cash donated by Shell Papua New Guinea.

The **MANUFACTURER OF THE YEAR** sponsored by Westpac Bank, details of the award yet to be advised.

**All awards winners will also receive a certificate from Word Publishing Company Pty. Ltd.  
Nominations for these awards should be made on the form below:**

All nominations will be treated by the panel of judges in the strictest confidence.  
"Businessman, Businesswoman, Small Business, Export Award and Manufacturing Award".

Name of the Business person: ..... Name of Business he or she operates: .....

Address of the Business he or she operates: ..... Telephone: .....

Time since business commenced: ..... years Nature of business: .....

Your reason for nominating he or she to be **BUSINESS PERSON OF THE YEAR**  
(eg: Created new job, created new export market, found new uses of local produce and mention all special achievements)

.....

.....

\* Please tick the box below to identify the award you are nominating.

(1) **BUSINESSMAN**  (2) **BUSINESSWOMAN**  (3) **SMALL BUSINESS**  (4) **EXPORT AWARD**  (5) **MANUFACTURING**

Nominated by Name: ..... Address: ..... Telephone: .....

Note:- **THE PAPUA NEW GUINEA EXPORT AWARD IS OPEN TO EXPORTING COMPANIES WITH AT LEAST 51 PERCENT NATIONAL OWNERSHIP.**  
**WHAT TO DO:** Provide supporting details of your Company's export achievements in 1994, eg, volume percentage increases, new markets, new products, etc. Growth in turnover profitability employment and the of business are essential consideration. So be specific when nominating.

**ENTRIES CLOSING DATE, 6th NOVEMBER, 1995.**  
Send your details or enquiries to: THE ADVERTISING MANAGER, JAMES DELISLE, WORD PUBLISHING COMPANY PTY. LTD.  
P.O. BOX 1982, BOROKO, NCD, TEL: 325 2500 - FAX: 325 2579.

**THE AWARD DINNER WILL TAKE PLACE ON WEDNESDAY 15th NOVEMBER AT THE PORT MORESBY TRAVELODGE  
ATTENDED BY THE GOVERNOR GENERAL SIR WIWA KOROWI.**



# WANTOK

NIUSPEPA BILONG OL PAPUA NIUGINI STRET

# PABLIK NOTIS

Sapos yu laik advertais, telepon 25 2500 na askim long

Miri Aiori Ext. 214  
Jeffrey Maliou Ext. 215  
Joe Naime Ext. 218

## BUK BILONG OL SEVISIS

### BUILDER



**KISSING BUILDERS**  
PO Box 1884  
Lae  
Morobe Province

General building, plumbing,  
maintenance; painting, constructor

**PLUMBING SERVICES AVAILABLE**

**24 HOURS CONVENIENCE**

Butibum Road Lae Morobe Province -  
Telephone: 42 0602

### CHRISTIAN BOOK CENTRE

#### LAE & MADANG

Educational/Christian books  
English/Pidgin/Tok Ples

Gifts & school stationery  
Nanulon St, Madang  
Ph: 82 2043 Fax: 82 3376

4th St Lae  
Ph: 42 4156  
Fax: 42 7073

### ELECTRONIC

**PAPA BILONG OL TV  
SAPOS TV BILONG  
YUPELA I BAGARAP  
SEKIM WANTAIM MIPELA**

o KAM NA LUKIM MIPELA LONG OLGETA  
LEKTRIK SAMTING YU LAIKIM.

■ SPARE PARTS ■ TOOLS ■ EQUIPMENT  
■ REPAIRS TO T.V.'s, RADIOS, ETC.



We are located at the corner of wards road and Spring Garden Road Honora.  
P.O. BOX 3572 PHONE 25 1952  
BOROKO NCD FAX 25 4743

### HAIR & BEAUTY

We manufacture hair and beauty products. We wholesale, retail, large range of black hair products. We sell hair pieces and hair equipment. If you manage a salon or would like to open one, we will provide you best quality products at best prices. If you prefer any U.S.A. hair product and you cannot find it here, we will get it for you. Any questions about your hair product you use or braiding, our chemist and cosmetologist are here to help you.

EF - KAY PARADISE PRODUCT CO. PTY. LTD.

Steamships Hardware Compound Properties,  
Waigani Drive, NCD. Ph/ Fax: (675)  
325 0519, P.O. Box 1671, Port Moresby.

### HAIR & BEAUTY

#### *His N' Hers* **HAIR SALON**

*All Hair Care*

Black Hair

&

Beauty Products

**42 1843**

P.O. Box 1721, Lae, Central Arcade.

### FOR SALE

**MIPELA I GAT OL  
STRONPELA FISIN NET OR  
UMBEN NAU LONG WEWAK.  
FSC PTY LTD**

Stoa i stap long Scenic draiv  
hapsait tasol long Customs Opis

Telipon: 863465 (Wewak)  
3231288 (Port Moresby)

### COFFEE MACHINERY

**Montale Pty Ltd Ph: 72 2611  
Fax: 72 2612**

Mipela Agen bilong Pinhalense Kopi  
Masin. Pulpers, Driers, Hullers,  
Destoners, Gravity Separators, El-  
evators na sampela moa.

Olgeta Kopi masin em mipela i gat  
inap. Kam lukim mipela nau mipela  
inap helivim yu.

### PORTABLE SAWMILL

Peterson Portable Sawing Systems  
(PNG) Pty Ltd. Ph: 82 3482  
New Zealand's most popular and  
best for P.N.G.

Lightweight aluminium, low cost  
from K15,000 High Production  
to 6m<sup>3</sup> per day.

Head office Madang  
Ph Fax: 82 3482 P.O. Box 2118  
Agency Port Moresby: Track Co.  
Ph: 25 8766 Fax: 25 8758  
Agency Wewak Ph: 82 3012  
Training and info: Lae  
Ph: 42 4029 Fax: 42 3586  
Agency inquiries welcome from other centres.

### WOKABAUT SOMIL

**Peterson Portable Sawing Systems  
(PNG) Pty Ltd.**

Inambawan somil long Nu Silan na i gupela tru long  
of Papua Niugini.

I no hevi, na pe bilong em inap long K15,000 tasol.  
Ken katim moa long 6m<sup>3</sup> insait long wanpela de.  
Het Opis: Madang Telepon/Fax: 82 3482, P.O. Box  
2118, Madang \*Ajensi: Pot Mosbi - Track Co.  
Telepon: 325 8766, Fax: 325 8757. \*Ajensi: Wewak  
-Telepon: 86 3012.

Training na Informesen Lae - Telepon: 42 4029 Fax:  
42 3586.

Mipela i welkamin ol lain husait i laik save moa long  
Peterson Wokabaut Somil long ol arapela senta o  
ajensi.

*Yu ken edvetais hia long **K10** tasol  
long wanpela wik. Long painimaut  
moa long dispela, ringim Augustine,  
Jack or Joe long telipon  
namba 325 2500.*

Niuspepa  
na Lukim ol  
Hos Resis Galit.

# BAIM Saturday Independent



## 60t TASOL!

### PUBLIC NOTICE

#### FUNERAL HOME NAU I OP

Noken wari tumas  
Ringim mipela na  
mipela ken stretim  
wari bilong yupela

I gat ol nambawan  
Kofin bilong salim

PH: 45 7766  
FAX: 45 7073

### BIRTHDAY GREETING

"Look who's turning 27 on  
the 10/10/95.  
Happy Birthday

LENNY CLEOPH SAKING



You are looking great each day so  
don't do away with this day, make  
it an enjoyable one for you...  
Birthday greetings from the  
Sakings, Nanguromo's na well  
friends throughout PNG.. Na  
special "27 cheers" from your one &  
only Son Dale Rodger Caesar  
Saking to you, Dad. Lastly and not  
the least is wife Exstar E Saking.



Sapos yu laik advertais, telepon 25 2500 na askim long  
Phone: Miri Aiori Ext. 214, Jack Mahuru Ext. 217, Joe Naime Ext. 218

**PABLIK NOTIS**

# INTERNATIONAL CREDIT UNION DAY CELEBRATIONS October, 1995

## General Programme

Thursday 19th October	Friday 20th October	Saturday 21st October
8 - 11 am Visitation, exchange societies	2 - 11 am Visitation Exchange Societies	9 - 12 noon Sports
12 - 1 pm Lunch hour meetings - selected locations	12 - 1 pm Lunch hour meeting	1 - 4 pm Sports continue, Venue: PNGDF Murray Barracks
2 - 3.30 pm Opening ceremony, Venue: Inservice College, Wardstrip.	2 - 3 pm Exchange programme continues	7.30 - 11 pm Closing Dinner, Venue: Officers Mess Murray Barracks
	3 - 4 pm	

All societies in PNG are proud to join in the celebrations with the theme:

### “ Credit Unions Bring People Together ”

Members can contact their societies for detail information.



The changes of venues are final.



# BALIM

**50t  
tasol !**

## Wantok nius pepa long fonde bai yu lukim ol tok pidgin nius tete.

**EM I WANTOK NIUSPEPA BILONG PNG STRET !**



• Volibal tim bilong ol meri RDB long Mosbi. Oi i save kilim skin long Bankers volibal resis long olgeta wiken long Gerehu spot senta. *Poto Michael Sogoromo.*



• Namba 10 bilong Tubuserea i traim long kisim pilaia dispela pas i kam long wan pilaia bilong em. Oi boi bilong South tu i kamap pinis long blokim em. Dispela em MOsbi baskebal resis. *Poto: Joe Ivaharia.*



• Oi referi bilong Lae. Oi i stap na soka resis long LFA i save ron gut long Morobe spot tonumen. *Poto: Alphones Pu.*



• Wampela netbal tim husat i pilai long Kampani netbal resis las wik long Mosbi. Netbai sisen i pinis na ol kampani grup long Mosbi i mekim save gen.



• Ragbi tas tim bilong ol manki Hohola. Oi i bin wampela strong-pela tim long Hohola ragbi tas resis.



• Sofbal resis long Mosbi i kirap gen. Dispela em wampela bikpela salens bilong ol man-long las wiken.

**PORT MORESBY MENS SOFTBALL ASSOCIATION  
1995-96 SEASON  
ROUND 1 - WEEK 3  
Sunday October 22 1995**

**Diamond 1**

Time	Grade	Team	Vs	Team
9.00-10.30	A	Manolos	vs	Tigers
10.45-12.15	A	NGI	vs	MSC
12.30-2.00	A	Malagan	vs	Fuji
2.15-3.45	A	Hawks	vs	Brown Eagles
4.00-5.30	A	Gazelle	vs	Eicom

**Diamond 3**

9.00-10.30	B	Brown Eagles	vs	Malagan
10.45-12.15	C	Admiralty	vs	Hawks
12.30 - 2.00	B	Gazelle	vs	Hansa Bay
2.15 - 3.45	B	NGI	vs	Dolphins
4.00 - 5.30	C	MSC	vs	Dolphins**

**Diamond 2**

9.00-10.30	C	Karanas	vs	Hansa Bay
10.45-12.15	C	PNGBC	vs	Unicorn
12.30 - 2.00	C	Eicom	vs	Manolos
2.15 - 3.45	C	Tigers	vs	Admiralty
4.00 - 5.30	B	Fuji	vs	PNGBC

Bye: Karanas  
Bye: Burma Raiders

**LAE TOUCH ASSOCIATION  
GRAND-FINAL DRAWS**

Sunday 22/10/95

Time	Div	Team	Vs	Team	Field
1.00pm	U/17	Coronation	vs	Eriku	1
2.00pm	OW	DOM	vs	Citos	1
3.00pm	OM	Giants	vs	Eriku	1
4.00pm	SM	Pirates	vs	Wills	1

**NCD VOLLEYBALL ASSOCIATION  
1995 GRAND FINAL DRAWS  
Venue: Sir John Guise Stadium  
Date: Saturday October 21, 1995.**

Court One

Time	Grades	Fixtures
9.00am	WAR	Uni vs Isicom PTC
11.00am	MAR	Axle vs Uni
01.00pm	WA	Uni vs Isicom PTC
03.00pm	MA	Raukele vs NCDC

**GEREHU NETBALL DRAWS  
SATURDAY OCTOBER 21 1995**

Court One Under 15

Time	Team	Vs	Team
10.00	Sparks	vs	Swans
10.40	Roosters	vs	Country
11.20	Oika Bullets	vs	Tigers

Court One Division 1

12.00	Rabbitohs	vs	Vegata Sevens
12.40	Country	vs	Roosters
13.20	Magani	vs	Bulldogs
14.00	Dee Six	vs	Oika Bullets
14.40	Bears	vs	Tigers
15.20	Sparks	vs	Broncos

Court two Under 13

10.00	Sparks	vs	Rabbitohs
10.40	Vegata 75	vs	Dee Six
11.20	Magani	vs	Tigers

Court two Division 2

12.00	Oika Bullets	vs	Roosters
12.40	Country	vs	Sparks
13.20	Bulldogs	vs	Rabbitohs
14.00	Magani	vs	Tigers
14.40	Broncos	vs	Dee Six
15.20	Vekata	vs	Swans

**POM BANKERS VOLLEYBALL ASSOCIATION  
DRAWS**

VENUE: GEREHU VOLLEYBALL COURTS  
DATE: 22/10/95

Divi..	Time	C/No	Team	Vs	Team	Ref
Jnr girls	11.00	one	PNGBC	vs	ANZ	
Jnr girls	12.00	one	BPNG	vs	Indoz	
Jnr girls	1.00	one	Westpac	vs	RDB	
Jnr girls	2.00	one	MBank	vs	BSP	

Jnr boys	11.00	two	BPNG	vs	Indoz	Charles I
Jnr boys	12.00	two	ANZ	vs	PNGBC	Kevin M
Jnr boys	1.00	two	BSP	vs	MBank	Joe Kila
Jnr boys	2.00	two	Westpac	vs	RDB	IvanR.

S/women	12.00	four	MBank	vs	BSP	John E.
S/women	1.30	four	Westpac	vs	RDB	T.Aisa/A.Alu
S/women	3.00	four	BPNG	vs	Indoz	Haurama/Koae
S/women	4.30	four	ANZ	vs	PNGBC	R.Gima/M.M

S/men	12.00	three	Westpac	vs	RDB	K.Rabura/A.Efi
S/men	1.30	three	BSP	vs	MayBank	J.Mapai/T.Egi
S/men	3.00	three	ANZ	vs	PNGBC	J.Kala/T.Kupa
S/men	4.30	three	Indoz	vs	BPNG	A.Ame/A.Kila

**UNAGI OFF-SEASON LEAGUE  
ROUND ONE GAME 5 DRAWS  
DATED: 21/10/95**

Time	Field	Club	vs	Club	Grade
10.00	1	J.8 Mile	v	5 Mile Nogat	C
10.00	2	6 Mile Youth	v	E/Boroko	C
11.00	1	Makana	v	4 Mile Youth	C
11.00	2	Sharks	v	Siane Panathers	C
12.00	1	7 Mile Jets	v	S.K Warriors	C
12.00	2	Gordons Ridge	v	Sarry Hawks	C
01.00	1	SNJ3 Warriors	v	D/Brothers	C
01.00	2	Wara Sua Eels	v	Spiders	C
02.00	1	Saraga	v	Morea Tobo	C

**B GRADE**

2.00	2	6 Mile Youth	v	East Boroko	B
3.00	1	J. 8 Mile	v	5 Mile Nogats	B
3.00	2	7 Mile Jets	v	SK Warriors	B
4.00	1	SNJ3 Warriors	v	D/Bothers	B
4.00	2	Makana	v	4 Mile Youth	B

**B GRADE - Sunday 22/10/95**

10.00	1	Gordon Ridge	v	Sarry Hawks	B
10.00	2	Saraga	v	Morea Tobo	B
11.00	1	Spiders	v	Wara Sua Eels	B
11.00	2	Sharks	v	Siane Panathers	B

**A GRADE**

12.00	1	Makana	v	4 Mile Youth	A
12.00	2	6 Mile Youth	v	E/Boroko	A
01.00	1	5 Mile Nogats	v	J.8 Mile	A
01.00	2	Saraga	v	Morea Tobo	A
02.00	1	Siane Panathers	v	Sharks	A
02.00	2	SNJ3 Warriors	v	D/Brothers	A
03.00	1	Wara Sua Eels	v	Spiders	A
03.00	2	7 Mile Jets	v	SK Warriors	A
04.00	1	Gordon Ridge	v	Sarry Hawks	A

**GEREHU TOUCH RUGBY DRAWS  
SATURDAY OCTOBER 21 1995**

Time	Team	Vs	Team
9.00	Roosters	vs	Front Line
9.40	Saints	vs	Magani
10.20	Oika Bullets	vs	Raiders
11.00	Sharks	vs	Dakas
11.40	Rabbitohs	vs	7 Stars
12.20	Tigers	vs	Slashes
13.00	Madokeis	vs	Knights
13.40	Dee Six	vs	Swans
14.20	Bears	vs	Broncos
15.00	Bulldogs	vs	Country
15.40	Seagulls	vs	Panthers

Sunday October 22 1995

10.00	Seagulls	vs	Knights
10.40	Tigers	vs	Panthers
11.20	7 Stars	vs	Front line
12.00	Broncos	vs	Saints
12.40	Country	vs	Slashes
13.20	Dakas	vs	Bears
14.00	Rabbitohs	vs	Roosters
14.40	Madokeis	vs	Swans
15.20	Magani	vs	Red Hills
16.00	Bulldogs	vs	Dee Six
16.40	Oika Bullets	vs	Sharks

**PORT MORESBY SOCCER ASSOCIATION  
SOCCER DRAW - WEEK 24  
Saturday October 21 1995**

Bisini 1

Time	Team	Vs	Team	U/19
8.00	PTC	vs	Defence	U/19
9.00	B/Kumul	vs	M/Ranges	U/19
10.00	Kurti Andra	vs	Rapatona	U/19
11.00	Sians	vs	PS Roots	D2
12.00	PS Roots	vs	Sunam	D1
1.05	Waliya	vs	Sunam	W1

Quarter final knockout

2.15	University	vs	GFC	Prem
3.25	Rapatona	vs	Ela United	Prem

Bisini 2

8.00	Ela United	vs	GFC	U/19
9.00	De La Salle	vs	Cyclone	U/19
10.00	Kumuindo	vs	Eastenders	D2
11.00	Cyclone	vs	Lae Biscuits	D2
12.00	Hoods	vs	Yellow Pages	D1
1.05	University	vs	GFC	PR
2.15	Rapatona	vs	Ela United	PR
3.25	Bilawawa	vs	SB Boomers	D2

Sunday October 22 1995

Bisini 1

8.00	Ela United	vs	Cyclone	U/19
9.00	Guria	vs	Defence	U/19
10.00	Momase	vs	Rapatona	U/19
11.00	Bilawawa	vs	Lae Biscuit	D2
12.00	M/Rangers	vs	Murat	D1
1.05	University	vs	Guria	W1

Quarter finals knock out

2.15	Momase	vs	Sobou	Prem
3.25	Guria	vs	PTC	Prem

Bisini 2

8.00	K/Andra	vs	M/Rangers	U/19
9.00	B/Kumul	vs	De La Salle	U/19
10.00	Sians	vs	Eastenders	D2
11.00	Busong	vs	Cyclone	D2
12.00	Babaka	vs	Keweh	D1
1.05	SB Boomers	vs	Lae Biscuit	D2
2.15	Waliya	vs	Wanzesi	D1


**MADANG SOFTBALL ASSOCIATION - 1995 - 96  
MENS DRAWS**

Date	Team	V Team	Grade	Time	Umpire
Saturday 14/10/95	Guria	v Aviat	B	1.30-2.45	Makis
	Kabiu	v N/Town	B	3.00-4.15	Allan W
	Malagan	Bye	B		
Sunday 15/10/95	Guria	v Aviat	A	1.30-2.45	Lucas
	Kabiu	v N/Town	A	3.00-4.15	Peter Byrd
	Malagan	Bye	A		
Saturday 21/10/95	Aviat	v Kabiu	B	1.30-2.45	Allan W
	N/Town	v Malagan	B	3.00-4.15	Lucas
	Guria on	Bye	B		
Sunday 22/10/95	N/Town	v Malagan	A	1.30-2.45	Lucas
	Aviat	v Kabiu	A	3.00-4.15	Makis
	Guria	Bye	A		
Sunday 28/10/95	Malagan	v Kabiu	B	1.30-2.45	Mathew
	Guria	v N/Town	B	3.00-4.15	Dickie JNR
	Aviat on	Bye	B		
Sunday 29/10/95	Malagan	v Kabiu	A	1.30-2.45	Henry
	Guria	v N/Town	A	3.00-4.15	Allan T
	Aviat on	Bye	A		
Saturday 4/11/95	Aviat	v N/Town	B	1.30-2.45	Dickie JRN
	Guria	v Malagan	B	3.00-4.15	Mathew
	Kabiu	Bye	B		
Sunday 5/11/95	Aviat	v N/Town	A	1.30-2.45	Lucas
	Guria	v Malagan	A	3.00-4.15	Allan T
	Kabiu	Bye	A		
Saturday 11/11/95	Guria	v Kabiu	B	1.30-2.45	Joe Pisaru
	Aviat	v Malagan	B	3.00-4.15	Mathew
	N/Town	Bye	B		
Sunday 12/11/95	Guria	v Kabiu	A	1.30-2.45	Joe Pisaru
	Aviat	v Malagan	A	3.00-4.15	Allan W
	N/Town	Bye	A		

Note: Repeat this draw round 2 and 3. Last game will be on the 9/10 of March 1996.  
Christmas and New Year Eve no game.  
Umpires rostered make sure get the game on time please


**WOMEN DRAW**

Sat 14/10/95	Kalibob	v Karao	B	1200-1315	Jubilee
	Melanesian	v Royals	B	1330-0245	Dick Snr
	Idmon	v Kalibobo	A	0300-0415	P. Byrd
Sunday 15/10/95	Tarangau	v U/Sisters	B	1200-0115	Mathew
	Yokomo	v Kabiu	A	1330-0245	Makis
	Karao	v U/Sisters	A		

**FRENCH BAKE HAUS**  
  
 • **CAKES**  
 Weddings & Birthdays  
 Our speciality  
 25 1266 Pom  
 42 5349 Lae

PROVINSAL

# SOKA NIUS

**FRENCH BAKE HAUS**  
  
 • **CAKES**  
 Weddings & Birthdays  
 Our speciality  
 25 1266 Pom  
 42 5349 Lae

# Sobou wetim wina bilong Guria na Asiawe

SOBOU i winim ples pinis long gren fainal bilong Lahi soka resis na em bai wetim wina bilong Guria na Asiawe long dispela wiken. Sobou i bin autim tiket bilong Asiawe long las wiken 1-0 long ekstra taim gem taim tupela i bin dro 0-0 long fultaim.

Tupela i go bek long pilai insait long ekstra taim na dispela taim gem bilong Asiawe i senis liklik olsem na em i lusim gem plen bilong em long dispela taim.

Olsem na fulbek bilong Asiawe i kamapim wanpela penalti kik we Godfried bilong Sobou i kikim na kamapim win bilong Sobou 1-0 long ekstra taim.

## LAHI SOKA RIPOT

Asiawe bai bungim ol boi bilong Guria long dispela wiken na dispela bai wanpela strongpela gem bikos Guria i pait long daunbilo i kam na em bai laik winim dispela gem na bungim Sobou long gren fainal long neks wiken.

Guria in bin laki long las wiken taim em i nekim Rapatona 2-1 long ekstra taim. Dispela tu i bin wanpela strongpela gem bikos Rapatona i mekim guria bel bilong ol manki Guria long 15 minit bilong gem i stat. Guria i kirap nogut long dispela gol bilong Rapatona na ol i stat long was gut na ranim bal long

graun. Klostu long fultaim na Isaac Sami i go skorim gol bilong Guria na tupela i dro 1-1.

Referi i pusim gem ya i go long ekstra taim we tupela i stat long brukim bun gen. Tupela i mekim save i go taim straika bilong Guria, Chris Nagai i painim sans na bomim umben bilong Rapatona na kamapim win bilong Guria long 2-1 skoa long ekstra taim.

Dispela i bin wanpela strongpela gem tru we Rapatona i no givim isi win i go long Guria. Guria i bin pait strong tru long kamapim dispela win.

Sapos Guria i gat sans long winim Asiawe long dispela wiken, em bai bungim Sobou long gren fainal long neks wiken. Tasol Asiawe i no inap givim isi win i go long Guria. Guria bai wok hat tru long winim dispela sans. Bikos Asiawe i bin lus long Sobou long las wiken, em bai traime long nekim Guria na go bek soim Sobou olsem em i no soim tru gutpela win long las wiken.

Long resis bilong ol meri, Guria meri i go sanap redi long gren fainal nau bihain long em i nekim Gaziga 2-0 long las wiken. Tupela gol bilong Guria i bin kamap long Daina Apiro na Zebra Kens.

Gaziga bai go traime ol susa bilong Asiawe long dispela wiken na wina bilong tupela bai i go bek bungim Guria long gren fainal.

Asiawe i bin autim tiket bilong Rapatona 2-0 long las wiken. Olsem na Rapatona bai hangamapim su bilong ol inap neks yia gen na Asiawe bai traime meri Makam long painim wina bilong go long gren fainal egens Guria long neks wiken.

Lahi soka resis i kamap pinis long fainal raun bilong em na olgeta gem bilong em i klostu long pinis. Dispela em long neks wiken tasol we Sir Ignatius Kilage Stadium long Lae bai paia long gren fainal bilong ol.

## Rapatona strongim nem yet long PMSA

### MOSBI SOKA RIPOT

**SAMUEL BASIM i raitim**

RAPATONA i sanap strong yet long Mosbi soka resis na i soim strong yet long winim primiasip long dispela yia. Em i soim dispela strong long las wiken taim em i nekim PTC 1-0 long fultaim. PTC i bin pilai strong na bal i wok long stap long golmak bilong Rapatona long namba wan hap bilong pilai. Tasol em i no painim umben bilong Rapatona.

Biknem PNG pilaia, Francis Moyap na yangpela Nicholas Pui i wok strong tru long putim bal i go insait long golmak bilong Rapatona tasol PNG golkipa, Willie Bera i wok long sevim ol dispela kik bilong tupela. Wesely Waiwa bilong PTC tu i putim kamap bikpela salens long dispela gem tasol i no gat gutpela sapot long putim bal long spes na setim ol strai-ka. Olsem na ol strong bilong Wesley i abrus nating.

Long namba wan hap bilong gem, tupela tim wantaim i 0-0 na i go aut long hap taim. Long namba tu hap bilong pilai, planti bikpela salens i kamap gen we Rapatona i wok long yusim ol sait lain bilong em long putim bal na ranim i go na bihain krosim i go long ol fowet long hetim i go long golmak.

Pascalis Atalou na Daniel Mota i mekim planti ron long fowet na tu long sait lain long traime pulim difens bilong PTC i go aut. PNG midfilda, Jeffery Emang i putim moa strong long sait bilong difens na pusim bal olgeta taim long tupela straika bilong em. Sapot bilong Jeffery tu i kam long Paniu Karol husat i putim kamap wanpela strongpela gem long dispela taim egens PTC.

Pilai i go tait na tupela tim wantaim i wok hat long painim spes i go long mak bilong narapela inap sans bilong Rapatona i kamap long wanpela

kona kik we Daniel Mota i go kikim na Steven bilong Rapatona i hetim i go insait long umben bilong PTC.

PTC i wok hat long bekim dispela gol we yangpela Geno i wok long kisim planti bal long sait lain na ranim i go fowet long krosim i kam long straika. Nicholas i bin abrusim wanpela gutpela gol we inap long bekim bek dispela gol bilong Rapatona.

Wanpela gutpela sans bilong PTC i bin kamap long penalti we Rapatona i wokim banis na PTC i traime long kikim. Moyap i salim i go isi long lek bilong narapela biknem PNG pilaia, Mame Kasalau we em i kikim i go long golmak bilong Rapatona stret tasol Willie Bera i sanap redi na stapim dispela gol. Dispela i bin wanpela gutpela kik tru we inap long kamapim skoa tasol Willie Bera husat em wanpela eksperiens golkipa i sevim dispela gol.

Tupela i taitim bun i go i kam tasol Rapatona i strongim difens na winim dispela gem long fultaim wantaim 1-0 skoa. Midfilda bilong PTC, Raymond Nasa i bin go long Lae na i no bin pilaim dispela gem. Olsem na PTC i bin gat hevi tu long midfil eria bilong ol na ol kain stail bilong ol long mekim ol sot pas na pusim long spes i no bin kamap.

Long narapela primia gem tu long las wiken, Blue Kumuls i traime ol manki Kurti Andra na tupela i dro 0-0 long fultaim. Dispela i bin wanpela strongpela gem bikos Kumuls husat i stap namba tri long poin lata bilong PMSA i no laik long lusim dispela gem. Tasol Kurti Andra tu i no laik long givim isi win long Kumuls.

Straika bilong Kumuls Matis i mekim planti gutpela kik long golmak bilong Kurti Andra tasol ol fulbek bilong Andra i olgeta taim sambai na stapim Matis.

Kurti Andra tu i mekim wankain long traime bomim umben bilong Kumuls tasol lapun golkipa, Abiang Kera i olgeta taim sambai na stapim ol kik bilong ol manki Manus. Long fultaim tupela i dro 0-0.



• Ol PTC meri husat i bin winim primiasip bilong womens 2 divisen bilong Mosbi soka resis long las mun. Ol i nekim ol meri Tarangau 4-0 long fultaim.

## Telikom kempen long LFA maina primia

### LFA SOKA RIPOT

STRONG bilong Telikom long win i go popaia taim Mitif i stapim win bilong em na tupela i dro 1-1 long LFA soka resis. Telikom i mekim bikpela kempen long winim maina primiasip taitel tasol dispela sans bilong em i no kamap isi bikos em i bungim bikpela salens tru long han bilong ol manki Mitif. Ol boi bilong Mitif i bin was long olgeta kona na stapim sans bilong Telikom long skoa.

Dispela i bin wanpela strongpela gem bikos tupela tim wantaim i kamapim sampela gutpela stail na strongpela pilai. Mitif i bin soim strong bilong em taim em i kamapim namba wan gol bilong em long umben bilong Telikom. Dispela gol i bin kamap taim ol boi long midfil eria i wok bung na kisim bal i go long fran na givim stret long lek bilong straika, Nonza na em bomim umben bilong Telikom. Tasol dispela gol i no daunim ol boi bilong Telikom na ol i pait strong i kam bek. Dispela taim tupela top manki bilong Telikom em Terry Pui na Abia Terence i wok bung wantaim na kisim i go putim stret long lek bilong straika, Chris Yanga. Chris i subim stret bal ya i go pas long umben bilong ol manki Mitif.

Taim tupela tim wantaim i dro 1-1, gem i go strong olgeta na difens bilong tupela sait wantaim i

go strong. Ol fulbek i stat long sapim lek bilong ol na rausim ol kain sans we narapela i laik kamapim long skoa. Ol straika bilong tupela sait wantaim i traime kain kain rot tasol ol fulbek i sanap strong na banis tu i go strong olgeta. Telikom i bin kamapim sampela gutpela sans long skoa long mak bilong Mitif tasol ol i no sapot hariap na ol sans bilong ol i wok long go abrus. Mitif tu i putim strongpela banis na sans bilong Telikom tu i wok long go abrus.

Midfilda bilong Mitif, Jack Jonathan husat em wanpela nesanel pilaia bilong Lae na i bin go pilai long SP Gems long Tahiti long dispela yia. Em i bin kamapim planti gutpela stail na ronim gut ol bal tasol i no gat gutpela sapot long ol wanpilaia bilong em olsem na ol sans bilong em i wok long go abrus. Ol boi bilong Mitif husat i bin pilai gut tru long dispela gem em, Gabriel, David Peter, Jack na Nonza. Na long sait bilong Telikom em, Terry, Abia, Theo na Chris Yanga.

Ripot bilong poin lata long resis bilong Lae Futbol soka resis i no kamap klia yet. Tasol ol insait ripot i tokaut olsem Telikom i wok long sindaun antap long poin lata na i kempen strong yet long winim maina primia bilong dispela yia. Klap husat i ron klostu long Telikom em Blue Kumuls. Ol dispela poin lata i no kamaut klia yet long olgeta klap i ken lukim. Tasol dispela em sampela ripot Wantok i ken kisim long LFA soka graun.

## NCD Pablik Sevans lusim Bisini graun

PABLIK Sevans Soka Asosiesen (NCDPSSA) long Mosbi i askim olgeta soka tim long stat baim rejistresen fi bilong ol long pinis bilong mun Oktober. Long bung bilong NCDPSSA eksekutiv long dispela wik, ol i askim olgeta tim long stat baim K300 fi bilong ol i go long makim nem bilong ol wantaim asosiesen long dispela sisen. Presiden Francis Kasau i tok olgeta tim i mas baim K300 pastaim. Ful pemen em K500 tasol ol i ken baim K200 long bihain. Kasau i tok asosiesen i lukluk long kisim 20 tim olgeta bilong man na meri long dispela resis. Olsem na ol i no inap wari long ol olgeta tim husat i no baim fi bilong ol hariap. Wanem tim i kamap pastaim na stretim nem bilong ol bai i go insait long dro.

Long dispela wik miting tu ol i makim ol nupela eksekutiv bilong ranim soka edministresen bilong NCDPSSA long narapela tripela krismas. Planti bilong ol dispela lain em ol nupela na ol i sinia gavman opisa long ol gavman dipatmen. Ol lain em: Steven Neon bilong Fisheries na em i vais presiden bilong ol man, Mary Albanen bilong Intenel Revenu Komisin na em i olsem vais presiden bilong ol meri, Charles Aopi bilong Fisheries na em i tresera na Ben Harry bilong Intenel Revenu Komisin na em i olsem seketeri.

Ol bai i stap olsem eksekutiv bilong NCDPSSA inap 1998 we nupela ileksen i ken kamap na senisim ol. Francis Kasau i winim bek posisen bilong em olsem presiden na em bai i stap gen long narapela tripela krismas. Em i bin namba wan man long statim dispela pablik sevans soka resis long Mosbi long 1990. Kasau i tok em i laik lusim wok bilong presiden bikos em i bin pilim bikpela hevi long las yia we i no bin kisim wanpela gutpela sapot long ol eksekutiv bilong em. Ol i save kirap tu na sapot wantaim ol arapela na tok kros long em gen. Kasau i tok em yet i save traim long ranim pilai go gut bihainim save bilong em. Bikos em i no gat sapot long ol arapela eksekutiv long ranim pilai. Tasol nau em i amamas bikos em i save olsem ol dispela nupela eksekutiv em ol gutpela lain tasol na ol bai wok bung wantaim gut. Kasau i tok long neks yia bai NCDPSSA i rejista wantaim nesenel bodi (PNGFA) bikos dispela em wanpela plen bilong ol long kamapim. Dispela i min olsem sapos PNGFA i laik kamapim ol bikpela nesenel tonamen, bai pablik sevans tu i salim wanpela tim bilong ol man na ol meri i go long pilai. Dispela em long nesenel klap sempionsip na PNGFA Kap nesenel sempionsip.

Pablik Sevans Soka Asosiesen i holim pas dispela tingting bilong em bihain long em i bin traim long putim tim bilong em i go insait long nesenel sempions bilong dispela yia. Tasol PNGFA i stapim em bikos em (NCDPSSA) i no rejista wantaim PNGFA. Tasol Kasau i tok neks yia bai mipela i rejista. Pablik sevans soka resis bai i no kamap moa long Bisini Soka Graun bikos NCDPSSA na PMSA i no pasim toktok gen long oraitim pilai long kamap long Bisini soka graun. Olsem na NCDPSSA i bukim pinis Sir John Guise Stadium long pilai. Em i pasim toktok pinis wantaim Spots Komisin long yusim tripela pilai graun olgeta. Pilai bai stat long 4 Novemba. Kasau i tok olgeta tim husat i laik pilai bai redim K7 long baim referi long ranim pilai bilong ol. Dispela em K14. we referi i ken skelim wantaim tupela lainsmen bilong em.

## PNGFA stapim pilai bikos nogat sponsa

### PNGFA SOKA RIPOT

SEKETERI bilong Madang Soka Asosiesen (MSA) i ting PNG Futbol Asosiesen (PNGFA) i rausim nesenel sempionsip bilong ol meri bikos i no gat sponsa. Bikos MSA i bin kisim toksave bilong PNGFA long traim painim wanpela kampani husat inap sponsarim dispela pilai bilong ol meri long Madang, MSA i traim tasol i no gat.

Seketeri, Danny Gabong i tok Madang em liklik taun na i no gat planti kampani long givim dispela kain sponsa we PNGFA i askim. PNGFA i bin askim MSA long traim painim olsem K5,000 samting long baim ol tropi na stretim ol kos we inap kamap long tonamen ya. Danny i tok inap long taim bilong baim nominesen fi i pas, PNGFA i bin luksave olsem i no gat dispela sponsa olsem na em i stapim tonamen. Ripot bilong PNGFA long las wik i tok ol i stapim pilai bilong ol meri bikos planti soka asosiesen long ol provins i no baim afiliesen fi bilong ol inap taim PNGFA i makim. Dispela em long 7 Oktober.

Narapela samting em PNGFA i tromoi tok olsem MSA i no givim gutpela ripot o bekim long ol wok redi long haus slip na pilai graun samting. Long dispela as PNGFA i no klia long ol samting long Madang i stap olsem wanem. Tasol Danny i bekim tok olsem MSA i toktok pinis wantaim Siar na Kranget Lods, ol skul na ol ples klostu long lukautim ol tim bilong ol meri husat bai i kam long pilai ya. Olsem na ol hevi bilong haus slip i orait. Pilai graun na ol samting long ples bilong pilai tu i orait pinis.

I gat luksave olsem PNGFA i bin mekim planti toktok strong long olgeta asosiesen long baim nominesen fi bilong ol hariap. Na dispela em bikos PNGFA i laik save amas mani em inap long kisim long dispela nominesen fi long ranim tonamen.

Bikos planti asosiesen i no givim nominesen fi bilong ol, PNGFA i karamapim toktok tasol long rausim tonamen long dispela as. Tasol samting tru em i no gat sponsa na i givim hat taim long PNGFA long ranim tonamen. Long bipo i bin gat dispela kain rot we olgeta asosiesen i save bung long ples bilong pilai na long apinun taim we ol tim menesa na opisel i



• Pilaia bilong State Builders i rausim bal i go hariap tru bikos kas nogut bilong Mapas i kamap klostu. State Builders i strong na nekim Mapos 2-1 long Mosbi soka resis bilong Divisen 2. Foto: Pou Toivita

bung long stretim dro bilong pilai, ol i save baim nominesen fi bilong ol.

Tasol seketeri bilong PNGFA, Don Sigamata i tok taim em i bin kisim opis bilong PNGFA long 1993, em i bin luksave olsem olgeta senta i mas baim K200 nominesen fi bilong ol foapela wik i go pastaim long taim bilong pilai i stat.

Tasol long Lae las yia insait long nesenel anda 20 tonamen, planti tim i bin go long Lae na bihain ol i givim K200 nominesen fi bilong ol. Danny i tok dispela tonamen bilong ol meri ya i no Madang Provinsal soka tonamen we MSA bai traim long painim sponsa bilong ranim pilai ya. Dispela em nesenel tonamen, PNGFA i mas go pas long dispela samting.

Dispela tu em wanpela kain senis we i bin kamap las yia long 1994 Nesenel Klap soka tonamen long Lae. Lahi Soka Asosiesen (LSA) long Lae i bin kisim blesing bilong PNGFA long lukautim dispela pilai bikos ol (LSA) i bin painim sponsa bilong tonamen ya. Sponsa em

Papindo Trading bilong Lae na Papindo i mekim promis long sponsarim tonamen ya inap 5-pela krismas. Long las wik, Vanimo i bin salim toksave i kam olsem ol i laik baim K1,000 afiliesen fi bilong ol na tu baim K400 nominesen fi bilong tupela tim bilong ol meri long dispela sempionsip bilong ol meri. Tasol em i salim dispela toksave i kam bihain liklik long taim we PNGFA opis long Mosbi i pasim buk bilong em.

Toksave i kam tu long Lae Futbol Asosiesen (LFA) olsem ol meri i bin salim pinis K200 bilong ol long Septemba 30 long stretim nominesen fi bilong ol. Bosmeri bilong ol meri LFA, Daisy John Thomas i bin salim K200 bilong ol meri long stretim nem bilong ol. Tasol long rekot bilong PNGFA, Mosbi, Lahi na Wabeg tasol i bin stretim nominesen fi bilong tupela. Olsem na PNGFA seketeri, Don Sigamata bai traim long bekim bek mani bilong ol meri LFA, Mosbi, Lahi na Wabeg.

PNGFA i soim tru strong bilong mama lo bilong soka taim em i stapim nesenel sempionsip bilong ol meri long kamap. PNGFA i soim olsem lo i stap na yumi olgeta i mas bihainim lo. Na i no long yumi sakim lo bikos mipela yet i wokim lo na bihain mipela i laik brukim gen. Olsem na lo bilong mipela yet i mas mekimsave long mipela gen.

### Afiliet na nominet long PNGFA

Lo bilong PNGFA i tok olgeta soka asosiesen i mas baim afiliesen fi bilong ol pastaim long ol i ken kamap memba bilong nesenel bodi. Na dispela i ken oraitim ol long kik insait long wanem kain nesenel tonamen we PNGFA i laik kamapim long bihain. Sapos wanpela asosiesen i no nominet, em i no inap pilai. Yumi ken luksave long dispela yia olsem ol asosiesen olsem, Goroka, Kimbe, Vanimo, Manus na arapela moa i no bin afiliet i go long nesenel bodi. Olsem na yumi i bin lukim pes bilong ol long nesenel klap sempionsip long Lae long mun Jun na tu long nesenel sempionsip bilong ol man long Mosbi long Ogas.

Dispela i no wanpela nupela samting na olgeta asosiesen na soka pilaia tu i save long en.

Nominesen fi em narapela samting we olgeta asosiesen i


## Noken sutim tok long PNGFA

mas stretim long salim tim bilong ol i go long nesenel tonamen tu. Ol i mas baim K200 nominesen fi long soim olsem ol i redi long go pilai insait long nesenel sempionsip ya. Dispela K200 em i no bikpela samting tasol mi no klia watpo tru na ol asosiesen i painim hat tru long kamapim dispela K200 long nominet.

### Noken haitim tingting

Dispela em wanpela tok win we i wok long kamap olsem sampela asosiesen i no laik baim K200 nominesen fi bilong ol hariap. Bikos ol i laik wet na lukim husat asosiesen bai nominet pastaim orait ol i ken stretim bilong ol bihain.

Long sempionsip bilong ol meri we PNGFA i stapim, Mosbi, Lahi na Wabeg tasol i bin baim K200 nominesen fi bilong ol. Na ol arapela olsem LFA Lae, Madang, Hagen, Kaiapit, Wau na arapela husat i bin opim maus long i laik go pilai i no bin traim long baim K200 ya. Ating ol arapela asosiesen i mas pret long Mosbi Lahi na Wabeg o?. Ol i ting dispela tonamen em Mosbi bai winim olsem na ol i no laik westim mani bilong ol nating. O ating ol i les long go pilai long Madang olsem



na ol i no laik long nominet. Ating i gutpela long yupela i bin tokaut long kain tingting olsem.

### Olpela lo i no moa wok

Olpela lo we yumi save kisim skwat i go kamap long ples bilong tonamen pastaim na bihain yumi baim nominesen fi i no moa wok. Olgeta asosiesen i save pinis olsem yu mas nominet pastaim i go long PNGFA na bihain nem bilong yu i ken kamap long dro we tonamen dairekta bai wokim.

Nau em olgeta asosiesen i mas nominet foapela wik pastaim long de bilong nesenel sempionsip i stat. Dispela samting em olgeta asosiesen i mas klia long en. Bikos sapos yumi holim yet olpela tingting, bai kain senis olsem PNGFA i mekim na bagarapim gem bilong ol meri i ken kamap long bihain. Na dispela bai

kamapim belhat na kros namel long yumi yet. Tasol asua em yumi yet i no laik stretim ol samting hariap.

### Les bilong yumi yet i ken kilim soka

Nau PNGFA i stapim pinis gem bilong ol meri na yumi no inap save wanem kain belhat o kros ol meri i gat. Ol meri i gat bikpela kros nau bikos ol i ting mipela ol man i no gat sapot long pilai bilong ol. Ol tu i rejista long olgeta asosiesen olsem o man na mani bilong ol i helpim asosiesen long afiliet i go long nesenel bodi (PNGFA). Olsem na ol i mas kisim wankain helpim na amamas ol man i save kisim long pilai.

Ol meri Long Lae, Mosbi, Madang, Hagen, Kaiapit, Wau na Wabeg i red gut long kik long dispela tonamen. Ol meri long Hailans sait i laik traim bun wantaim ol meri long Lae na Mosbi. Ol meri long Madang tu i laik traim Mosbi husat em olpela sempion bilong 1993 na 1994. Ol meri Lae i laik bekim dinaw Mosbi i gat long ol long las yia. Dispela bel kirap bilong ol meri long tonamen ya i stap. Tasol nau, mipela yet i bagarapim dispela interes bilong ol na dispela i no helpim tru long

kirapim soka insait long kantri. Wankain pasin yumi mekim long pilai bilong ol meri bai istap yet long pilai bilong ol junia tu long neks yia na planti yia bihain. Na bai i nogat wanpela gutpela divelopmen bilong soka long kantri.

### Yumi yet inap pulim sponsa

PNGFA em yumi save olsem i no gat gutpela sponsa. Tasol yumi no ken sutim tok long PNGFA long dispela samting. PNGFA em i olsem wanpela bodi we yumi olgeta i ken bung aninit long en na strongim long bungim yumi olgeta aninit long wanpela interes bilong soka tasol. Olsem na wok i stap long yumi wanwan asosiesen long bungim liklik toea wantaim na yumi yet ranim soka bilong yumi i go pastaim.

Sponsa i save kamap taim ol i lukim olsem planti lain i bungim ol yet aninit long wanpela interes. Sponsa bai lukim olsem i gat planti manmeri long dispela spot, em bai laik i go insait bikos em bai i gat planti manmeri long dispela hap na ol bai kirapim nem bilong em na srukim nem bilong em i go long planti arapela long wanwan lokal asosiesen bilong ol. Olsem na wok i stap long mipela yet long grisim na pulim sponsa i kam na sapotim yumi long spot bilong yumi. Inap yumi senisim pasin bilong yumi long neks yia?.

# Basketbal sempionsip bai strong moa

## BASKETBAL RIPOT

PNG Basketbal Federesen bai luk-save long strong bilong nupela plen em i bin kamapim long dispela yia wantaim rijenai basketbal sempionsip. Dispela em long taim ol foapela rijen i bung long Lae long nesenel basketbal sempionsip long 27-29 Oktoba.

Tresera bilong PNG Basketbal Federesen, Yapi Delabu i tok Federesen i bin kamapim dispela rijenai plen long lukim olsem basketbal i kamapim sampela gutpela senis we inap helpim olgeta asosiesen insait long foapela rijen wantaim.

As tingting bilong kamapim rijenai basketbal em long givim sans long olgeta liklik asosiesen long kamap na pilai long rijen bilong ol yet we i klostu na inap sevim mani long trenspot.

Bikos nesenel sempionsip i save kamap long ol bikpela taun olsem Lae, Madang, Hagen na Mosbi, ol liklik asosiesen olsem Manus, Kimbe, Popondeta, Tabubil na arapela moa i save painim hat long salim tim. Nau i gat rijenai konferens, olgeta asosiesen long Sauten rijen i ken bung long Mosbi we i klostu na Momase i ken bung long Madang o Wewak we kos bilong sip i isi na wankain tu long hailans rijen.

Bhain long rijen tonamen, ol i ken makim tupela tim bilong ol man na meri long kamap long nesenel sempionsip.

Narapela samting we i gutpela long kamapim rijenai tonamen-em, planti asosiesen i ken kamap na pilai na tu planti pilaia husat i no gat sans i ken soim ol yet. Dispela i ken soim sampela gutpela basketbal pilaia husat i save hait bikos ol i no gat sans long soim ol yet.

Delabu i tok ol rijen olsem Momase, Hailans, Niugini Ailan i redi pinis long nesenel tonamen ya long Lae. Sauten tu i redi wantaim tim 2 bilong man na meri na tim 1 bilong ol meri.

Tim 1 bilong ol man i gat hevi yet painim wina bilong Kapital Basketbal Lig (CBL) na Mosbi. Tupela i pilaim gren fainai tasol pait i kamap na gren fainai i no pinis gut. Delabu i tok Federesen i wetim tasol ripot bilong ol ogena nisa bilong Sauten rijen long salim i go bai Federesen i ken sindaun na traim skelim husat inap kamap wina bilong dispela gren fainai. Wina bilong man ya kamapim tim 1 bilong Sauten rijen.

Long Hailans rijen bai Hagen man na meri bai kamapim tim 1 na tim 2 bai i kam long ol arapela hailans basketbal asosiesen. Momase 1 bai Lae man na meri i makim na arapela asosiesen long Momase rijen bai wokim tim 2.

Niugini Ailan i gat hevi long makim Niugini Ailan tim olsem Kimbe Basketbal Asosiesen bai kamap wantaim tupela tim tasol. Dispela em tim bilong man na meri tasol. Bikos ol lain long Niugini Ailan olsem Rabaul, Bogenvil, Manus na Nu Ailan i no bin holim wanpela rijenai tonamen bikos long ol hevi we Rabaul na Bogenvil



• Sentral provins basketbal tim husat i bin pilai long sauten rijen basketbal konferens tupela wik i go pinis. sampela stail pilaia i stap tu long dispela skwat. Foto: Joe Ivaharia.

i stap long en. Delabu i tok em i bilip olsem dispela nesenel sempionsip bai strong tru na ol bikpela senta olsem Mosbi na Lae bai bungim hat taim tru long han

bilong Kimbe, Hagen, Momase 2, Sauten Rijen 2 na Hailans 2. Bikos rijenai tonamen i bin soim aut pinis planti gutpela pilaia husat i bin hait i stap, ol i makim ol long

skwat. Na ol dispela lain bai mekim ol bikpela senta i kirap nogut long ol stail bilong ol long taim bilong nesenel sempionsip long Lae.

## Ol meri Yuni na Guria bung gen

### MOSBI SOKA RIPOT

OL meri Yunivesiti na Guria bai kamapim bikpela salens long Bisini soka graun long dispela wiken insait long kota fainai bilong Mosbi soka resis.

Mosbi Soka Asosiesen (PMSA) i pinisim gem bilong ol meri na makim foapela top tim bilong ol meri long kik insait long nokaut. Ol foapela tim ya em Yunivesiti husat i gat 47 pons, Guria 46 pons, Waliya 45 na Sunam 42 pons.

Guria na Yunivesiti bai salens na wina bilong tupela bai go wetim gren fainai na lusa bai i go pilaim wina bilong Waliya na Sunam long neks wiken.

Seketeri bilong PMSA, Mojeck Selsel i tok ol i katim tim bilong ol meri long foapela long pinisim gem bilong ol meri hariap. Olsem na dispela wik em kota fainai na long neks wiken em semi fainai. Narapela wik bhain em gren fainai.

Yunivesiti na Guria em tupela strongpela tim long Mosbi na dispela gem bai wanpela strongpela pilai tru.

Yunivesiti i gat ol gutpela pilaia olsem Serah Gewabing, Lyna Waho, Nellie Popau na Anneti Kora. Eksperians bilong ol meri ya i ken bungim na kamapim gutpela gem plen na sapot long kamapim hevi long mak bilong Guria.

Guria na Yunivesiti em tupela gren fainai tim bilong las yia na dispela bai wanpela strongpela gem tru.

Guria bai i gat ol meri olsem Nellie Taman, Rosse Suwai, Sherral Marsipal, Josephine Waiwai na Tabita Suwai. Ol tu i olupela meri bilong pilai na sapot gem bilong ol i ken helpim ol long traim brukim umben bilong ol meri Yunivesiti. Wina

bilong tupela bai i go wetim gren fainai.

Gem bilong ol meri Waliya na Sunam tu bai wanpela strongpela gem bikos tim husat i lus bai hangamapim su inap neks yia. Na tim husat i win bai i go pilaim lusa bilong Guria na Yunivesiti long neks wiken.

Ol man i gat sampela moa gem i stap yet long pinisim tasol PMSA bai traim long bungim ol gem bilong ol wantaim na mekim pilai i pinis hariap.

Long dispela wiken primia gem bilong ol man, bai bikpela salens i stap namel long Momase na Sobou. Dispela bai wanpela bikpela gem bikos tupela tim wantaim bai pait strong long winim ples insait long top 4 posisen bilong poin lata.

Momase i gat ol boi olsem Roland, Kasa, Max, Budah na ol arapela moa na ol bai pilai strong long winim dispela gem egens Sobou. Tasol Sobou tu em wanpela strongpela tim na em i no inap givim gem i go isi long Momase.

Long arapela primia gem em Yunivesiti bai kisim GFC na dispela bai wanpela isi gem bilong Yunivesiti long winim. Long las wiken GFC i no bin kamap long pilai na ol i givim isi win i go long Momase long pofit. Olsem na nogut bai Yunivesiti i kisim poin long pofit tu long dispela wiken.

Rapatona bai kisim ol boi bilong Ela Yunaitet na dispela bai wanpela isi gem bilong Rapatona long winim. Tasol em bai wok hat liklik bikos Ela Yunaitet i gat ol gutpela pilaia tu olsem Paulus Sawo, Benneth Kawa, Moni Kalong, John Tutumang, Michael Sigamata na Yang Napo. Ol i gat ol yangpela pilaia husat inap kamapim hevi long Rapatona.

Tasol Rapatona i gat moa eksperians na nesenel pilaia i stap na ol inap winim ol boi bilong Ela Yunaitet. Tasol dispela i no inap isi win bikos Ela Yunaitet bai pait strong tru.

## Melanesian Motors winim Wewak volibal

### FUZO PAUL i raitim

MELANESIAN Motors volibal tim bilong Wewak i kamap sempion bilong Wewak volibal resis gen long dispela yia. Dispela em namba tu taim. Melanesia Motors i bin autim Spiders long las yia na long dispela yia em i bungim gen Spiders na tupela mekim save gen long gren fainai. Dispela gren fainai bilong tupela tim ya i pulim tru planti manmeri long kamap na lukim.

Long namba wan set, Spiders i bin soim bikpela pawa tru long winim dispela gem. Olsem na em i winim namba wan set bilong gem. Tasol dispela win long namba wan set i kirapim bel bilong Melanesian Motors long pilai strong olsem na long namba tu set, Melanesian Motors i autim namba tu set. Ol strongpela han bilong Max Motoku, Labu, Arangu, Kabai na Nimba i salim planti ol strongpela bal i go long mak bilong Spiders na givim bikpela salens na hat taim long ol.

Long sait bilong Spiders, Charles Malenki na Francis i yusim planti gutpela trik long dispela gem. Papa Kela bilong ol tu i yusim ol liklik trik bilong em tasol ol boi bilong Melanesian Motors i save moa long trik bilong ol na blokim planti gutpela spaiks bilong ol. Long fainai raun, Melanesian Motors i winim las set na winim dispela gren fainai egens Spiders. Long gren fainai bilong ol meri, ol skulmeri

### WEWAK VOLIBAL

bilong KTC i bin traim bun bilong ol meri Spiders. Ol susa bilong Spiders i yusim planti gutpela trik bilong ol tasol ol studen bilong KTC i gat moa trik olsem na ol i autim tiket bilong Spiders long dispela gren fainai. Spiders i bin givim gutpela salens tru i go egensim KTC wantaim strongpela pilai. Spiders husat i gat ol eksperians pilaia olsem Lores Meleng, Magdelin Posa na Jacinta Motoku i bin putim kamap strongpela pilai wantaim ol pawa spaiks na ol gutpela plesing. Tasol ol studen i putim gutpela was na stopim na rausim ol bal i go bek long hapsait umben bilong Spiders.

Win bilong KTC i bin kamap long gutpela sapot pilai bilong Jennifer Souriang, Julie Kuaru na Gertrude Angi. KTC i bin strong long winim tripela set olgeta. Win bilong KTC i bin kamap tu long ol gutpela sapot em i gat long ol manmeri husat i bin sanap olsem sapot bilong ol long ausait. Long fainai bilong B gret man, Hollie Roots i bungim Bishop Leo, tasol ol manki Bishop i no bin strong tumas na Hollie Roots i autim ol. Long gren fainai bilong ol meri B gret, ol susa bilong Beach Crab i stap strong yet na autim Dolphins Ol i bin winim gren fainai long las yia na dispela em namba tu taim ol i win gen long dispela yia.

## Vanimo Kantri soka bungim hevi

### STAN RANGA i raitim

OL pilai bilong Vanimo Kantri Soka tonamen i no bin go het bhain long John Tekwie Soka Tonamen resis i pinis. Bikos Ogenaising komiti i no ronim tonamen ya na tu planti klap i stap insait long assosiesen i no baim klap rejistresen fi bilong ol. Wanpela ogena nisa bilong dispela Kantri Soka tonamen, Punini Yate i wari tru bikos asosiesen i no inap long pinisim gut pilai bilong em bikos planti tim i no rejista.

Punini i tok bikpela as tingting bilong kamapim dispela tonamen i bilong luksave na kirapim ol soka pilaia long Vanimo Wes Kos na bus eria na strongim pilai soka na gutpela sindaun namel long ol yangpela man na meri. Wantok i no bin inap long toktok

wantaim Sandaun Divisen bilong Edukesen Asisten sekreteri Mista Ignas Wunum long kisim toktok bilong em long dispela samting.

Vanimo kantri soka tonamen i wanpela strongpela asosiesen insait long Sandaun provins we i save kamapim ol gutpela soka pilaia long makim Vanimo na provins insait long ol bikpela kik long Jayapura na ol bikpela tonamen olsem Momase sempionsip na Tekwie Sil. I gat moa long 10-pela soka klap i save brukim bun insait long ol pilai long Sarere na Sande tasol i kam inap long dispela taim pilai i no bin kamap bhainim dispela hevi. Ol tim bilong Wates, Lido, Waromo, Yako na Mushu i save kik long dispela soka resis.

Punini i gat strongpela bilip olsem sapos gavman na ol bisnis haus i no givim helpim hariap

long ranim dispela tonamen, mak bilong pilai soka insait long Vanimo na Sandaun bai pundaun gen.


Bikos Vanimo eria i save kamapim ol gutpela soka pilaia. Olsem na em i askim ol bisnis lain gavman long helpim na strongim pilai i go het, we ol i ken pinisim sisen gut wantaim ol fainals. Tasol mi save olsem Sandaun Provinsel Spots Kaunsil i no baim afiliesen fi o no rejista yet wantaim PNGFA na Spots Komisen. Dispela bai i ken larim ol tim bilong Sandaun i ken go pilai tu long ol bikpela soka resis na tonamen.

Punini i mekim askim nau i go long wanwan soka tim long Vanimo Kantri Asosiesen long kamapim wanpela kibung hariap na traim mekim samting long pinisim dispela hevi na larim ol pilai i go het inap long fainai.

# WANTOK SPOTS

KUMULS KAM BEK LONG 1995 WOL KAP ...

## Westly na Mamando bai pilai yet long Kumuls




● David Westly i mitim sampela sapota bilong em long Jeksen ples balus taim ol Kumuls i kam bek long Inglen. Foto: Joe Ivaharia.

## Sekyuriti rausim Spots Minista long Kumuls Pati

MINISTA BILONG STET NA SPOTS na Rikriesen Parry Zeipi i no bin kisim gutpela welkam taim em i kamap long wanpela pati bilong ol Kumuls long Tunde nait. Pati ya i bin kamap long Aviat Klub long Mosbi.

Minista Zeipi husat i i bin go long dispela pati long makim Praim Minista Sir Julius Chan i no inap long go insait long klub long wanem ol sekuriti husat i sindaun long geit i no luk-save long em na rausim em.

Taim em i tokim ol sekuriti olsem em minista na em i



□ Perry Zeipi.

makim praim minista long dispela pati, ol sekuriti i strong yet olsem em i no nap go insait.

Taim ol sekuriti i strong i stap, Tour Menesa bilong ol Kumuls Bob Robertson i bin kamap na tokim ol sekuriti olsem dispela em minista na em i mas go insait long pati.

Tasol minista Zeipi i no amamas olgeta long dispela kain pasin ol sekuriti i mekim long em na em i kisim kar bilong em na go bek gen.

Zeipi i no amamas long wanem kain pasin ol sekuriti i mekim long em na i no bin go insait long dispela pati.

TUPELA Canberra Raiders pilaia Bruce Mamando na David Westly i tokaut pinis olsem ol bai pilai yet long Papua Niugini Kumuls sapos ol selekta i makim ol.

Long Tunde nait long wanpela pati bilong ol Kumuls, Westly i tokim Ragbi Lig Nius olsem em i pasim tingting bilong em pinis olsem em bai pilai long Kumuls.

"Mi pasim olgeta toktok pinis olsem mi bai pilai long Kumuls," Westly husat i gat 21 krismas i tokaut. Bruce Mamando husat i bin pilai olsem lok fowat bilong Papua Niugini Kumuls long Wol Kap resis i

### RODNEY KAMUS i raitim

tok tu olsem em bai pilai yet long Kumuls long neks tonamen bilong ol em sapos ol selekta i makim em.

Westly na Mamando husat i bin pilai wantaim ol Kumuls long wol kap resis long las wik i mekim tingting bilong ol bihain long ol i pundaun long Jacksons ples balus na kisim bikipela sapot tru long ol manmeri long kantri. Bihain long dispela taim ol i kamap gen long yunivesiti, ol i kisim moa sapot na tu long Tabari ples long Boroko. Westly i sainim pinis 4-pela yia

kontrak wantaim ol Canberra Raiders na bai pilai long supa lig long neks yia tasol Mamando em bai kontrak bilong em wantaim ol Raiders bai pinis long dispela yia.

"Ol Kumuls i naispela ol pilaia tru na i bin wanpela gutpela ekspiriens tru long stap wantaim ol," Westly i tok. Westly i bin mekim em yet i stap fri long seleksen bilong wol kap long wanem dispela bai no nap kamapim wanpela bagarap long sans bilong em long makim Australia. Tasol bihain long em i pilai wantaim ol Kumuls long dispela Wol Kap resis long Inglen, em i

mekim disisen pinis olsem em bai gat wanpela gutpela intanesenel laip bilong pilai ragbi lig sapos em i stap wantaim ol Kumuls.

Westly bai stap tupela wik wantaim ol lain bilong em bipo long em i go bek long Australia. Westly em mama bilong em wanpela meri Tolai na papa Australia na ol i save stap long Cairns. Mamando husat em papa bilong em bilong Hagen tu i tok olsem em bai pilai yet long PNG Kumuls.

Kumuls huka Elias Paiyo i tok olsem em bin amamas tru long pilai wantaim tupela man.

"David em wanpela man bilong sem tasol Bruce em man bilong toktok gut na tu em i save long tok pisin," Paiyo i tok.

Kumul kepten Adrain Lam i tok olsem tupela man ya em tim bilong ol i kisim ol gut tru na tupela i givim bikipela strong tru long Inglen.

"Tupela i pilai gut tru wantaim tim na rausim planti ol bikipela hatwok long ol narapela pilaia," Lam i tok.

Lam husat i stap namel nau long pait bilong supa lig na ARL i no save tumas sapos em bai pilai yet long PNG tasol em i tokim Ragbi Lig Nius olsem bikipela laik bilong em yet em long pilai long PNG Kumuls tim.

NAI YU KEN  
BAIM LONG  
LIKLIK NUPELA  
100gm PAK...

Nestlé

MILO

IT'S MARVELLOUS WHAT MILO CAN DO FOR YOU.





LAE  
BISCUIT



# RAGBI LIG

NIUS

I NO BILONG SALIM.

LAE  
BISCUIT



## Bai, Gene na Okul gat sans long pilai long England

### RODNEY KAMUS i raitim


TRIPLELA Kumuls pilaia i redi tasol long pilai wantaim wanpela klab long Inglen sapos olgeta toktok wantaim menesa na femeli bilong ol i go stret. Ol tripela pilaia ya em Markus Bai, Stanley Gene na John Okul.

Bipo long ol i kam bek long Papua Niugini long Tunde, wanpela opisal bilong wanpela Fes Divisen Klab long Inglen ol i kolim ol yet olsem Hull Ragbi Lig klab i laikim mak bilong tripela pilaia long wanpela pepa o kontrak bilong tupela yia olgeta.

Tasol ol tripela wantaim i no mekim wanpela disisen o sainim dispela kontrak bilong pilai long Inglen long neks yia.

Wanpela bilong ol pilaia ya Markus Bai i tokim Ragbi Lig Nius long Tunde olsem ol i no sainim wanpela pepa o kontrak yet tasol ol bai kam bek pastaim long PNG na kisim sampela toktok long ol menesa bilong ol wantaim ol femeli bilong ol pastaim long ol i mekim dispela bikpela disisen.

Bai i tok olsem long tupela wik taim bai dispela opisal



• Markus Bai.

bilong England bai kamdaun long Papua Niugini long kisim mak bilong ol tripela pilaia ya tasol bipo long dispela, ol pilaia ya bai kisim gut toktok pastaim long wanem samting bai ol i mekim.

"Mipela i bin pilai hat tru long Inglen tasol taim ol lain ya i bin lukim mipela long sainim kontrak, mipela i no bin sain. Mipela i laik kam bek pastaim



• Stanley Gene.

long PNG na kisim ting ting bilong ol menesa bilong mipela wantaim ol femeli pastaim bipo long mipela i sainim dispela kontrak. Olsem na dispela opisal bilong Hull bai kam long tupela wik taim long toktok wantaim mipela long dispela kontrak," Bai i tok.

Hull wantaim olgeta narapela ragbi lig klab long Inglen i stap insait long supa lig olsem

na planti toktok i long ragbi lig i laik bruk long kantri i mekim na ol lain ya i mas wet liklik pastaim. Long sait bilong Stanley Gene na John Okul, tupela i stap aninit long PNGRFL tasol long Bai, dispela disisen bilong Mosbi Ragbi Lig long joinim Kwinslen Ragbi Lig husat i stap aninit long Australian Ragbi Lig bai gat bikpela toktok moa yet pastaim

long em i mekim wanpela disisen.

"Long mi yet, mi mas sindaun na tingting gut pastaim. Mosbi Ragbi Lig i lusim PNGRFL na joinim Kwinslen na Vipers bai pilai long Kwinslen neks yia olsem na dispela bai wanpela bikpela disisen bilong mi tru mi bai mekim wantaim menesa bilong mi na ol femeli bilong mi yet."

Long Bai dispela bai min olsem em i mas mekim wanpela strongpela disisen nau long joinim Mosbi Ragbi Lig na pilai long Kwinslen wantaim ol Vipers o pas wantaim PNGRFL na go pilai long Inglen long supa lig resis. Tasol olgeta samting i mas wet pastaim inap dispela opisal bilong Inglen i kam kamap na toktok wanem.

Long Markus Bai yet, em i tok olsem em i laik pilai strong moa yet na stap long wankain fom bilong em yet na holim strong dispela posisen bilong em long Kumul tim na pilai yet long makim kantri. Bai i bin tokim Ragbi Lig Nius long wanpela raun bilong ol i go long Yunivesiti long Tunde belo taim.

## Paiyo bai traim Brisbane Broncos seleksen

KUMUL Huka husat i mekim nem bilong em yet long pilai long Wol Kap long Inglen long dispela mun Elias Paiyo i tokaut olsem em i redi tasol long traim Broncos Seleksen trail long neks yia sapos olgeta samting i go orait long em.

Paiyo husat i bin wanpela ki man bilong ol Kumuls long Wol Kap kempein bilong ol i bin amamasim dispela klab bilong Australia na bai kamap long seleksen bilong ol long neks yia.

Kepten bilong PNG Kumuls Adrian Lam i tok olsem em i gat bikpela bilip long Paiyo olsem em i ken kisim wanpela

spes bilong em yet wantaim dispela biknem klab bilong Australia ya.

Lam i bin tok long Inglen long las wik olsem Paiyo i redi tasol long kamap long ol seleksen trails bilong ol broncos long neks mun.


Long Tunde, Paiyo i tokim Ragbi Lig Nius olsem dispela toktok i stap insait long tingting bilong em yet na bai i kam yet.

Em i tok olsem em bai no no nap mekim wanpela tok promis olsem em bai pilai long Broncos neks yia tasol tasol olgeta samting em bai stap long han bilong ol lain long

seleksen trails tasol. Paiyo husat i wanpela strongpela pilaia tru long wol kap resis i bin kisim bikpela welkam tru wantaim ol narapela Kumuls pilai taim ol i kam long Yunivesiti long Tunde.

Paiyo i bin kamap wantaim ol narapela pilaia olsem David Westley, Bruce Mamando na Adrain Lam long toktok wantaim ol mangi long hap.

Bihain long dispela, ol Kumuls i bin go raun long Tabari ples long 4-mail we ol i bin bungim planti ol manmeri husat i laik kisim mak bilong ol na tok helo long ol.



• Paiyo i ksim bikpela sapot tru long ol mangi yunivesiti long Tunde.

# Lukluk bek long Ragbi

## RODNEY KAMUS i raitim

RAGBI LIG long wol na tu long Papua Niugini i bin go insait long kainkain bikpela senis na kainkain kros toktok long dispela yia 1995. Long wankain taim tu, dispela yia i bin wanpela gutpela yia bilong ragbi lig tru long wol na PNG tu. Long dispela laspela pepa bilong Ragbi Lig Nius long dispela yia, **Wantok Ragbi Lig Nius Ripota Rodney Kamus** i glasim bek yia 1995 long sait bilong Ragbi Lig.

## COCA-COLA WOL SEVANS

Long dispela yia em i namba tu taim bilong Papua Niugini long salim sevan asait tim bilong em i go long Wol Coca Cola Sevan asait resis long Sidni. Tasol dispela tim i no kisim wanpela spes insait long semi fainel ples long pilai. Wina bilong dispela resis em Manly husat i pilai egensim Great Britian. Manly tim bilong Winfield Lig resis i kamap olsem namba wan tim long sevans resis bihain long ol i winim dispela resis tupela taim olgeta nau.

## BABINDA SAMA SEVANS

Mosbi Defence tim husat i sempion klab bilong las yia i kamapim gutpela yia tru na salim tim bilong ol long go resis long Babinda Sama Sevans resis long Cairns Australia. Defence i bin salim wanpela strongpela tim tru na ol i winim dispela resis

long statim wanpela yia bilong Ragbi Lig long kantri.

## SUPA LIG TOKTOK LONG AUSTRALIA

Tupela bikpela bisnis man bilong Australia husat i save bosim ol TV na Niuspepa i stat toktok long kamapim dispela supa lig bilong olgeta hap long wol. Tupela i bin toktok long baim raits bilong TV na dispela em long Ragbi Lig. Taim tupela i statim old dispela toktok, em i makim wanpela bikpela samting tru nau bai kamap long ragbi lig long wol na bai senisim olgeta. Ol klab olsem Brisbane Broncos, Bulldogs, Cronulla, na Canberra Raiders i redi tasol long joinim ol supa lig. Toktok bilong supa lig i kamap moa bikpela na Australian Ragbi Lig wantaim Supa Lig i resis long sainim ol pilaia.

Supa lig i sainim planti na ARL tu i sainim planti bilong ol Kangaroo olgeta. ARL i kisim sapat bilong Kerry Packer na Supa Lig em i stap aninit long lukaut bilong Rupert Murdoch. Taim ol i wok long sainim ol pilaia, ARL i karim supa lig i go long kot long sainim ol pilaia bilong ol taim ol pilaia ya i stap yet aninit long kontrak bilong Supa Lig. Kot bilong dispela bikpela samting i stap yet.

## STATE OF ORIGIN

TAIM planti ol biknem pilai bilong Kwinnslen na Nu Saut Wels i sain wantaim Supa Lig, ARL i no tok yesa long ol long pilai

long State of Origin na ol pilaia olsem Allan Langer, Brett Mullins, Steve Walters, Kevin Walters, Laurie Daley na Ricky Sturt i no nap pilai.

Tasol ol Kwinnslen i bin stat long painim ol yangpela pilaia bilong ol long dispela resis. Kepten bilong PNG Kumuls Adrian Lam i kamap olsem man bilong dispela pilai taim em wantaim kosa Paul vautin i helpim gut tru ol Maroons long winim ol Blues wansait 3-0.

Dispela win em taim ol biknem pilaia bilong ol i no stap na Blues i bin gat planti ol biknem pilaia na intanesenel pilaia bilong ol i stap. Amamas bilong Kwinnslen long dispela win bilong ol i bin bikpela samting tru we planti bilong ol i kisim seleksen long pilaia long Australian Kangaroos tim.

## SP INTA SITI KAP

RESIS bilong dispela yia i bin kirap gut tru na ol planti tim husat i nogat nem long las yia i wok long kam antap na mekim gutpela pilai tru egensim ol tim. Hagen Eagles, Madang Globetrotters na Mendi Muruks wantaim Lae Bombers i bin kamapim ol gutpela pilai bilong ol tru long dispela yia.

Ol tim olsem Goroka Lahanis na Mosbi Vipers long planti yia i kam antap i save bosim dispela pilai i no bin gat sans long sindaun long namba wan ples long wanem ol narapela liklik tim i wok long pilai strong moa yet. Madang Globetrotters na Lae Bombers i bin kamapim sampela bikpela hevi bilong

sisen long winim ol Mendi Muruks na Kundiawa Warriors na tu Hagen Eagles.

## PNGRFL PASIM ROP WANTAIM SUPA LIG

Taim resis bilong inta siti i wok long go kamap bikpela, planti ol lain bilong Australia Supa Lig i bin raun long kisim olgeta kantri husat i save pilai ragbi lig. Long England ol i kisim England na bihain Nu Silan. Bihainim dispela , ol i kam gen long Pasifik na ol kantri olsem Tonga, Fiji, Westen Samoa na Papua Niugini i sain wantaim supa lig we ol i lusim ARL i stap autsait long em yet nau.

Long PNG yet, dispela em i wanpela bikpela samting long stori bilong ragbi lig we bihain bai i nogat gutpela amamas i kamap. Siaman bilong PNGRFL Joe Keviamé wantaim General Menesa Martin Adamson i sain wantaim supa lig long lukluk bilong ol bikman olsem Graham Carden bilong Nu Silan, Mal Meninga na John Ribot.


## FIJI WINIM PRESIDENTS 13

TAIM kainkain toktok i wok long stap long ragbi lig yet, Fiji Batis husat i bin kam pilai long hia long las yia na i lus i kam bek gen long dispela taim long bekim dinau bilong ol. Long las yia taim ol i kam, ol i salensim ol Presidents 13, em PNG i win tasol long dispela yia taim ol i kam pilai, nogat wanpela sans bilong PNG na PNG i lus long ol Fiji Batis.



• Kumul winga Joshua kouoru i laik ranawe long ol Fiji Batis' pilaia. Fiji i winim Presidents 13 long Mosbi.

# Lig Yia 1995



Ol pilaia husat i stap insait long dispela skwat bilong Presidens 13 i kisim sans nau long kalap long balus na go wantaim ol narapela kantri long pilai long wol kap resis long England.

## MOSBI LIG SAIN WANTAIM QRL

Long wanpela miting bilong olgeta eksekutiv bilong ol klab long Mosbi Ragbi Lig, olgeta i pasim toktok long bung wantaim Kwinslen Ragbi Lig long wanpela State Wide resis long neks yia.

Dispela i min olsem Mosbi Vipers tim bai i gat tupela tim long resis bilong neks yia na wanpela bai pilai long inta siti kap resis na narapela bai pilai long Kwinslen. Sentrel Ragbi Lig tu i joinim pinis Mosbi Lig na redi tasol long dispela resis bilong neks yia.

Tasol PNGRFL i rausim olgeta afiliesen bilong Mosbi Ragbi Lig wantaim em na dispela i mekim na olgeta bod memba bilong Mosbi Lig i risain na kamapim narapela bodi bilong ol yet. Nau dispela i sanap olsem Mosbi Lig i stap wantaim ARL na PNGRFL i stap wantaim supa lig.

## KUMUL SELEKSEN KISIM PLANTI TOK NOGUT

Bihain tasol long dispela pilai egensim ol Fiji Batis na Presidens 13 i lus, ol selekta i tokaut long Kumul skwat bilong go pilai long wol kap resis long England. Kainkain toktok i kamap olsem dispela tim i no wanpela tru-

pela tim na planti man i kwestenim posisen bilong ol selekta.

Ol man i kamap wantaim tim bilong ol ol yet long traim pusim ol selekta long senisim dispela tim bilong go pilai long wol kap. Tasol ol selekta i sanap strong tru long seleksen bilong ol. Bilong wanem na ol man i bin mekim planti toktok long dispela em long wanem ol Presidens 13 i bin lus long ol Fiji.

## INTA SITI GRENFAINEL

LONG namba wan taim long stori bilong dispela kap, Inta Siti grenfainel i bin kamap long tupela tim ya Mendi Muruks na Lae Bombers. Tupela i bin pilai long Mosbi na tupela tim wantaim ya i bin dro.

Tasol ol i no nap pilai gen long wanem independens wiken i kamap na Mosbi Lig i pinis wantaim PNGRFL na ol i no nap yusim graun bilong PRL. Olsem na ol i bin surikim dispela pilai i go long Lae we ol Lae Bombers i bin winim Ol Mendi Muruks long wanpela poin tasol.

Gavana bilong Lae Jerry Nalau husat i bin mekim promis olsem bai i gat wanpela pablik holidei i kamap tru taim ol Bombers i winim ol Muruks.

## KWINSLEN VS VIPERS

Mosbi Ragbi Lig i go het long strongim em yet wantaim Kwinslen Ragbi Lig na i bin askim wanpela Residens sait long kam-

amamasim independens wantaim Mosbi Lig. Tupela tim ya bai pilai long Sande long makim 20 eniveseri bilong PNG.

Ol Kwinslen i kam na pilaim tupela pilai bilong wanpela wantaim Mosbi Lakatoi em ol lain long Sentrel Lig na Mosbi Lig i bung wantaim na wanpela pilai egensim ol Mosbi Vipers sait.

Taim ol Kwinslen Residens sait i pilai wantaim ol Mosbi Lakatoi, Mosbi Lakatoi i soim strongpela pilai tru na winim ol. Long Sande em ol Mosbi Vipers i bin kamapimw wanpela strongpela pilai tru tasol ol Kwinslen Residens sait i bin pilai hat tru na winim ol Mosbi Vipers.

## SIDNI LIG GRENFAINEL

Kepten bilong ol Sidni Bulldogs, Terry Lamb i amamas tru long pinisim laip bilong em long ragbi lig bihain long tim bilong em i bin winim ol Manly long Sidni Winfield Lig long Australia.

Lam husat i bin go pas gut tru long ol Bulldogs i bin kamapim sampela gutpela pilai tru egensim ol Manly na lukim em i winim dispela laspela kap.

Winfield tu i pinisim sponsasip bilong em wantaim ARL bihain long gavman i tambuim ol smok kampani long sponsaim ol spots insait long Australia. Long neks yia, ARL bai gat nupela sponsa na dispela em Optus Vision Televisen.

## WOL KAP RESIS

Bihain long bikpela kros pait toktok nambaut long olgeta kantri bilong pilai ragbi lig insait long wol namel long supa lig, olgeta yet i traim hat tru long salim wanpela gutpela tim i go long pilai long wol kap.

Australia i mekim wankain pasin gen long i no kisim ol supa lig pilai na i salim wanpela tim wantaim kepten Brad Fittler i go long Inglen. Ol kantri husat i bin kamap long wol kap resis em, Australia, England, Frans, Wales, Nu Silan, Tonga, Westen Samoa, Papua Niugini, Fiji na South Afrika.

Fiji, South Afrika, Frans, Tonga, Papua Niugini i aut pinis long dispela resis bilong wol kap na dispela i pinisim wanpela gutpela na nogut yia bilong ragbi lig long wol. Inglen, Wales, Westen Samoa na Australia tasol bai traim painim wina bilong wol.

## 1996???

LONG neks yia, wanem samting i wetim ragbi lig nau. Sapos supa lig i winim kot, em bai stat neks yia? Wanem samting bai kamap namel long PNGRFL na Mosbi Ragbi Lig (PRL) na bai ol Vipers i gat sans yet long pilai long Kumuls long neks yai o nogat? Kain ol man olsem David Westley, Bruce Mamando na Adrain Lam bai pilai yet long Kumuls o nogat? Bai yumi wet tasol na luk-



• Sp Inta Siti kap gren fainel long dispela yia i kamap long Bombers na Muruks. Bombers i winim kap.

# WANTOK

## Ragbi Lig Nius posta



### Faiv Mail Nogats

*Unagi Lig resis - Mosbi*



### Warasua Eels

*Unagi Lig resis - Mosbi*

WANTOK  
Kumul ragbi lig senta - Wol Kap, Inglen 1995





• Risev gret gren fainel namel long Kinima na Lavara Broncos. Kinima i winim ol Broncos 10-8.

• Wanpela Broncos pilaia i painim hatpela taim stret long strongpela difens bilong ol Kinima.

*Tubuseria ragbi  
lig gren fainel  
long piksa*



• Wanpela Broncos pilaia i kikim bal long namba 6 takel.




• Falv-et bilong Kinima i mekimsave long fulbek bilong ol Broncos.

• Wanpela Broncos pilaia i nogat spes bilong go taim ol Kinima pilaia i pasim em.




• Primia tim bilong Tubuserea lig long dispela yia Lahi Gabua Tigers.




• Antap: A gret eksen pilai bilong Tubuserea Lig. Wanpela Tigers pilala i laik abrusim prop bilong Kinima. Lephau daunbilo: Maus bilong paia... Dispela em bilas bilong ol Tigers long ron i go aut-sait long pilai graun. Aninit: Paia long tokples Motu, Lahi i min olsem paia na ol Tigers i soim stret stail bilong ol long winim gren fainel.




• Ol lapun tu i save laikim ragbi lig na tupela papa ya i smokim brus bilong ol na lukim grenfainel bilong Tubuserea Lig.




# Kumuls bungim ol sapota



• Lok fowat bilong Kumuls Bruce Mamando i sanap wantaim ol sapota bilong em.



• Prop fowat bilong Kumuls David Westley i raitim nem bilong em long lek bilong wanpela sapota.



• Kumuls kepten Adrian Lam wantaim ol sapota bilong em long poto.

## Nupela awot bilong ol pilaias

JOE KANEKANE i raitim

Nambatu siaman bilong Papua Niugini Ragbu Futbol Lig, Mark Kevin Murphy i tokaut long wanpela nupela awot bilong ol pilaias i pilai gut tru insait long dispela yia. Dispela awot i wankain long awot bilong Dr Jim Jacobi, O PNG pilaias bilong yia tasol dispela awot bai ol i kolim Siaman's Awot na ol wina bai kamap long olgeta senta.

Murphy i tok tingting bilong kamapim dispela awot i kamap bihain tasol long miting bilong ragbi lig bot las yia. Long dispela miting bot i mekim disisen long kamapim dispela niupela awot long wanem Dr Jim Jacobi i wok long givim luksave i go long ol pilaias long Inta - Siti tasol.

Na, dispela i mekim ol pilaias long narapela hap bilong kantri i mis ant.

Sampela lo i stap long makim ol pilaias husait bai i stap long dispela resis.

- Olgeta 28 senta i regista wantaim PNGRFL i ken makim wanpela pilaias

- Dispela pilaias i mas no ken stap insait long Inta-Siti tim

- Wanpela pilaias husait i winim Dr Jacobi Awot bai i no inap long resis

- Ol wanwan lig i mas mekim stori bilong pilaias long wanem samting em wokim long dispela yia tasol.

Dispela em i nambawan taim tru long wokim dispela kain awot na olgeta senta i mas salim nem bilong ol pilaias, ol i tingting em i ken stap long dispela resis.

## Jiwaka Tigers na GS Magani pas wantaim

LONG ai bilong samting olsem 3-4 tausen lig sapotas, manmeri na ol arapela lain husait i bin go insait long Banz lig graun long Sande (planti i paim geit na i go insait tasol planti moa i kalap strongpela na gutpela pilaias tru kampa namel long Jiwaka Tigers na GS Magani taim tupe i bung long gren fainol bilong Banz Lig, resis bilong 1995 sisen.

Bihain long 80 minit olgeta tupela tim wantaim i pilao strong tru olsem na nogat wanpela i win. Bikos tupela tim wantaim i dro 14-4 long fultaim. Ol opisol bilong lig wantaim ol tim menesmen na kepten bilong tupela tim wantaim i pasim tingting na tokaut olsem tupela wantaim bai i stap olsem primia tim bilong Banz Lig.

Ol lain bikman i luksave olsem i no gat "Cambridge Cup" na ol narapela kain pilaias wei bai wanpela primia tim inap insait long em olsem na ol i ting i gutpela pasin bilong Spot mansip na long gutpela nem bilong Banz Lig ol i tokaut olsem tupela tim wantaim bai sanap olsem primia bilong Banz Lig.

Pilaias istat strong tru long kik-op long tupela sait wantaim taim ol Magani i statim pilaias i kisim bal na usim ol hevipela man bilong ol olsem Gibson Siune, John Opo, John Konga na Nickson Lan long traim na sickim banis bilong Magani na i go long hap bilong ol.

Long 15 minit mak insait long wanpela bilong ol dispela ran referi ino amamas long wanpela takel bilong ol. Magani long wanpela Tigers pilaias na awodim penalti i go long Tigers. Kepten na insait senta John Taime putim bal i go namel long tupela pos stret na ol Tigers i go pas 2-0.

Ol Tigers i putim moa presa bihain long 2-poin lid bilong ol na kain man olsem "Spak Mike" John Opo na Gibson Siune i wok long mekim ol strongpela na hatpela ran i go long teritori bilong ol Magani long 25 minit mak bihain long wanpela.

Long rait wing na em i dastim i go slip long lain stail tru aninit long gol pos tasol dispela isi kik tru John Taime kisim i no go insait na ol Tigers i go pas yet 6-0.

### Banz Lig gren fainol ripot

JAMES SAKUL i raitim

Ol bois bilong het wara manbol GS Magani i wok long pilaias isi liklik tasol na bihainim dispela trai bilong Tigers i kirapim bel bilong na wantu ol i salim ol bikpela man bilong ol olsem Paul Kulung, Peter Singal, Fren Tai, Billy Ngundumb na skin tuit mangi John Dar long amarin na traim slekim liklik banis bilong ol Tigers.

Taim ol i mekim i go wanpela hol i op long banis bilong Tigers na long 30 minit mak fulbek na stail mangi bilong Magani Timothy Ginga i abrusim 4-pela Tigers pilaias na sixti i go raun long lain bilong Tigers. Lek bilong Kevin Noah i no stret na bal i go aninit long gol pos olsem na ol bihainim Tigers 6-4. Pilaias i stap strong olsem tasol long namel i go inap haptaim na skoa i sanap olsem yet Tigers 6 na Magani 4.

Tupela tim wantaim i kisim strongpela toktok long kosa bilong tupela long haptaim olsem na long seken hap paia lait stret na das kirap long Banz Lig graun. Ol Tigers i go pas na tingting long i go yet ol Magani tingting long long putim sampela moa poin na abrusim ol Tigers olsem na pilaias i go tait olgeta, mekim ol sapotas i sanap long lek bilong ol.

Tasol liklik taim bihain Magani kamapim wanpela gutpela pilaias na kepten bilong ol Kevin Noah husait i pilaias gut tru. Tromoi wanpela gutpela longpela bal i go slip long bros bilong Thomas Kenken na em lap tasol i go raun long lain bilong Tigers tasol kik bilong Kevin Noah i no go insait. Nau ol Magani abrusim ol Tigers na i go pas 8-6.

Ol Tigers i wok long i kam bek strong yet wantaim ol strongpela ran yet na taim ol istap long 30 mita mak mak bilong Magani wanpela gutpela pilaias i kamap long dispela hap na yangpela faivet Johnson Pakiso i go slip long lain bilong Magani. Kik bilong John Taime i no painim mak tasol nau ol Tigers i go pas 10-8.

Ol Tigers i putim presa yet na bihain liklik taim tasol outsait senta bilong ol i tingting bai ol i win bikos ol i ting liklik taim tasol instap na i no was gut long banis bilong ol. Long wanpela kwik "play the ball" ol Mangai makim save i go na stail mangi Joe Kowini kisim wanpela gutpela bal na i go pasim wok long lain. Kik bilong Kevin Noah i go insait na ol i pas wantaim nau long 14-14. Skoa i stap olsem i go inap fultaim.

Long Tigers "Spak Mike" John Opo, Gibson Yiune, John Konga na Alphonse Turie pilaias strong long fowots na kisim gutpela sapot long Johnson Pakiso, Joseph Wara, Albert Bill na Mali Puma long beklain.

Long Magani Peter Singal, Paul Kulung, Pren Tai, John Dar i pilaias strong long fowots na kisim gutpela sapot long Kevin Noah, Ding Kur, Peter Angelye, Edwin Ongol na Billy Kolip long beklain.

Gren fainol bilong ol narapela grets i bin kamap namel long Jiwaka Tigers na GS Magani tasol. Long anda 17 fainol ol yangpela bilong het wara momboi, Magani brukim Lewa bilong ol yangpela bilong saut wagi taim ol i winim ol 8-6.

Long bekim dinau bilong ol anda 17 bilong ol, ol bois bilong Saut Wagi long B gret fainol i rausim trausis bilong Magani na salim ol i go bek bilong Wara Mombol taim skoa i kamap 13-4 long fultaim.

Kosa bilong Magani Michael Warap i amamas tasol long gutpela pilaias bilong tupela tim wantaim. Em it ok i no gat wanpela hevi i soim ol spotas na ol pilaias i amamas tasol. Em i laikim bai ol opisol bilong lig narapela yia ronim ol gems gut long gutpela nem bilong Banz lig.

Michael Wanpis, wanpela Sinia pilaias bilong Banz Lig i tok gren final i kamap gutpela tru. I no gat trble o pait i kamap tasol em i no wanbel long. Stendat bilong pilaias long tupela sit wantaim. Em i tok pilaias i luk oslem ol klab gems nating na ino olsem gren finaol. Tupela sait wantaim i no pilaias presa futbol.



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.